

98 e 24



~~17~~

62517/B

M
G 3

10077

e

24

MEDICAL SOCIETY
OF LONDON



ACCESSION NUMBER

PRESS MARK

GRATIANUS, J.



Digitized by the Internet Archive
in 2019 with funding from
Wellcome Library

<https://archive.org/details/b30521713>

THERMARUM
PATAVINARUM
EXAMEN.

THE MUSEUM

MUSEUM

MEMORIAL

T8

THERMARUM
PATAVINARUM
EXAMEN;

CUI ACCESSIT

DISSERTATIO

D E

FONTE LÆLIO,

ACIDO,

RECOBARII.

SCRIPTORE

JOANNE GRATIANO BERGOMENSI, D. ICAI SOCIETY



PATAVII,
M. DCCI.

Ex Typographia Seminarii.
Apud Joannem Manfrè
SUPERIORUM PERMISSU.

THE

PATENT

OFFICE

OF

DESIGNS

AND

TRADE MARKS

IN

ARTS AND MANUFACTURES

OF THE

UNITED STATES OF AMERICA



OFFICE

OF

DESIGNS

AND TRADE MARKS

ILLUSTRISS. , ATQUE EXCELLENTISS. D. D.

HIERONYMO
VENERIO

Equiti , & D. Marci
Procuratori

Joannes Gratianus F.

E Tiam me tacente , Mæcenas op-
time , facile omnes vident , cur parvum
hunc vigiliarum mearum fructum ve-

nire in hominum manus ornatum commendatione tui nominis voluerim. Cum enim, ut omni virtutum genere ornatissimus es, ita hoc supra ceteros eximium habeas, quod & unice eruditos homines amas, & illorum omnium conatus excipis humanissime, qui sin minus tibi suam approbare eruditionem valent, at certe voluntatem aliquam declarare percipiunt: in eam demum spem sum adductus, ut crederem, libellum quoque hunc, nullo licet aut sermonis lepore, aut exquisitioris doctrinae elegantia refertum, à te aequo animo excipi posse. In quo tamen quoniam confidentius me gessisse scio, quam decebat; primum quia tantulam rem, tamque ineleganter pertractatam his praesertim temporibus in aspectum, lucemque proferre; deinde verò tibi tanto viro, tantisque assidue occupationibus impedito literis meis obstrepere veritus non sum:

per

per illam & aliis, & mihi inprimis per-
spectam humanitatem tuam à te enixè
contendo, ut & mihi ignoscas, & non
tàm quid aut amplitudini tuæ, aut scri-
ptionis generi conveniat, quàm, quid à me
prestari possit, expendas. Si enim quid hac
in re à me peccatum est, peccatum est par-
tim incredibili quadam abundantia ob-
servantiæ erga te meæ, partim fiducia mi-
rifici tui erga omnes honestas artes amoris;
propter quem nihil tibi ingratum, nihil in-
iucundum esse solet, quod eo consilio insti-
tutum fuerit, ut ad augendam quoquo mo-
do eruditionem pertineat. Igitur quoniam
vel hic animus apud te tanti est, ut aliàs,
mihi quamvis nihil prorsus tale promerito,
aliquid tamen tribuendum esse putaveris;
iterum à te etiam atque etiam peto, ut opu-
sculum hoc, licet levius, quàm ut tu, quem
nihil nisi eximium capit, ullam ex eo volu-
ptatem percipere queas, tibi nihilominus

acceptum esse velis. Id ubi prestare constituas, nullus dubito, quin operi huic minimum ex me existimationis habituro, plurimum ex te accessurum sit dignitatis, & gratiae. Primum enim quem non moveat praestantissimi tui auctoritas iudicii, cum nemo ignoret, te non modo ex Augustissimi Senatus Veneti decreto maximam optimarum disciplinarum curam gerere, verum etiam adeo literis oblectari, atque omnium minime communium, & contritarum rerum meditatione animum pascere, ut licet in altissimo dignitatis gradu ob praecleara tua erga Rempub. merita collocatus, nunquam intermissa gravissimorum munerum ad salutem, & tranquillitatem publicam pertinentium procuratione districtus tenearis; tamen nullus tibi excidat dies, cujus partem aliquam in huiusmodi studia non insumas? Deinde vero, quod cum tuo nomine labor hic non perveniet? Sive enim clari-

tatem

tatem generis requirimus, siue te ipsum,
nulla ratione generis habita, intuemur; ec-
quis est hodiè tam ab hominum consortio re-
motus in terris locus, quò non Veneria Gen-
tis antiquissima, virorumque pace, ac bel-
lo clarissimorum fœcundissima, quò non
Tui præsertim nominis rumor pervaserit?
Quam quidem nobilitatis, virtutisque fa-
mam cum admirandis, atque immortaliti-
tate dignis edendis operibus domi jam com-
probasses, auxissesque, illud quoque acces-
sit, ut plurimis, honorificentissimisque Le-
gationibus per Germaniam, Galliam, An-
gliam, atq; omnes ferè terrarum oras ean-
dem magis disseminares. Hæc, amplissi-
me Procurator, potissimum effecerunt, ut
omnes homines non modò te colere, atque
suspicere, de te, veluti de perfectò quodam,
atque omnibus numeris absoluto virtutis
exemplo loqui soleant, sed etiam ea omnia,
quæ ad te aliqua ex parte pertinent, statim
cogno-

cognoscere discupiant. Quamobrem ne dedigneris, obsecro, ita librum hunc, qui nunc tibi à me inscribitur, atque mox per te in omnium manus evagabitur, excipere, ut, te approbante, gratior multò, & commendatior fiat. Cujus quidem muneris si ego ullam unquam partem, dum vivam, de tuis prestantissimis virtutibus aut scribendo, aut loquendo, promereri potero, nihil mihi in vita aut optabilius, aut honorificentius contingere potuisse arbitrabor. Vale.

Dat. Patav. VIII. Kal. Februarii Anno 1761.



MONITA *AD LECTOREM.*

Mirum fortassè tibi videri poterit , Lector erudite, quòd & hunc laborem post alios propè innumeros susceperim , & de re , quæ difficiles penitus , atque arduos habet explicatus , tanquàm aliquid certum allaturus , scribere sim aggressus . Verùm mihi in primis monendus es , me in hoc Thermarum Patavinarum Examine instituendo , utcunque rem actam agere iterùm videar , vulgarem tamen illam , atque iis omnibus acceptam methodum minimè servavisse , qui hætenùs in earundem minera inquirenda elaborarunt . Et enim cùm partim summas dissentientium inter se scriptorum contentiones super horum Fontium natura , & viribus animadverterem , neque enim res aliter iis evenire poterat , qui per simplices notas , atque effectuum varietatem dumtaxat , intimam ipsorum naturam conjectura assequi conabantur ; partim illustrium aliorum virorum exemplis immorarer , qui nuper hoc in obeundo munere , atque in suæ quisque regionis fontibus inaudito pridem labore investigandis plurimùm enituere : facturum me operæ pretium sum arbitra-

tratus, si nuperrimorum scriptorum vestigiis insistens, harum Thermarum causis intimius, atque accuratius perquirendis pro virili parte consulerem. Quod ut laudabilem suscepti operis causam indicat, ita non desunt, quibus scriptiorem hanc ab eorum tuear reprehensionibus, qui, quod de re magnis undique difficultatibus impedita agere veritus non sim, nulla penitus excusatione dignum fortasse existimabunt. Quemadmodum enim si me, in statuenda harum aquarum indole, arbitrum, atque disceptatorem idoneum profiterer, apud cordatos, & intelligentes homines impudentiæ notam effugere non possem; ita nullum dubium esse crediderim, quin & in tanta judiciorum multitudine mihi quoque liceat, tanquam uni è multis, quid sentiam dicere, & multi reperiri queant, qui vel ex eo libelli huius institutum probent, quoniam, quod mihi verissimillimum visum est, ita proposuerim, ut & suum cuique, & mihi meum, si quid interea probabilius occurrat, iudicium liberum, ac solutum reliquerim. Quo posito, causæ nihil est, cur tibi tractationis huius rationem data opera aperiā. Sive enim ejusdem ordinem inquiras, sive rem ipsam putes; vel in ipso limine opusculi ita, quæcunque in eodem continentur, patefiunt, ut prævia explicatione egere nullatenus videantur. Cæterum cum ad perennium, medicatarumque aquarum causas, partim ut maiorem claritatem rei conciliarem, partim ne laborem hunc defugisse crederer, afferendas initio prævorterim; non is sum, qui, cum nihil in hac re promeruerim, postulem id gratiæ apponi mihi. Nimirum conquirendæ mihi aliorum conjecturæ fuere, non ut, iis omnibus refutatis, novum aliquid, atque inauditum afferrem; quod ut aliqui ingenio, & doctrina præter cæteros præstantes laudabiliter faciunt, ita permulti potius ut aliquam sibi industriæ famam conficiant, quam quia augendæ eruditionis causam aliquam se afferre posse confidant, præstare solent. Sed ut, vero similiorem deligendo, eam explicandæ Thermarum, acidarumque aquarum originis rationem innirem, quæ mox instituendo examini summè conferret. Quod autem ad examen ipsum spectat, illorum exemplum sequi visum est, qui in medicatis Galliæ præsertim, atque

Ger-

Germaniæ fontibus multiplici examine investigandis præ-
claram pridem utilitati publicæ operam navaverunt. Quo-
rum auctoritas ut mihi satis magnam scriptorum deffensio-
nem suggerit; ita spes est fore permultos, qui nisi mihi,
cui ad id planè perficiendum vires non suppetunt, tanto-
rum tamen virorum iudicio tribuendum esse aliquid pu-
tent. Nihilominus inficiari non ausim variis in locis alia,
à me ad rem præsentem magis aptata, nonnulla immuta-
ta leviter, ac demùm non pauca, adhibitis licèt experi-
mentis, omninò prætermiſſa. Idque ea potissimum de cau-
sa, quoniam satius esse existimavimus, ut res omnes è mul-
tis, & diversis elementis conflatas, atque concretas ex eo
nominare solemus, quod in quaque dominatur; ita præci-
pua dumtaxat medicatarum harum aquarum contenta pro-
ferre, iisque doctrinam omnem de earundem viribus su-
perſtruere. Neque enim dubito, quin si illud propositum
fuiſſet, ut ad ultimas mixtionum rationes, per omnia
metallicarum rerum genera descenderemus, non modò lau-
dabiliter res casura non eſſet, sed, velut qui proximis li-
tori vadis inducti mare pedibus intrant, quidquid progre-
deremur, in vastiorem altitudinem, ac velut profundum
inveheremur. Quod reliquum est, haud ignoro, quàm va-
rius de hac re illorum sermo futurus sit, qui, ob traditum
ab veteribus morem, incredibilem quandam minerarum
verietatem in his Fontibus esse contendunt. Horum ego ob-
trectationes si declinare de industria instituissẽ, servan-
dus mihi illorum mos erat, quos in Paradoxis irridet Hel-
montius. Nempè, ut eſſet, in quo singulis placerem, o-
mnes sales, omnesque alias rerum metallicarum species his
Fontibus assignare debueram; atque, ut vires eorundem
ad nutum explicarentur, huic modò, modò illi rei me-
tallicæ, tanquam duci, ut ingeniosissimi Scriptoris verbis
utar, reliquorum omnium fidere exercitum. Sed ut uni-
ca ratione cuncta complectar, cur iis blandiar, nullate-
nus video; cùm res aliud monſtret. Itaque, quia hu-
jus ordinis homines animum non modò flectere à vero,
sed ne sollicitum quidem efficere haud queunt; ideò ad
propositum accedam, à te etiam atque etiam, Lector o-

ptime, contendendo, ut examen hoc æquo animo exci-
pias, & in eo scitè conscribendo, utcunque mihi defuerit
facultas, voluntatem certè defuisse ne arbitreris. Vale.



INDEX CAPITUM.

- I. *Thermarum Patavinarum*
Descriptio, & Situs. pag. 1.
- II. *De Origine Fontium. p. 11.*
- III. *Quomodo Fontes Simpli-*
cium Aquarum Medicati
fiant. pag. 33.
- IV. *De causa caliditatis Fon-*
tium Patavinorum. p. 46.
- V. *De vario Aquarum Me-*
dicatarum Examine. p. 56.
- VI. *De Minera Thermarum*
Patavinarum. pag. 71.
- VII. *De Fontium Eorundem*
Viri-

*Viribus, & quibus Morbis
convenient. pag. 115.*

VIII. *De Thermarum Patavinarum Ufu tam Interno,
quàm Externo. pag. 160.*

*Dissertatio de Situ, Minera,
& Viribus Fontis Lelii,
Acidi, Recobarii. p. 174.*

THER-

THERMARUM PATAVINARUM

Descriptio, & Situs.

CAPUT PRIMUM.

SEPTem medicatos Fontes Euganeis Montibus largita est natura, cum ne quidquam felicitati urbis amenissimæ deesset, tum ut cum amplissimis, & ditissimis quibusque regionibus soli indulgentia nunquam cessura certaret. Antiquior cæteris Fons Aponi: cujus nominis ratio ab Argivis, Hercule, uti ferunt, duce, in expeditionem adversus Gerionem profectis petitur; qui cum in ejusdem aquis morborum sine ullo dolore medelam invenissent, ΑΠΟΝΟΝ à doloris, & laboris privatione nuncuparunt. Indè ruris quoquè nomen, ac præclara salubris loci monumenta fluxere. Nam cœlesti, nescio quo, prodigio motus Hercules, ut Gerionis, quem abductis armentis mactaverat, manes placaret, monumentum illi, & oraculi adytum, ubi augur degeret, & sortes ducerentur, instituisse dicitur. Ac propterea Cornelium magni nominis augurem inde Pharsalicam cædem aliquandò prospectasse, septimo Pharsaliæ Libro testatur Lucanus, inquiens:

A

Euga-

*Aponē-
sis aque
nomen
undè.*

*Euganeo (si vera fides memorantibus) augur
Colle sedens , Aponus terris ubi fumifer exit ,
Atque Antenorei dispergitur unda Timavi ,
Venit summa dies , geritur res maxima , dixit ,
Impia concurrunt Pompei , & Cæsaris arma .*

Ceterum aucta olim fontis nobilitas sparsis, amenisque ædificiis, quorum pleraque Theodoricus Rex extrui, vel instaurari curavit. Extant quoque prolata ab eodem fontis præconia: esse ibi sine tormento curas, sine horrore remedia, sanitatem inemptam. Aucta usque in superstitionem reverentia, quod res dubias, nescio quo argumento, à divino, uti vocabat, fonte aperiri crediderit. At, præter cetera, quæ memoratu digna ibidem contigerunt, Petro insigni Philosopho, & Medico locus magis inclaruit: adeò ut, quem natura saluberrimis aquis scaterere fontem voluerat, magnorum virorum monumentis celebriorem reddere curasse, videatur.

*Aponi
descri-
ptio, &
 situs.*

Distat rus Aponum ab Urbe quinque ferme milliarium intervallo; cujus in excessu, qua montis, uti vocant, S. Danielis prospectus est, collis quidam cernitur, qui ubi in modicum admodum tumorem excrevit, opportuna planitie, omni plagæ æquè obversa, ac veluti in conceptaculorum morem aptata exequatur. Hanc uberrimus, calidissimusque replet humor: plures inde rivuli, quæ mons faciliora latera acclinat, ad inferiora decurrunt; qui, ut prompta usui aqua perftet, parvis receptibus,

ve-

veluti alveis colliguntur . Nullæ circum valles , nulla inopportuna situs asperitas ; sed ditissimus ager , felicia ob salubres herbas loca , atque innoxius aer , nisi eundem , qua propior est rivus , ebullientium aquarum vapor inficiat . Loci ingenium contemplatus Claudianus , singula his carminibus elegantissimè complexus est :

Alto colle minor , parvis erectior arvis ,

Conspicuo clivus molliter orbe tumet .

Ardentis secundus aquæ , quacunque cavernas

Perforat , offenso truditur igne latex .

Spirat putre solum , conclusaque subter anbelo

Pumice rimosas perforat unda vias .

Humida flammæ regio , Vulcania terræ

Ubra sulphuræ fervida regna plage .

Quis sterilem non credat humum ? fumantia vernant

Pascua . Luxuriat gramine cocta flix .

Et cum sic rigido cautes fervore liquecant ,

Contemptis , audax , ignibus , herba vires .

Miranda aquæ caliditas , quæ in conceptaculo summo collis vertici imposito continetur : cui cum virentes herbæ , ut Claud. memorat , innascantur , adeò rem demiratus est Plinius , ut inter miracula aquarum , fontium , & fluminum naturalis Historiæ libro secundo , cap. CIII. ejusdem meminerit . Nullus aquæ propterea hoc in loco balneantibus usus est . At , quæ vario itinere in subiecta loca de industria derivatur , vi ardoris infracta , ea mensura ferverescit , quæ satis

*Aque
calide
puritas.*

aptè corpora ægrotantium admittat . In quocunque nihilominus caliditatis gradu nusquam ferè humor impurus obversatur ; proindè instituto inhærens Claudianus, subdit :

*Densus nube sua, tactuque immitis, & haustu,
Sed vitreis idem lucidus usque vadis.*

*Consuluit natura sibi, ne mersa lateret,
Admisitque oculos, quò vetat ire calor.*

*Balnei
S. Petri
descri-
ptio.*

Vix ultra milliare à Thermalibus Aponi aquis contra Meridiem, S. Petri, vulgò dictum, rus diffitum est . Eadem parte mediocris altitudinis collis effertur, cujus radices fursùm erumpens humor latè alluit . Hujus portio quibusdam conceptaculis continetur: atque inter hæc, quod scaturigini propius, modico alveo gaudet . Hoc paucis ab hinc annis inopinatò defidens tellus plurimum auxit ; ingenti hominum multitudine vix amota, quam subtus ortum murmur eodem tempore perterruerat . Reliqua aquarum colluvies, partim quà Oriens est, partim quà Septentrio, ulteriùs per declive solum per-voluta, latissimum intra alveum utrinque subsistit . Præter calescentiæ gradum, quo supernè scaturiens humor multùm infrà collectum antecellit, satis conspicua in fundo coloris diversitas est . Namque Orientem versus ab vulgari colore non absimile cenum videtur . E converso verò ità inficitur, ut æneum colorem repræsentet . Cæterum, seu fertilitatem soli, seu innoxium ærem inspicias, felicitati Aponi locus non invidet . Fortasse tamen, quia haud rari circum col-
les

les assurgunt, elevatus ab scaturientibus aquis vapor diutiùs in ambitu loci detinetur. Mirum est, quod collis inferiora contemplant obversa-
tur. Quippè latè diductus fornix, arte inter sa-
xa paratus, subter fundamenta ejusdem excur-
rit. Hunc adire, ob proventum calentis aquæ,
& densissimos fumi globos, haud datum. Facile
nihilominùs intellectu est, tanto labore excava-
tam porticum antiquis loci dominis, qui sæpè
luxu balneorum prolabebantur, inservisse.

A balneo S. Petri non ultra quingentos pas-
sus, quod Domus Novæ nuncupatur, distat;
hoc nomine insignitum, quòd antiquis incolis
fons ignotus, multò post coli cæperit. Mons ibi-
dem Meridiem versus modicè extollitur, ubere
calentium aquarum scaturigine gaudens. Subest
eidem ampla admodum planities, crebris mon-
ticulis, & vallibus obsita; quam deinde crebræ
fossæ, paludes, & promiscui frigidarum, calen-
tiumque aquarum rivuli undique replent. Mul-
tum ibi aeris vitium, statioque intuta animanti-
bus. Quippè cùm scaturiens inter telluris inæ-
qualia humor veluti intra valles restagnet, &
qui circum sunt colles diffationi plurimum obfi-
stant, aer adeò inficitur, ut vel solo odore sum-
moperè displiceat, noceatque. Extat haud pro-
cul ædes à præclarissimo Philosopho Joanne de
Dondis extructa: indè loci nomen; prope quam
non modica thermalis aquæ lacuna est, paran-
di salis gratia, parata. Uberem ibi salium co-
piam erutam fuisse vel ipse Joannes de Dondis

*Domus
Novæ
balnei
situs.*

*Locus ab
Joanne
de Don-
dis exor-
natus.*

testatur; qui vestigiis Jacobi parentis insistens, facilem conficiendi salis methodum nactus, Patavinorum civium commodo multum providit. His tamen temporibus denuò locus vix tantum non exolevit. Quidquid enim id est, per quod aucto balnei nomine, ingens de eodem opinio invaluerat, nunc adeò corruptum est, ut ab residue circumjacentium balneorum humore, inter declivia planitie collecto vix internoscatur.

*Descri-
ptio Bal-
nei Mon-
tis, Ægro-
torum.*

Montis Grotti thermales aquæ enumeratis succedunt; quas ab Aponensibus duorum millium passuum intervallum disternat. Ortum loci nomen à cujusdam Montis vicinia, quem cum ob miram soli amenitatem, atque aeris indulgentiam peterent ægroti, quorum ingens ad balnea eadem accessus erat, ibidemque confertim expatiari consuescerent, Ægrotorum montem incolæ appellaverunt. Inlatum deindè & balneo, & pago nomen; corruptoque, ut fit, cognomento, Montis Grotti balnea, pagusque nuncupata sunt. Itaque haud procul ab Ægrotorum Monte in pagi confinio locus occurrit, paulò cæteris elatior, circa quem plures hinc & indè ferventes rivuli prodeuntes, demum subiectam planitiem crebris in locis implent. Hos inter pagi templum, nunc vetustate collapsum, quidam præterlabitur; qui mox in plures ramulos sectus, varia utrinque in conceptacula derivatur. Prætereà verò Orientem versus alius decurrit, qui satis amplo alveo exceptus, lacunam, uti vocant, equorum efformat. Cæterum

con-

conceptaculorum alia sub dio , alia contecta , multiplicem scilicet in usum ut venirent . Regio verò quemadmodum ubertate segetum ditior est cæteris , ità & innoxii aeris titulo enumerata loca multum antecellit .

Patavio ad septem passuum millia digredienti aliud balneum obviam fit , quod vix ultra tria milliaria distat ab Apono . Mons ibi modicæ altitudinis , ad quem per arctam semitam patet aditus ; ubi cùm D. Helenæ templum , quod & nunc extat , olim constructum fuisset , sumpto cognomento , S. Helenæ thermas incolæ appellaverunt . Porro humor , ampla admodum scaturigine fermè è vertice collis enascitur : qui deindè obliquo , occultoque per saxa meatu ad inferiora , quæ Oriens est , descendens , ad ejusdem radices multiformia conceptacula implet . Constructæ ibidem ædes , magnum balneantibus solamen . Quippè demissa circum planities , & , quæ mons in Meridiem patet , stagnum est , gravi aerem vapore inficiens ; à quo nullum nisi aut superna parte collis , aut longè à prodeuntis aquæ loco , effugium . Aqua verò , quæ iis è meatibus prodit , adeò calida est , ut sine sensu doloris tangi non possit . Et licèt paulum , ubi ab origine elongatur , defervescat ; passim tamen immodica caliditas eidem inesse deprehenditur .

Duodecimo ab Urbe milliari locus est , collibus undique confitus , nisi quæ Meridiem prospectat ; è quorum lateribus scaturiens humor

*Aqua
Ther-
males
D. He-
lenæ .*

*Situs Bal-
nei S.
Bartho-
lomæi .*

*Celeberrimum
ibi luti.*

balneum, quod S. Bartholomæi dictum est, constituit. Templum ibi, & Xenodochium in pauperum commodum D. Bartholomæo olim dicatum; undè balnea nomen accepere. Multa thermalem hunc locum enumeratis dissimilem reddiderunt. Præcipuè tamen, qua parte demissa veluti in vallem planities descendenti aquæ in conceptaculum patet, non, uti in quibusdam aliis, veluti lapidibus constrata est; verum coenosa adeò, & pinguis balneantibus occurrit, ut, licèt non ultra duorum pedum altitudinem aqua superemineat, eidem corpora credere intuitum penitus sit. Neque eadem, quoque annitempore, mensura humor incallescere dicitur. Quippè quemadmodum autumnò, & multò magis æstate fervet, ità per hyemem, & proximum ver aliquatenus in eodem calorem remitti incolæ adnotarunt. Cùm verò colligendis pluviis aquis mirum in modum planities apta sit, fit indè, ut & post pluviarum casum thermalis aquæ vires sæpè, plurimumque frangantur.

*Descriptio
Balnei
Montis
Orthoni.*

His Montis Orthoni Balneum accensetur. Locus est crebris circum collibus conclusus, quorum in medio Orthoni Mons effertur. Adstant præcipuè Orthono hinc Mons S. Danielis, quo in loco constructum antiquitus Cereris Fanum legimus, indè Mons Rubeus, ubi quondam Euganeam Urbem conditam fuisse, plurium scriptorum monumenta testantur. Multum inde Orthono levamen. Quippè ab aeris in-

injuriis cùm ab Occidente, tùm ab Septentrione tutissimus redditur. Aquarum verò thermalium origo ab Orthono est; è quo calidissimus humor exiliens, contigua montibus planitie excipitur. Varia ibidem aquarum conceptacula, multiformem ad usum, in commodum balneantium, reservata. Magni licèt nominis hujusmodi balnea hodie sint, diù nihilominus inculta olim, & despecta, fortasse ob inclementis aeris suspicionem, perstiterunt.

Verùm postquam, aucto mirum in modum ob Deiparæ Virginis templum loci cultu, detectaque vix tepentis aquæ scaturigine, quæ

*Et aquæ
B. Virginis.*

ipsius montis fundamentis adnascitur, tutam incolis stationem polliceri visus est; partim salubris aeris experimento, partim aquarum B. Virginis excellentia celebris adeò esse cœpit, ut omnibus suprà memoratis balneis Montis Orthoni aquæ longè antecellant. Cæte-

*Nunquã
hæ scaturigines aquarum
minuuntur.*

rùm omnes eas, quas hætenùs descripsimus, thermalium aquarum scaturigines nullo anni tempore deficere, aut minui, adeò certum est;

ut maximè, quâ tempestate ob aeris æstus fontes omninò exsiccantur, loca hæc consueto aquarum proventu gaudeant. Neque fer-

*Ceteræ
harum
thermalium
rũ proprieta-
tes.*

voris, frigorisve vices satis conspicuæ. Quipè vix in aliquibus, post pluviarum casum, modicùm deferbuissè collectum humorem deprehendes. Porrò crebris in locis fonti aquæ ferventis frigidi humoris effluxus adnascitur.

Hic tamen simplex adeò, atque ab omni minera-

neralis vaporis contagio liber non est, ut cum cæteris purissimis fontibus videatur comparandus. Thermalium verò aquarum odor, & sapor sicuti aliquatenus ingratus; ita, quæ pleræque earum propè scaturiginem in conceptacula derivantur, cœnum demittunt, quod fundo, & lateribus alveorum statim adhærescit. Hujus portio mollis aliquandò perstat, in usumque medentium ducitur. Nonnullis verò in locis, arena, salinæque plerumque particulae coeunt, in lapideam ferè duritiem obrigescunt. Qua parte autem ab infernis meatibus in apertum humor erumpit, ebullitio plurimum conspicua est; quæ licet sæpè remittatur, majore rursus cum sonitu totidem prodire solet. Animalcula quædam in calentis aquæ alveis vivere, sunt, qui tradant: quod licet oculis deprehendere haud potuerim, habendam nihilominus accolis fidem crediderim, qui se multoties id vidisse, testantur.

*Mirum
aquæ A-
ponensis
ingeniū.*

*Sed haud
procul
fabulis.*

Quod reliquum est, non desunt, ut Cassiodorus quoque habet, qui asserant, in aquis Aponensibus mirandam continentiae disciplinam quandam esse: nam in undam, in qua viri reficiuntur, si mulier descendat, incendi, & calore exuri, ajunt. Hoc quemadmodum ad libitum confictum ab incolis, ita non procul omni causa esse putaverim: suspectum scilicet ut foret promiscuum virorum, foeminarumque lavacrum; atque indè, tepore aquarum incitante, promptum exitum libido non inveniret.

De

De Origine Fontium.

C A P U T II.

QUoniam initio operis harum Therma-
rum examen pro virili instituere polli-
citus sum, illud in primis nullo pacto me de-
fugere posse intelligo, quod accuratiores ple-
rique aquarum medicatarum descriptores præ-
stiterunt; ut nempè causam aliquam affer-
rem, undè hujusmodi aquarum proventus du-
ci viderentur. Cujus quæstionis summa cum
eò recidat, ut de fontium nunquam deficien-
tium origine agendum sit, Thermæ enim sa-
tis magnum hujusmodi aquarum exemplum
sunt, nemo non videt rem hanc adeò à do-
ctissimis viris quolibet tempore pertractatam
fuisse, ut difficile penitus sit, ne dicam im-
possibile, novas iterùm conjecturas commi-
nisci, quibus melius, atque rectius eadem
explicetur. Nihilominus, cum ne quid huic
examine deesset, quod in aliis pronum est in-
venire, tum ut eam rationem enucleandæ ori-
ginis fontium inirem, quæ maximè aquarum
medicatarum principiis investigandis conferre
videtur, abs re non fore existimavi, eam con-
jecturam proponere, qua satis doctè declara-
ri valet, quâ fieri queat, ut ab aquis intra
tel-

*Origo
fontium
ab innu-
meris fe-
rè expli-
cata.*

telluris gremium conclusis fatis humoris excipere fontes nunquam arescentes facile possint. Cum autem huic sententiæ vel ex eo plurimum ponderis accedat, quod in aliis, quæ sæpè celebrium virorum assensum meruere, non eadem probabilitas, effectuumque constantia reperitur; libebit propterea pauca quædam aliorum placita præmittere, breviterque, quid in iis displiceat, per capita saltem recensere.

Itaque nemini incompertum est, nihil solemnius inter veteres rerum naturalium investigatores fuisse, cum de origine aquarum nunquam deficientium ageretur, quam aerem crebris montium cavitatibus conclusum, ambientium corporum frigiditate in guttulas concreescere; à quibus, ubi coierint, exiles primùm fonticuli; mox, incurfu aliorum in alios incidentium facto, majores fontes latè ducerentur. Addidit vacui metus novam passim dilabentis aquæ materiem. Quippè externum aerem, in locum illius, qui aquæ specie decessit, vicissim succedere, iterumque in aquas more eodem converti, atque exinde nunquam deficientium aquarum proventus gigni crediderunt. Eleganter propterea Jov. Pontanus:

*Ex libro
Meteororum.*

*Spiritus hic (Graji fecerunt aera nomen)
Qui terras, pontumque levi circumtegit um-
bra,
Et penetrat rimosa means in viscera terræ ;
(Cer-*

(*Certa fides*) facile bumentem permanat in undam ,

In liquidumque coit , contracto frigore , rorem.

Mox abit in latices , & ripis plenior errat ,

Et magno labens intrat cum murmure pontum .

Hanc explicandæ originis Fontium rationem ii plerumque amplexati sunt , quibus , Cur opinio eadem displiceat. duce Aristotele , Libro primo Meteororum , cap. XIII. elementa invicem transmutari placitum . Verùm quemadmodum Peripatetica Metamorphosis principiorum , licèt hæc prima non sint , innumeras , easque gravissimas patitur difficultates , quidquid dicant ii , qui nuper Aristotelis fundamentis Philosophiam omnem superstruxere ; ita non sine plurimorum consensu dici possit / existimaverim cum Helmontio , in Paradoxis , fontes ex condensatione aeris nasci , somnium esse naturæ impossibile : nullis aerem unquam sæculis aquam fuisse , aut futurum , prout neque aquam aeris formam assumpturam . Quod nempè elementa constantes sint rerum matrices ; eademque , post varios rerum ortus , interitusque , in eas redeant naturas , ex quibus unumquodque discesserat .

Neque fatis sibi illorum defensio constat , Aeris nomine vapores intelligendi nō sunt . qui eam Aristotelis sententiam fuisse tuentur , ut aeris nomine vaporem intellexerit , quatenus nempè vapores , è terræ regione sursum elevati , aeri penitus se immiscere , ac per eundem quaquaversum ferri consueverunt .

runt . Namque adversus Empedoclem aliàs disputans , generationi , & corruptioni obnoxia esse elementa , acriter probare contendit ; atque inter eadem præsertim symbola mutuatam transmutationem dari satis apertè proficitur . Commentum hoc ad Philosophi mentem decimoquinto Metamorphoseon exponens Ovidius , post descriptam quatuor Elementorum naturam , subdit :

*Quæ quamquam spatio distent , tamen omnia
fiunt*

*Ex ipsis , & in ipsa cadunt : resolutaque
tellus*

*In liquidas rarescit aquas ; tenuatus in auras ,
Aeraque humor abit ; dempto quoque pondere ,
rursus*

In superos aer tenuissimus emicat ignes .

Indè retrò redeunt , idemque retexitur ordo ;

Ignis enim densum spissatus in aera transit ,

Hinc in aquas ; tellus glomerata cogitur unda .

Quòd si vapores , qui partim à calore quovis ex aquis , partim ab halitibus animalium , plantarumque spiritu , quarum vita , perindè ac animalium , halituosa est , proficiscuntur , aeris nomine intelligendi essent , tunc ultrò transmutationis doctrina concideret . Quid enim aliud vapor , quam particularum aquæ in altum sublata congeries ? Qui quidem tantùm abest , ut sit aer , ut citiùs pulvis marmoris , aut silicis aqua sit . Propterea non sine summa ratione , loco citato , scriptum ab Helmontio --

*In quo
aer , &
vapor
differat.*

aerem five calidis, five frigidis locis exceptum, atque compressum nunquam aquam daturum, nisi quantum in se vaporis, id est, extenuatae aquae continuerit.

Igitur, ubi deprehensum est, per id haud satis aptè explicari fontium ortum, aliò versa sunt consilia Philosophorum. In re tamen difficili, magnaue judicandi libertate, ut fit, non una eorundem sententia. Quippè visum aliquibus est, inferiora corpora, & praesertim aquam motui superiorum obsequi; aliis flatu interiùs premente, five concluso spiritu aquam ad montium cacumina impelli; nec paucis, venis telluris, quas similes animalium venis fecere, vim quandam hauriendi à mari aquas, five his saliendi facultatem inesse. Hinc in supplemento de Spadanis Fontibus Helmontius: quandiù aqua priori in hospitio communi vita fruitur, sursum, deorsumque sine labore properat, quia nescit. Nec defuerunt, qui in angustias à principio redactas aquas attolli, & vicissim aeris partem occupare, in qua sint extra naturalem locum, existimaverint; quibus ii demùm accensentur, qui se ut difficillimo originis fontium explicandae labori subtraherent, ab altioribus principiis, iisque ex ingenii libidine excogitatis, rei totius causam non sine aliquorum consensu repetentes, per varios montium flexus sursum humorem emergere ideò crediderunt, quòd, factò primùm, ut ajunt, excultu fontium

*Aliæ
veterum
de fontium
origine,
cōjecturae.*

Excultus fontium à Deo factus.

tium à Deo, æquè ad declivia, editaque, ne quid vacuum esset, eadem passim servata itineris lege, aquæ aut descenderent, aut attollerentur.

Verùm hi, ut brevitatis causa, & leviores aliorum conjecturas jam memoratas, &, quæ hîc ad subtiliorem Philosophiam spectant, silentio transeam, animadvertisse mihi vîsi minimè sunt, non eodem semper loco, quo, *Cursus aquarû constans non est.* puta, à Mundi ortu fluxere, stare alveos, & ductus fontium, nec temporarias modò, ut vocant, sed ne perennes quidem scaturigines aquarum eadem semper spatia dimetiri. Scilicet non est ignotum, multis in locis intercipi tandem fluentium aquarum cursus, fidentis humi ruina opplente meatus, per quos antea decurrebant; atque ubi prius arida, & infecunda tellus, novos fontes oriri, nec non novos figi maris terminos, & continentis. Hinc XV. Metamorph. Ovidius:

*Vidi ego, quod fuerat quondam solidissima tellus,
Esse fretum: vidi factas ex æquore terras:*

Et procul à pelago conchæ jacuere marinæ,

*Et vetus inventa est in montibus anchora
summis.*

Quomodo fontes repente emergunt Ejusdem rei causam, naturalium Quæst. Libro tertio, cap. XI. profecutus Seneca: Sæpè, „ inquit, motu terrarum itinera turbantur, & „ ruina interfcindit aquas; quæ retentæ novos „ exitus quærunt, & aliquo impetu faciunt, aut „ ipsius quassatione terræ aliundè aliò transfe-

run-

runtur. Apud nos evenire solet, ut, amisso canali suo, flumina primùm refundantur: deindè, quia perdiderunt, viam faciant. Propterea repentinis hisce vicibus erumpentium, ac desinentium aquarum exterritos quarundam regionum incolas, legimus. Livius verò Romanæ Hist. Libro Quarto, dec. 3. quòd in vico Istrico repentè fons quidam emerisset, miraculi instar retulit. Nec breves dumtaxat fretus, verùm, quod mirere magis, immensos maris tractus has vices subiisse, norunt omnes. Quid ergo dicendum videbitur, cùm casu aliquo ingens profundis spatium penitus aut aggerabitur, aut, dehiscente humo, de novo fiat? potissimùm si, quod in Meteor. libro habet Pontanus, explicandum contingat:

*Marium
loca quæ
que mu-
tantur.*

*Hoc mare, quod nunc ingenti duo littora
tractu*

*Europam, Lybiamque secant (non fabula)
quondam*

*Tellus una fuit: medio stetit equore tau-
rus*

*Insudans sulco, atque attrito vomere fess-
sus;*

*Nunc, mersa tellure, natat vento acta ca-
rina.*

Quot tunc, in tanto maris motu, credimus occlusos ductus, aquarumque exsiccata principia? Quot iterùm novos exitus conclusum humorem sibi quæsisisse?

B

His

*Pluvie
vapores,
& mare,
causæ
fontium.*

His itaque, aliisque missis, ne quotiescunque immutari cursum aquarum cernimus, aut ad solutionem fabulæ Deos, ut dicunt, in scenam vocemus, aut alias minùs naturæ instituto respondentes causas comminiscamur, libebit paucis rem absolvere per solemnes illorum conjecturas, quorum alii pluvias, solutasque nives, & grandines, vapores alii, alii demùm mare ipsum pro materia fontium statuere. Neque tamen pro singulorum opinionibus aperiendis, fulciendisque necesse fuerit argumenta repetere, quæ penes auctores suos satis exulta inveniuntur, sed ex iis, quæ in qualibet probabilia maximè sunt, veritati propiorem eruere.

*A plu-
viis pe-
rennes
aque
non pen-
dent.*

Igitur quemadmodum quidquid est scaturientium aquarum ex vaporibus aliquandò concrevisse, ita vapores aut sursum in aere, aut deorsum sub terra fuisse collectos, nemo inficiabitur. Utrisque scaturientes aquas debere aliquid, at ratione omninò diversa, non unica conjectura suadet. Namque prioribus, ex quibus pluvix, quibusque ros, nix, & grando accensentur, augescere fontes negari minimè debet: verum satis inde humoris, quod multi acriter tuentur, ad perennitatem habere posse, nullo pacto videntur. Propterea loco suprà citato Seneca, pluvia, inquit, potest facere torrentem: non potest autem æquali inter ripas suas tenore labantem. Aquam non faciunt imbres, sed
in-

„incitant. Sequitur propterea, materiem, quā perennes aquæ, quā perennes decurrunt, non aliundè, quàm à vaporibus subterraneis sensim concrefcentibus (subterraneam pluviam, tuendæ suæ de origine fontium sententiæ causa, doctissimus Caspar Bartholinus Thomæ filius, Dissertatione eadem, sectione nona, diceret) derivari; quod quidem probatu difficile haud puto.

Ut autem ea primùm amoveam, quæ obesse plurimùm huic sententiæ videntur, quantumvis ex casu pluviarum intumescere fontes dicantur, illud est nihilominus animadvertendum, non omnibus hæc incrementa contingere, nec, ubicunque pluit, scaturientium aquarum rivos procreari. Cujus rei ratio nullatenùs est ad illorum defectum referenda, quæ in causa esse solent, ut aquæ sparsim decedentes in unum colligantur. Siquidem etsi tellus aquæ satis bibula suppetat, fundusque densè luteus, qui humorem sustineat; ad hæc verò colles circum in cisternæ morem aquam asservantes assurgant, attamen haud rarò evenit, ut, & post magnum imbrium casum, nusquam scaturientes aquæ indè dimanent.

E contrà favent adhuc magis conjecturæ ditissimæ scaturigines aquarum iis in regionibus, in quibus rarissimi, paucissimique per annum imbres. Qua de causa sæpè rejicitur, quod quidam argumenti loco ponunt;

Sed à vaporibus subterraneis.

Ubi multum pluvie, sæpè nullus ibidem fons est.

Multi fontes sunt sæpè iis in locis, in quibus vix unquam pluit.

quorum Seneca libr. 3. Nat. Quæst. c. 6. memin-
 „minit: paucissima, inquit, flumina esse in his
 „locis, in quibus rarus est imber: ideò fccas
 „esse Æthiopiæ solitudines, paucosque inve-
 „niri in interiore Africa fontes, &c. At contrà
 „Germaniam, Galliam, Italiamque abunda-
 „re rivis, & fluminibus, quia cælo humido u-
 „tuntur, & ne æstas quidem imbribus caret.
 Neq; hîc longo ordine enumerandas regiones
 censui, quæ vix per totum annum pluviis semel
 madefiunt, & nihilominus fontibus abun-
 dant. Quoniam nempe ingentes in iisdem
 subterraneæ cavitates sunt, ad quas & faci-
 lè è mari aquæ perveniunt, & à quibus in
 vapores assiduè humor extollitur, undè pe-
 rennium aquarum principium. Satis enim
 multa hujus rei testimonia extant apud Scri-
 ptores, & præsertim apud Cl. Rob. Plot.
 in Tentamine Philosophico de origine fon-
 tium, qui rei utriusque haud pauca exempla
 conquissivit.

Conce-
 ptacula
 aquarû
 non sem-
 per rem-
 expli-
 cant.

Quo quidem in loco, quomodo hæc eve-
 niant, libenter quærerem ab iis, qui conce-
 ptaculis quibusdam, quæ tamen multis in
 locis existere ultrò concedimus, asservari
 pluvias aquas, atque exindè sicco etiam cæ-
 lo fluere fontes ideò asseruerunt, quia con-
 ceptacula eadem in angustum ostium definen-
 tia, quas largo imbri effusas exceperunt,
 aquas sensim emittunt. Quomodo enim cau-
 sæ perennitatis fontium cum conceptaculis,
 &

& reservatoriis suis tunc satisfacient, cùm inutilia eadem fuerint, nec suppetant pluvie, quibus impleantur? Quibus addendum, interdum è montibus summis rivulos quosdam emanare, quibus uti nullus sicco cœlo humor accedit, ita nec conceptacula ulla imminet, undè adservatam aquam excipiant.

Scio tamen quid respondeant: vix unquam in ipsis montium verticibus, sed in ipsa declivitate, aut ad ipsas montium radices fontium plurimos scaturire, quòd receptacula esse, nisi inferiora verticibus nequeant. Et

Quomodo aliqui hanc sententiam tueantur.

quamvis possit contingere, ut in jugo alicujus montis, aut in ea regione fons erumpat, in qua nullus imber; causam tamen esse, quòd ejus conceptaculum in monte aliquo dissito, eoque magis edito sit; hinc aperto deorsùm ostio, meatuque sub terra deducto, atque sursum per capacitatem humilioris montis reflexo, perreptare aquam, & tandem emergere. Nec deesse fluminum exempla, quæ ideò siccissimis in regionibus decurrunt, quia in locis, ubi nulla tempestas imbribus caret, oriuntur. Multa subtus tellurem ingens iter conficere; uti Tigrim in Mesopotamia subtus Caucasum, Nigrum Æthiopie Fluvium, qui abditas aliorum montium radices pervadens demùm in Atlanticum Oceanum definit, Alpheim Achajæ fluvium, quem mare ipsum subterlabi, ac prope Syracusas in Arethusam fontem erumpere ajunt. Emi-

Flumina quædam inveniuntur, quæ subter montes decurrunt.

nere verò inter ceteros Nilum; cujus ob longissimum, abditissimumque iter, dictum est:

Quid in
hac sen-
tentia
displi-
ceat.

Nec licuit populis parvum te, Nile, videre.

Verum licet hæc probabilia maximè videantur; attamen quis unquam satis intelliget, eum ordinem inter telluris penetralia servari, ut innumeræ fistulæ per immensa inæqualium terrarum spatia incredibili studio diductæ, ad procreandos fontes perpetim emanantes ubique præsto sint? Quomodò enim, si quisque perennis fons iis carere non potest, tantus earum numerus emerfit? Cur itineris longitudine tandem corrumpi easdem non contingit, aut incurfu aliarum aquarum, mole telluris, non enim ubique per montana, & scrupea loca ducuntur, & viarum variis flexibus in singulos dies, aut non intercipi, aut facilius sibi, expeditiusque iter invenire? Cur denique, quod vix ingenio assequaris, fortuiti aquarum incurfus, nunquam mutata itineris lege, tandiù servant? Equidem tanto labore excavatas porticus rectius dixeris excogitatas fuisse ab scriptoribus, ut conjecturam suam firmarent, quàm factas ab aquis, ut indè fluminum materies ab dissitis omninò regionibus duceretur. Ceterum nec aliquorum fluminum exemplis, quæ longum iter subtus tellurem conficiunt, ferè innumeris nunquam deficientium aquarum causis satisfit. Primò enim multum dif-
fert,

fert, an aquæ per declivia ferantur, an ab edito aliquo monte descendentes, diù, multùmque occulta terrarum permeent, ut rursus ad immanem altitudinem aliorum montium ascendant. Deinde, uti ubique non licet ad hosce confugere, quia aut nulli sunt, aut altitudinem illorum sæpè non equant, ita eadem ibi difficultas obversatur circa cum casum, tum quantitatem pluviarum, quæ permagnorum fontium impendiis supplendis sufficiant.

At rationes, quæcunque excogitari possent, videtur subvertisse Anonymus quidam *Auctoris Anonymi conjectura.* Auctor Gallicus; qui, acerrimo super aquis Sequanæ examine instituto, iisque cum pluviis, solutisque nivibus, quas amplissimo conservatorio claudi existimavit, undique collatis, sexta tantum, maximum quinta parte pluviarum, niviumque opus esse dixit, quo per universum annum amnis proflueret. Reliquam aquarum multitudinem incremento fontium, sufficiendis vaporibus, alendisque plantis impendi. Hæc ille calculum suum altius exponens libentissimè est profecutus. Veruntamen liceret ingenioso viro objicere, utcunque id Sequanæ accidat, non omnia conceptacula hujusmodi esse, non descriptam aquæ quantitatem à quoque fluvio demitti, non ubique suppetere eandem pluviae mensuram, eundem montium situm; appositum demùm, quod magis est, calculum magnis

*A Rob.
Plot.
rejeſta.*

*Quantū
pluvie
aquis
medica-
tis offi-
ciant.*

difficultatibus implicitum eſſe. Sed quoniam id muneris ab aliis ſcriptoribus, & præſertim ab accuratiſſimo Rob. Plot. in Tentamine Philoſophico jam memorato impletum eſt; ideò juvabit, his, atque aliis prætermiſſis, illud in memoriam redigere: ad inſtitutum enim maximè ſpectat, tantum ſcilicet abeſſe, ut ſcaturigines aquarum à pluviis pendeant, quòd immò ſi aquæ eadem ſcaturigines ſulphuræ, vitriolatæ, ſalinæ, aut alio quovis modo medicatæ, calidæve fuerint, illapſu imbrium diluuntur, tepeſcunt, atque enerves fiunt. Nec eluetur difficultas, ſi dicas nuper decidentes pluvias nondum ad ima telluris, ubi aquæ aut fermentationibus, aut ignibus, aut alio quolibet artificio incaleſcunt, & metallicæ fiunt, ſe inſinuafſe. Siquidem nunquam magna aquarum colluvies, ſupernæ telluris faciei ſuperinfuſa, tam altum penetrabit, ut ad mineralium uſque fontium originem pertinere queat. Scimus enim metallicarum aquarum exordia terræ viſceribus concludi, non autem ultra eos limites ſuppere, quos pertransire ſupernè decidentes aquæ non poſſunt. Cujus ſi itineris menſuram expectas, ſit pro reſponſo, quod Seneca in „ Nat. Quæſt. ad Lucilium: Primum ego ti-
„ bi vinearum diligens foſſor affirmo, nullam
„ pluviā eſſe tam magnā, quæ terram ul-
„ tra decem pedes in altitudinem madefaciat.

Vel

Vel si concesserim aliqua in parte, ob argillofæ terræ defectum, imum pluvias aliquatenus petere; nondum tamen evinces, fatis inde humoris suppeditari nunquam arescentibus, iisque per amplis fontibus posse. Iterumque Islandiæ, Japoniæ, & demum non vulgaris nominis Cubæ fluvium objiciam, *Cubæ fluvius calidissimus.* qui, Petro Martyre teste, illius est magnitudinis, ut commeantes naves possit admittere, & tamen adeò fervet, ut sine doloris sensu attingi non queat. Hujus enim originem si ab imbribus duxeris, difficillimum semper explicatu erit, quomodò omnis aquarum ille apparatus per cretaceam substantiam ad eam telluris partem sibi viam sternat, in qua effervescentiæ causam fontes inveniunt; ut hujusmodi aquarum investigatores tradunt. Igitur, ne in rebus aliàs descriptis nimius videar, cum ad vapores sursum in aere concrecentes referri perennium fontium origo nequaquam possit, reliquum erit, *Opinio veritatis prior.* ut pendeat ab iis, qui deorsum sub terra ex internis lacubus colliguntur. Probandæ conjecturæ communio maris cum subterraneis aquis, perennis calor viscerum terræ, fatis ad elevandos vapores aptus; ipsaque telluris substantia, & figura succurrunt. Et primò quidem communionem maris juvat interior terræ figura. Hæc enim cum multis in locis ex non paucorum observatione iis stratis sca- *Per arenam facile aquæ decurrunt.* teat, quæ aquam facile absorbeant, & trans-

mit.

mittant ; in aperto est , posse per eadem aquarum vim ingentem secundum declivitatem viarum iter vel longissimum conficere .

cavernosa terra figura est . Eò autem apertius hæc humoris communio patet , quò faciliùs ostendi queit , ingentia intra tellurem spatia , facillimumque per ea aquarum commeatum esse . Hæc Nat.

Quæst. Lib. 3. capite XVI. describens Seneca : sunt , inquit , & sub terra minùs nota nobis jura naturæ , sed non minùs certa . Crede infrà , quidquid vides suprà . Sunt & illic specus vasti , sunt ingentes recessus , & spatia suspensis hinc indè montibus laxa . Sunt abrupti in infinitum hiatus , qui sæpè illas urbes receperunt , & ingentem in alto ruinam condiderunt . Hinc in Meteor. Libro egregiè Pontanus :

*Nec verò quamvis solido stet robore tellus ,
Mole sua gravis , & denso se robore firmet ;
Non vastis intùs specubus patet , atque hiat
altè ,*

Immensum ductis abrupta sede cavernis .

Communio maris cum subterraneis aquis . Hùc aquas marinas usque pervenire , verumque maxima ex parte esse , quod Seneca , ejusdem Lib. cap. XV. habet : Mare nempè unum esse , ab initio scilicèt ita constitutum : habere suas venas , quibus impellitur , atque æstuat , multa indicio sunt . Hac nempè de causa amnes aquæ dulcis , perfracta tellure , sæpè in amaros abierunt ; marini pisces lacubus quibusdam insunt ; nonnulli , ut in
Cypro ,

Cypro, & Germania apud Halam, falsi penitus sunt; putei, quemadmodum in Lib. 2. de subtilitate Hieronymus Cardanus annotavit, quò magis à mari distant, eò plerumque minus falsi sunt; sed, quod nullam ferè responsionem admittit, fontes nonnulli, decedente mari, subsident, augescente, pari pernecitate attolluntur, uti, præstantissimo Petro Gassendo referente, se habet fons in Insula, quæ è regione Timavi est; & rursus lacus permulti maris ipsius æstum, vicibus nunquam intermissis, æmulantur. Hac de causa, inquam, in terræ visceribus interfodiendum, navium rudera, conchæ marinæ, atque alia hujus generis crebrò inventa fuerunt: argumento planè certissimo, aliquandò meatus ibidem fuisse, per quos marina aqua discurreret; quos deindè proruens terræ moles occæcarit. Nec prætereundum est, quod non levi ratione celeberrimus Kircher ostendit; maria nempe ipsa per latissimos ductus inter se communionem maximam habere, ut Mediterraneum cum Mari Rubro, & Caspium cum Euxino. Propterea non improbanda videntur, quæ in sexto Libro de natura rerum habet Lucretius:

*Æstus
quorundam
lacuum æstui
maris similis
est.*

*Marium
quorundam
cōmunio.*

*Postremò quoniam rarò cum corpore tellus
Est, & conjunctas oras maris undique cingit;
Debet, ut in mare de terris veniat humor
aquai;*

In

In terras itidem manare ex aquore salso.

Neque profectò , cùm fateantur omnes , dari in ultimis terræ visceribus ingentem aquæ congestionem , quam ut describeret Plato , Tartareum Oceanum , Seneca , Stagnum sine fundo , Helmontius , Internum Mare , alii verò Barathrum , Cocytum , Stigem , & Phlegetonta nuncupavere ; esset in promptu explicare , quomodò aliundè , quàm à mari , tanta aquarum multitudo congereretur .

*Cur falsedine ple-
rumque in fontibus nul-
la sit.*

Huic eidem sententiæ non multùm obstitit , quod de falsedine Maris objicitur . Ut enim , dùm in nubes aqua attollitur , salinæ particulæ , utpotè graves , atque ob sui rigiditatem motui corporis cuncta permeantis minùs obsequentes , cum aquis nequeunt ascendere , ita multò minùs , dum aqua eadem per terræ substantiam percolatur , atque in vapores , ut dicetur , rarescit , sales quilibet duri , & rigidi , aut per obliquos telluris poros transire , aut in vaporem elevari queunt . Dulcis hac de causa tantùm humor excernitur , nisi fortè in debita à telluris superficie distantia in mineras quasdam impingat , aut aliquo alio minerali halitu altiùs inficiatur , undè medicatæ aquæ naturam assumit .

Hoc posito , facilis ad ordinem originis fontium penitus explicandum via est . Nam-
que

que cùm in vapores extenuari priùs aqua debeat, deindè sensim concrefcere, & rivulos efformare; juvat primò vaporum eorundem affcensum calor, quem imis telluris visceribus inesse facilè Philosophi concesserunt. Is, si-
*Caloris subterra-
nei ori-
go.*
 ve à subterraneis ignibus, five à subtilissima quadam materie loca quælibet pervadente, five à salium, aliarumq; rerum solutarum mixtione ortum ducat, aquæ particulas ab invicem secernit, & tandiù movet, ac fursum propellit, dùm circumobstante frigore, iterùm in aquæ guttas cogantur.

Calidum esse telluris imum, ibique ingentem vaporum multitudinem versari, fatis experiuntur metallorum fossores; qui subterraneas cryptas calidas, atque veluti exsudan-
 tes ferè ubique reperiunt. Licèt autem non qualibet tempestate anni hujusmodi calor intra tellurem persentiri dicatur, nihilominùs
*Cur non
ubique
persen-
tiatur.*
 animadvertendum, uti ostendere exorsus est clarissimus Boyleus, in tractatu de temperie subterranearum regionum, id cùm in prima telluris regione, tùm in secunda verum maxima ex parte esse. Illic enim temperies admodum varia est, tùm quà limites, quàm quà temperiem ipsam; hìc maxima sui parte ad frigiditatem accedere videtur, si cùm duabus cæteris eandem conferamus. At constans tertiæ telluris regioni, sensibilisque calor ex plurimorum observationibus inest; quamvis non eadem passim ejusdem vis percipia-

*Vapor
cur non
ubique,
semper-
que con-
spicius
sit.*

cipiatur. Porro maximum hujus caloris signum vapor est, utpote qui sine calore aliquo duci non queat. Et quamvis per diversas tempestates anni, ob variam externi aeris temperiem ob oculos non æquè obversetur, quoniam variè comprimitur, nec non aliquandò plurimùm dissipatur; nihilominus probandæ conjecturæ satis erit eundem è terræ visceribus erumpere, atque sæpissimè esse conspicuum. Ubi autem ob externi aeris injuriam in quacunque altitudine deprehendi non possit, non ideò aptè quis inferat eundem deesse, quia in quibusdam locis non apparet. Summè enim & rationi, & experimento consonum videtur, in telluris imo, ubi frigoris vices, quæ in nostro aere sunt, satis afficere regionem eandem non possunt, ex constanti vaporis causa assiduè vaporem procreari, undè, quidquid demiseris, humefiat. Cæterum & nos ferè semper, licèt in modica admodum altitudine, in cellis vinariis, atque hujus generis locis tenuissimum quendam rorem deprehendimus: immò lignum in his aliquandiu asservatum madefieri, quotidiana experientia demonstrat.

*Quomodo
vapores
terre
substantiã
penetrèt*

Igitur, ubi in cavernosis montibus præsertim, elatus hujusmodi vapor sit, conducunt operi creberrimi terræ meatus. Nam quemadmodum usque ad nubes vapores multos attolli cernimus, licèt fluidæ, ac mobiles aeris particulæ ipsos æquè fulcire non possint;

sint; ita multò faciliùs per obvios telluris poros repunt, ab ejusdem particulis ubique suffulti. Ubi verò altiùs penetrantes, frigore sensim succedente, torpescere incipiunt; tunc idem sub terra evenit, quod in nubibus, ut spissentur, ac rursùs in aquam amissa vaporis forma vertantur. Hic, ex telluris meatuum necessitate, prima fontium rudimenta. Siquidem cùm aquæ particulæ tenuissimæ, id est in vaporem extenuatæ, facilè per minimos poros sursum ascenderint, nequeunt per eosdem inspissatæ, hoc est in aquam denuò coactæ, ob aditus angustiam regredi, unde discesserunt. Itaque latiores sibi vias *Undè riantur* inveniant, necesse est: atque exindè in intervallis crustarum, sive corticum, & stratorum argillaceorum, tanquam per aquæductus, quibustellus passim contexitur, fluunt; ex quibus secundum locorum declivitatem obliquè deducuntur. Id perpetua evaporationum, & condensationum vicissitudine eoque procedit, donec subterraneæ aquarum viæ vel in superficie telluris, uti in fonte quolibet perenni experimur, aperiantur; vel, si aliter res eveniat, aquæ eadem per arenam inter strata argillacea sitam, subtellurem ipsam maximam itineris sui partem absolvant: haud aliter quàm fieri quibusdam in fluminibus scimus, uti de Nilo, Guadiana, aliisque scriptores referunt, & quemadmodum in eleganti Tractatu de Fontium Mutin-

nenfium admiranda fcaturigine , capite V. eruditiffimus Bernardinus Ramazzinus demonftravit .

*Quid de
pluviis
fentien-
dum fit.*

Quibus de caufis , ne , quos mihi pepigi , terminos tranfgrediar , non ambigo , quin concedendum fit , pluuias aquas , & , quæ his accenfentur , rorem , nivem , & grandinem , folere quidem aliquibus temporariis , quemadmodum appellant , fontibus & principium præbere , & incrementum . At perennes fcaturigines aquarum , intrâ quorum cenfum medicati præfertim fontes connumerandi funt , lacubus in interiore terræ regione exiftentibus , atque indè exortis , ut fic dixerim , fubterraneis pluuiis originem debere , omni ex parte veritati confonum effe arbitror . Proindè , quâ menfura illorum humor à fubterraneis locis per cavernoforum montium radices ad fuperiora evaporatur , eadem ex mari fufficitur : ut proptereâ in perpetuo quafi libramento , eadem altitudine , & communicatione , aquarum moles utrinque perfiftat . Dictum indè , nihil deficere , quod in fe redit ; nec fubeffe caufam , cur miremur , quòd accessiorem fluminum maria non fentiant , cùm decrementa exeuntium terra non fentit .

*Cur mare non
crefcat.*

Quo-

Quomodò Fontes Simpli- cium Aquarum Me- dicati fiant .

C A P U T I I I .

Quemadmodum vulgarium aquarum in-
dolem commendat humoris puritas ; ità
multiformis alienarum rerum commixtio me-
dicatis Fontibus pretium impertitur . Prior
aquarum conditio principio suo non est dissi-
milis : alteri quidquid accedit , totum est præ-
ter aquæ naturam . Nihilominus humorem
facultatibus , ut loquuntur , alienis imbutum ,
ob rerum heterogenearum miscellam , utilem
quandoque morbi fecerunt : immò sæpepu-
merò fortuito subterraneæ materieî incurfu
huiusmodi medicamen indè confectum me-
dentes experti sunt , quod nulla ars longo
opere unquam paravisset . Quidquid id est ,
mineralis , metallicivè fontis nomine insigni-
tur ; cuius origo est à minerâ , sive matrice ,
in qua seu succus , seu metallum , seu lapis ,
seu gleba , seu terra mineralis exoriuntur :
Quæ tamen omnia non apud veteres modò ,
sed & apud recentiores plerosque , æquè sub
metallorum nomine veniunt . Cùm autem

Unde
pretium
aquæ fa-
cultati-
bus alie-
nis im-
butæ .

C

non

non singula, quæ in telluris visceribus gignuntur, salutaria sint, nec, quæ seorsim salutaria, ubi in unum coierint, priorem naturam, facultatemque retineant; ortum indè, ut variæ medicatorum fontium species varias etiam admotæ corporibus in actiones prodirent. Egregiè idcirco in Meteororum Libro Pontanus:

Nec sapor, nec color ullus aquis fluvialibus.

Ipsæ

Tellure bos de matre trabunt; binc sæpè venenum,

Sæpè salus: Adèd variat Tellusque, Solumque.

Terra salutiferas vires, eadem ipsa nocentes

Præbet aquis; succoque suo prodestq; nocetq;

*Variæ
metalli-
carum a-
quarum
faculta-
tes.*

Extra propositi operis institutum esset singula prosequi, quæ de varietate fontium, atque aliarum aquarum circumferuntur. Nec facile foret explicare, qui fieri possit, ut quidam in lapidem corpora immersa transmutent; alii electro, atque auro similes lapillos faciant; alii, licèt magna quantitate vino misceantur, vires vini non minuant, ut de illo traditur, qui in Strueniæ finibus est, juxta Oppidum Sti Galmerii (Fonfort incolæ appellant); in animi arcem alii rursus invadant, quos quisquis faucibus hausit, ut inquit Ovidius, Metamorph. libro XV.

Aut furit, aut patitur mirum gravitate soporem.

Alii

Alii nocte dumtaxat noceant, de quibus idem Poeta, loco citato:

*Est locus Arcadię, Pheneum dixere priores,
Ambiguus suspectus aquis; quas nocte ti-
meto:*

Nocte nocent potæ; sine noxa luce bibuntur.

Mirandi verò præ reliquis duo illi fontes; quorum alter (Astacenum dicunt) in Ponto est; isque ita rigat campos, ut oves, quæ herbis iisdem vescuntur, lac nigrum ferant, quod & equabus contingit. Alter verò, cuius non Plinius modò, sed & D. Augustinus 2. de Civit. cap. 7. meminit, fons Jovis in Dodone est; quem ajunt injectas ardentes faces extinguere, easdemque extinctas, ubi rursùm admoveantur, accendere.

Fons Astacenus nigrum lac efficit.

Fons Jovis extinctas faces accendit, & accensas extinguit.

At, cum quidquid istiusmodi operantur aquæ, non ex suo principio, sed aliundè traxerint; juvabit id unum exquirere, quomodo scilicèt heterogenea quædam corpora in substantiam earundem immigrare penitus valeant, easque tam diversis facultatibus imbuere. Et primò quidem, nemini dubium esse arbitror, quin, uti dictum est superiùs, scaturigines omnes aquarum, quæ ab ea puritate desciscunt, quam describens Plinius ajebat, aquam salubrem acri quàm similimam esse oportere, quippe sincerus aer nec visui, nec olfactui, nec gustatui ullas qualitates offert, quidquid habent alienarum virium, telluri debeant. Propterea in

Facultates aquarum à telluris qualitate ducuntur.

Lib. de Sen. & Sensib. dixisse videtur Aristoteles: Tales sunt aquæ, qualis est natura eorum, per quæ transeunt. Rursus verò, in secundo Meteororum, aquas suscipere impressiones ab his terris, per quas dilabuntur, auctor est.

*Variè explicatur
aquarum
hujusmodi
initiū*

Quomodò autem metallorum, aliorumque succorum, in telluris sinu latentium indolem referant Fontes, variè explicatur. Cùm enim, uti notat Paracelsus Chir. Magnæ P. 4. L. 10. vis Thermarum non ex eo proficiscatur, quòd illæ per mineralia transfluant, verùm potius quòd ferè ipsæmet mineræ sint; hinc, in assignanda intima hac mineralium mixtione cum aquis, mixtionisque causa, plerumque non conveniunt medicatarum aquarum descriptores. Utcunque tamen alii alias solutionis, mixtionisque causas attulerint, haud crediderim adinendam penitus ulli fidem esse; quatenus nempè, quemadmodum consideranti facilè patebit, multiplici ratione fieri potest, ut aquæ, inter quas sæpissimè ingens discrimen intercedit, metallica corpora assumant.

*Quando
aqua pura
scaturiat.*

Itaque, ut præcipua hujus rei argumenta percurram, summè credibile est, tunc aquas simplices esse, atque aeri quàm simillimas, ut cum Plinio loquamur; cùm eadem ab omni mineralium mixtione immunes in summis rupibus, longe à fæce, & inter saxa, sabulumque scaturiunt; vel, si alienæ mixtionis inqui-

na-

namento expertes non sint, cum per eadem
 saxa, fabulumque nitidum ita percolantur,
 ut extranea quælibet corpuscula veluti cri-
 bro secreta, antequam ad scaturiginis locum
 pervenerint, omninò dimittant. Quemadmo-
 dum autem asserere fontes ferè omnes, qui
 ab inferna tellure prodeunt, aliquandò he-
 terogeneorum corporum labe infectos fuisse,
 à veritate alienum omninò non est; ita ubi
 contingat eosdem accommodata ad percola-
 tionem loca non invenire, tunc, quam semel
 exceperè materiem, secum trahunt, ac simul
 erumpendo medicatos latices sæpissimè con-
 stituunt. Triplici porrò de causa, ut omnes
 mixtionis rationes ad quædam capita brevi-
 tatis gratia redigam, fieri posse arbitror, ut
 fontes rerum mineralium substantiam acqui-
 rant. Vel enim, ipso decurrentis aquæ im-
 petu adjuvante, terrestres particulas, molles-
 que, ac teneras mineralium, metallorumve
 radices arripiunt, atque avehunt; vel, per
 determinata loca transeundo, non unius na-
 turæ, atque indolis salibus, ut ajunt, impræ-
 gnantur, quorum ope durorum corporum
 poros dein penetrant, eorundemque substan-
 tiæ partem tandem dissolvunt; vel demùm
 vapores, atque halitus intra tellurem exci-
 piunt, quos per telluris ejusdem poros,
 ac rimulas metallorum, ac mineralium ma-
 trices attollunt; eosque aut simplices secum
 vehunt, aut per ipsos compactiora quælibet

*Triples
 ratio
 mixtio-
 nis in a-
 quis me-
 dicatis.*

*Prima
ratio quo
modo cō-
tingat.*

corporum claustra referant; atque indè altioris miscellæ initia promoventur. Cætera verò, quæ nonnulli scriptores comminiscuntur, medicatarum aquarum principia, vel nullius ferè momenti esse, vel facile ad enumerata redigi posse, pronum captu est. Priorem igitur mixtionis rationem quod spectat, nemini incompertum esse puto, inertem eam esse, ac nullius usus in medicina; adeout ne mixtionis quidem nomen mereri videatur. Quippè, ubi fons crassa corpuscula, veluti torrente quodam ab canalium parietibus abrepta secum ferens, ex angustis subterraneorum meatuum in aperta prodeat; tunc quilibet eidem confusum fuerat, ab aquæ poris excidit, brevique humor priorem puritatem, nitoremque recuperat. Hinc obvii sæpissimè fontes quidam sunt, ex quibus ferè in ipso eruptionis articulo arenæ, lapilli, atque aliarum rerum ramenta præcipitari consueverunt. Atque hæc fortassè doctissimi Fallopii aquarum mixtura est, quam ipse in Libro de Thermis, capite octavo, confusam nuncupavit.

*Secunda
ab solu-
tis sali-
bus pen-
det.*

Altera mixtionis ratio salinis corporibus debetur; quorum promptuaria cùm crebris in locis suppetant, atque idcirco nullo negotio ingredi prætereuntes aquas possint, minimè mirum esse debet, multorum indè medicatorum fontium originem petendam esse. Ut enim sales iidem perse mineralis ali-

alicujus aquæ fontem constituere valent, ita, cum aquam eandem summè inalterent, atque acuant, demùm efficiunt, ut, si aliquod corpus obviam fiat, cujus poris salium ipsorum corpuscula aptentur, ejusdem portionem aliquam solvant, atque ita verè medicati fontis naturam conficiant. Adhuc autem altioris miscellæ ratio ab salibus proficiscitur. Quippe ubi aqua, quæ salino aliquo corpore turget, in aliam mineram adversæ indolis impingit; uti facilè ratione eadem alterius mineræ partes exsolvit, ita nullus dubitandi locus relinqui videtur; quin dum salina, aliæque corpuscula inter se contraria invicem sese contingunt, ingens eorundem lucta, atque effervescentia de more exoriatur. Quo posito, nemo non videt, qui fieri possit, ut per hujus motus violentiam quælibet ferè corpora circumposita aperiantur, ac dissolvantur; atque indè singula mineralia, prout occasio fert, subtilissimè præterfluentibus rivis misceri queant.

Postrema ratio mixtionis ab subtilissimis vaporibus, atque halitibus petitur; quatenus, dum hi ab infernæ telluris gremio elevati ejusdem rimas, ac poros penetrant, si in præterfluentes aquas incidant, ex itineris necessitate eas ingrediuntur, atque alterant. Hujus miscellæ initium ferè omne, atque momentum subterraneæ fermentationi innititur; siquidem per eam oberrantes halitus

*Tertia
à spiri-
tibus,
vapori-
busque.*

*Horum
origo à
fermen-
tatione
subter-
ranea.*

*Duo ef-
fectus
potissimi
subter-
raneæ
permen-
tationis.*

passim habentur, à quorum communione saltem in principio aut paucissimos, aut nullos fontes immunes inveniri vehementer suspicor. Neque tam insignis fermentationis origo in arcto sita. Si enim principia adversæ indolis, unum in locum congregata, usquam inter se quodammodò certare conceditur, id certè in telluris gremio contingit; in quo licet conspicua minùs, omnium tamen maxima fermentatio est. Siquidem cùm elementares omnium mineralium, metallorumque particulæ, inter semole, & figura plerumquè pugnantes, aut subtilissimo aliquo corpore cuncta permeante, aut quovis alio naturæ instituto, in motum aguntur; tunc ob meatuum angustias, & longas viarum ambages in necessarium veluti certamen coactæ, tanta vi congregi incipiunt, atque interea adeò invicem comminuuntur, ut non priùs contentio dirimatur, quàm insignes indè alterationes, ac mutationes eveniant. Aut enim jam memoratæ particulæ aliquo in subjecto ità figuntur, ut non ampliùs ab invicem divelli possint; aut pugna tandiù protrahitur, dùm agmine factò iursùm erumpant. Priore ratione omnia metallica corpora, altera meteo-
ra procreari consuevere. Posteaquam autem ritu hoc ista evenerunt, ea, quæ in materiam duram acta sunt, ut metalla jam matura, mole sua librata eodem in loco consistunt. E contrà, quæ in aperta aeris erupe-
re,

re, intra Atmosphæra regionem, ventorum, nubium, fulminum, atque aliorum cum prope tellurem, tum in sublimi apparentium multiformes figuras inducunt.

Utraquæ hæc, si antequam aut concre- *Quomodo inde aquæ valeant alterari.* scant, aut exhalent, animadvertantur, commixtione substantiæ vires suas impertiri a- quis posse, intellectu facillimum est. Uti enim quemadmodum metallarii præ cæteris norunt, vix ullus telluris intimus locus est, in quo hujusmodi halitus non obversentur, quibus necari aliquoties putearios & ipse testis est Plinius; ita necessario sequi videtur, ut quotiescunque halitus iidem in aquosos latitantes offendunt, eosdem ingrediantur, atque inficiant. Neque perfectæ mixtionis ratio abest. Quippè cum sæpè his in locis aqua vi caloris aliquatenus extenuata, metallorum verò principia à concretionem soluta, hinc inde vaga, & fluitantia, attrita penitus, & comminuta sint; oritur inde, eadem adeò invicem secundum minimas partes confundi, mutuisque inter se amplexibus adeò illigari, ut vix arte parabilis hujusmodi mixtio videatur.

Quo in loco præterire silentio non queo, aliter in aquarum mineralium procreatione rem se habere, ac illi crediderunt, qui à *Ab solis vaporibus mineralibus aquæ hujusmodi non sunt* solis vaporibus mineralibus condensatis prodire easdem, tutati sunt. Non video enim, quomodo intra tellurem tot, tantæque mineræ

neræ esse possint , quæ immensam vaporum condensatorum copiam suppeditando , alendo cursui aquarum nunquam exarescentium sufficiant . Quæ nihilominus etsi suppeterent , minerales aquæ omnes excessu qualitatum magnoperè suspectæ essent ; & corporibus nocerent potius , quàm mederentur . Cum autem quotidiana ostendat experientia , hujusmodi aquas , inordinatos succorum motus , atque pravam eorum indolem corrigendo , deploratissimis morbis sæpissimè succurrere ; eò denique adducimur , ut fateamur , ea , quæ ex minerarum eructationibus fontes traxere , temperata omninò esse ; hoc est portionem quandam dumtaxat halituum metallicorum substantiæ aqueæ fuisse commixtam .

*Aquæ
omnes ab
ipsa fos-
siliis sub-
stantia
medicatis
sunt.*

Neque ii audiendi ullatenus sunt , qui metallorum virtutem nescio quam assumi ab aquis , docent , cæterum nullam metallicam substantiam in easdem immigrare . Quantumvis enim tenuia ea sint , quæ ab aquis vaporis , atque halitus specie excipiuntur ; attamen satis constat , esse corpora , certa quadam magnitudine , & figura prædita , eademque , uti de miranda effluviis subtilitate , & efficacia accuratissimus Robertus Boyle animadvertit , ingenium , & vires rei , unde emanarunt , in omnibus præ se ferentia .

*Secundū
omnem
substan-
tiam ubi*

Animadvertendum insuper est , ea omnia , quæ aquis miscentur , exceptis quibusdam succis , qui secundum omnes sui partes in hu-

more

more solvi queunt plerumquè non secundum ^{que non excipiunt aquæ corpora mineralia.} omnem substantiam, concretumque in iisdem inveniri. Hinc non ferrum, puta, ut ferrum, vel lapis, ut lapis, aquam ingrediuntur; sed soluta lapidis, ferrique principia quædam, terras nempe, vapores, succosque salinos dumtaxat à fontibus verè excipi credibile est. Ortum indè, ut cùm hæc haud satis expendisset Fallopius, apertè negaret, esse posse aquas metallorum indolem penitus referentes: non intelligens, quomodò ob eorundem soliditatem, gravitatemque, quidquam ab iisdem abradi, atque indè humori innatare posset.

In hunc fermè modum communes aquæ, terram percurrentes, qualitates halituum, principia metallorum, terrestres particulas, & maximè ingentem salium copiam assument. Ut autem nusquam fontes desiderantur, qui seorsim secundum aliquam rationem enumeratarum mixtionum aliena corpora assumant; ita propemodùm innumeri ii sunt, qui simul secundum omnes memoratos mixtionum ordines medicati fiunt. In horum censum referri percommodè eas, de quibus agimus, Thermas posse, crediderim. Plerisque enim earum terræ portionem quandam, arenulasque confusas esse, vel ex subsidentibus, quæ prope scaturigines fiunt, oculis deprehendi potest. Rursus verò esse in omnibus solutos sales, atque halitus tenuissimos

mos aquæ substantiæ altè permixtos, nemo, qui ipsos ritè expenderit, inficiabitur.

*Unde
varietas
aquarum;*

*potissimū
per effe-
ctus.*

Porro ea fermè ratione, qua in dissolutionibus, quæ arte fiunt, quædam vino vel tantum affuso, aliæ nonnisi diuturna maceratione, aut coctione vires suas aquæ communicant; intra tellurem quoquè pro moræ, caloris, contentorum genere, pro facili itidem, vel difficili horum solutione, levitate, gravitate, tenacitateque, variis rationibus, gradibusque, aqua facultates eorundem acquirit. Hinc tot inter se summo-
perè discrepantium & sapore, & viribus fontium genera. Hinc, ut in universum aquas omnes minerales, exceptis iis, quæ nocendi vi præditæ sunt, complectamur, quemadmodum naturalium Quæstionum Libro „ Tertio, cap. I. inquit Seneca: Quædam „ oculos, quædam nervos juvant, quædam „ inveterata, & desperata à medicis vitia „ percurant. Quædam medentur ulceribus, „ quædam interiora fovēt potu, & pulmo- „ nis, ac viscerum querelas levant. Quæ- „ dam supprimunt sanguinem; tam varius „ singulis usus, quàm gustus est.

*Cur mu-
tentur
fontes.*

Næque tamen constans ubiquè metallicorum fontium indoles, & fluxus. Namque sæpè remitti eorundem vires, sæpè omninò evanescere, nec rarò sive ictu, & quassatione aliqua, sive loci senio corrumpi eisdem, intercipique penitus contingit.

Cæ-

Cæterum , licèt tam variæ medicatarum ^{Divisio}
aquarum species sint , eò tamen ferè omnes ^{potissima}
redigimus , ut in Acidulas , & Thermales di- ^{aquarū}
vidantur . Sciendum tamen est , Galenum , ^{medica-}
eosque ferè omnes , qui Galenum sectati sunt , ^{tarum}
five eæ caleant , five frigidae sint , & rursus
five externis morbis dumtaxat medeantur ,
five potui etiam inserviant , promiscuè inter
balneares recensere consuevisse .



De causa caliditatis Fontium Patavinorum.

C A P U T IV.

*Unde
Thermæ
dicantur.*

*Varie
super
calore
aquarū
sententia.*

T Hermarum Patavinarum historiam scripturo nihil calore propius animadvertendum occurrit; indè enim nominis ratione desumpta, Thermalis humor, quia in exortu suo, nullo externo igne, aut quovis alio artificio adhibito calidus, nuncupari consuevit. At quantò conspicua magis in hujusmodi fontibus caliditas, tantò magis operosum caliditatis ad originem suam referendæ consilium. Cujus argumenti difficultas vel ea ratione plurimùm innotescit, quòd multæ, dubiæque passim doctorum, & intelligentium sententiæ circumferuntur; nec varia modò sunt, sed maximè inter se contraria, quæ super hac re, consueta scribendi libertate, in medium attulerunt. Ego licèt id conjectura assequi arduum futurum intelligam, quia nihilominùs nec rem omnem silentio præterire honestum, nec singula, quæ in communi de aquarum caliditate scripta sunt, perloqui expeditum, in re tam vasta ita me geram, quemadmodùm ii, qui in par-

parva tabella situm regionum depingunt; scilicet paucas admodum, at præcipuas aliorum conjecturas, simulque, quid in iis displiceat, percurram, ne vel me illorum argumenta penitus ignorasse, vel despexisse saltem, quis suspicetur. Pronum inde id absolvere, quod suscepti operis causa,

Itaque, quia nulli incompertum, aquæ ex indolis suæ instituto caliditatem nullam nobis saltem conspicuam inesse, ortum propter eam inter scriptores certamen externas causas assignandi, unde sæpenumero caliditas aquæ superveniret. Atque inprimis placitum non paucis causam omnem caloris ad solem referre; utpote ab cuius radiis per telluris poros se insinuantibus, quidquid ibidem contentum est, facile incalescat. Quibus tamen nemo concesserit, aut ab sole tantum calorem excitari, aut vim solarium radiorum tam altum in terram penetrare posse; multò verò magis eidem sententiæ semper adversabitur caloris fontium cum æstate, tum hyeme, cum noctu, tum interdiu æqualitas, & constantia. Nec satis aptè loqui videntur ii, qui ideò semper æqualem calorem aquarum esse ajunt, quòd inferna de parte, ubi supernæ calor deficit, vis solis per telluris corpus emergat. Siquidem satis doctè iis respondet libro sexto de rerum natura Lucretius, dum ait:

*Sol pro
causa
caloris
assignatur.*

*Sed
nulla
satis
valida
ratione.*

Quippè ubi sol nudum contrectans corpus aquai,

Non

*Non quiverit calidum supera de reddere parte,
Cum superum lumen tanto fervore fruatur:
Qui queat hic, subter tam crasso corpore
terram,*

*Percoquere humorem, & calido sociare va-
pori?*

*Præsertim cum vix possit per septa domo-
rum*

Insinuare suum radiis ardentibus æstus.

*Violen-
tus mo-
tus pro
causa
caloris
allatus.*

Visum aliis violento motui, quo aqua per anfractus terræ vi superincumbentis agitur, & faxis illiis variè torquetur, causam omnem caloris assignare. Qui, dum id variis rationibus probare adnituntur, non vident, ideò per motum aliquibus in rebus procreari calorem, quia particulæ, ut sic dixerim, calorificæ iisdem in rebus quiescentes per vehementem attritionem, vel succussionem in eam rationem motus cientur, quæ valet calorem excitare. Hinc, ubi huiusmodi corpuscula non adsint, apertum est, nullam ibidem induci posse incalescentiam; ut præ reliquis in aqua experimur, quæ quantumvis agitata nunquam calorem valet concipere.

*Assigna-
tur ab
aliis i-
gnis.*

His de causis non defuere, qui altiùs bullientis aquæ spectaculo commoti, augustiora huius incalescentiæ principia, nempe subterraneum ignem, excogitarent. Propterea auctor est in meteororum Libro Pontanus.

..... Latè multùm tellure sub ima

De-

Debatchari ignem, camposque exurere opertos.

*Inde fluit calidum referens ex igne vaporem
Unda fugax, tectis fervent & balnea flammis.*

Quo in loco, nè ea in medium afferam, quæ adversus hanc conjecturam afferri solent, nempe non posse ignem sine assiduo pabulo existere, aut flammam sine laxa aeris libertate creari; illud memorasse sufficiat, quòd scilicet, etsi in immensis imæ telluris cavitatibus & ardere ignes aliquos, & satis magna spiracula iisdem suppetere concesserim, quod quidem abhorrere à veritate prorsus non arbitror; nunquam tamen evincant; inde rivos aquarum calorem assumere, utpote qui nimium ab incendii loco distent. Alioquin si usque ad Thermarum ductus subterranei ignes pertingunt, neque enim aquæ possent aliter tantam caloris, atque ebullitionis vim exprimere, non video, quomodo saltem iisdem in locis aut tamdiù perseverent flammæ, aut brevè exitum sibi non muniant.

Verùm nulla sententia tot sectatores mereri visa est, quot ea invenit, qua, ad particularem, & determinatam actualis calefactionis causam, ignisque pabulum descendendo, statutum fuit, ipso Aristotele duce, L. de propr. Elem. l. probl. sect. 24. probl. 18. & L. 2. Meteor. sulphuri causam actualis caloris fontium deberi. Cujus rei argu-

*Cur huic
sententiae ac-
quiescere non
liceat.*

*A non
paucis
sulphur.*

*Sed in-
piè.*

mentum indè præ cæteris petiisse videntur, quòd nulla alia materies totidem semina ignis contineat, quòd magna ejusdem quantitate nullus ferè telluris locus non scateat, quòd thermales aquæ omnes nusquam sulphure careant, iterumque omnes ob fœtorem sulphuris æquè displiceant, quòd demùm ab viribus earundem sulphuris effectus apertissimè deprehendantur. Quæ etsi vero similia maximè videantur, animadvertendum nihilominus est (utcunque res se habeat circa corpora calorem procreantia) multas inprimis aquas inveniri summè calidas, ut videre est apud Strabonem, Vitruvium, Plinium, atque ipsum met Aristotelem, quæ nullo sulphure præditæ sunt; atque è contra multas sulphureas esse, quæ semper frigent, uti se habet fons quidam in Apennino inter Bononiam, Florentiamque, cui tanta vis sulphuris inest, ut si accensa fax admoveatur eidem, statim fons ipse accendatur, atque ardeat, & nihilominus ab communi aquæ instituto nequaquam deflectens naturalem frigiditatem ubique servat. Deinde haudquaquam facilè explicatu est, qui fieri possit, ut inde fontes contrahere calorem valeant. Sive enim accensis sulphuribus subesse aquas, sive imminere iisdem dicant, utrinque eos variis de causis in angustias adigi necessum est; ut satis fusè non pauci Thermalium aquarum investigatores demon-
stra-

strarunt. Propterea quemadmodum his iterum recensendis immorari haud decet, ita brevitatis causa juvabit alia multa de industria præterire; non defuere enim, qui levissimis argumentis ducti, caliditatis originem vento, putredini, prunis, cineribus, atque hujus generis aliis assignarent.

Antequam tamen sententiam vero propiorem exponamus, visum est & illorum conjecturam afferre, qui idcirco calorem fontibus imprimi crediderunt, quia calidi admodum vapores, atque halitus è subjectis mineris elevati, præterlabentibus aquis commiscentur. Quemadmodum enim hos vapores ferè ubique obversari apertissimè docent, ita ab effectibus non paucis, qui è Thermalibus aquis habentur, videntur satis aptè colligere, calorem omnem ab tenui vapore, halituque pendere. Hinc, uti Parisienses Philosophi adnotarunt, fieri dicunt, quòd si in os hujusmodi aquæ assumantur, haud æquè id adurant, ac communis aqua, quam ad eisdem gradus calidam reddideris. Continuo animadvertunt, & Thermalem aquam non agere eodem modo in materias quasdam teneras, ut sunt folia herbarum, quo agit communis aqua igne concalescens; & magis noctu, quàm interdiu eandem plerumque calere; & ubi aeri exponitur, ægrius frigescere, quàm aqua communis culinari igne fervefacta; & demum, ubi ignis

*Halitus
causa
caloris
aquarum.*

*Idque
varie
proba-
tur.*

eidem admoveatur, idem ferè spatium temporis ad ebulliendum requirere, atque aqua è puteis dulcibus hausta. Ex quibus apertum fieri conjiciunt, calorem aquæ Thermalis nequaquam oriri à motu particularum eandem componentium excitato ab igne subterraneo, sed ab halitibus calidis, quorum naturæ memoratos eventus summoperè respondere acriter tuentur.

*Quid in
hac sen-
tentia
displi-
ceat.*

Quæ omnia etsi satis probare videantur, hanc calescentiæ aquarum causam non commentitiè assignatam fuisse, attamen non levia sunt, quæ eidem nos quoque acquiescere non sinant. Primò enim, qui rem paulò diligentius expendit, difficillimè eò adduci poterit, ut credat, ab tenuissimo halitu, leni dumtaxat, blandoque, ut metallarii norunt, calore prædito, eoque, ubi multo humore diluitur, ferè omninò inertis, ac veluti emortui, tantam caloris vim acquirere decurrentes rivos posse, ut omnia ferè ex his habeantur, quæ elici ab aqua communi igne manifestam ad ebullitionem concalefacta consueverunt; ut e. c. in coquendis ovibus, & deplumandis pullis experimur. Cui rei addendum & illud videtur, tenuissimam hanc halituum texturam esse in causa, ut diù inhærere aquis saltem ea quantitate, qua calorem adeò intensum procreare valeant, halitus iidem non possint: idque vel ea maximè ratione, quòd aliàs impervios aquæ meatus

tus, brevì pertransire, atque inde latè dissipari facìlè queunt. Præterea verò memoratorum effectuum ratio ea non est, quæ ab halitibus calidis tantum peti valeat; cum aliis quoque causis assignari, fortassè concinuius, possit. Quo in loco eam calefactionis rationem considerari velim, quæ ab salium, aliarumque rerum mineralium mixtionibus, atque solutionibus habetur. Huic enim quantoperè effectus iidem conveniant, rem paulò accuratius pensitanti patere facìlè poterit.

Interea, ut id brevibus persequar, visum enim est Thermarum originem aliundè derivari aptius non posse, animadvertere libet, quòd cum inter memoratas incalcescentiæ aquarum causas duæ potissimum sint, quæ veritati aliquatenus accedant; nempe subterraneus ignis, atque halitus calidi commixtio; verum ignis subterraneus, aut dubius valde sit, aut non adeò facìlè ad Thermarum usque scaturiginem pertingat, halitus verò aquam adeò inalterare nequeat, ut manifestam excitet effervescentiam, atque ebullitionem; propterea res eò ferè redacta est, ut nonnisi ad effervescentiam adversæ indolis rerum sibi invicem occurrentium ejusdem incalcescentiæ causa referri posse videatur. Cui effectui accuratissimè, ac per varia experimenta describendo quia decorà ingenia non defuerunt; ideo satis erit in præsen-

*Calor a-
quarum
ab effer-
vescen-
tia salium,
aliarumq;
rerum
ducitur*

tiam memorasse, facile hujus caloris originem explicari, si, ducto à rebus, quæ arte fiunt, argumento, consideremus, aquam salino aliquo corpore turgentem, dum in mineram aliquam ad opus paratam incidit, eandem cum effervescencia summa solvere; atque exinde uti satis comminutas mineræ ejusdem partes aquæ paulatim misceri, ita intensum excitari calorem: haud aliter, quam fieri cernimus, cum aqua calci vivæ affunditur, vel cum diversæ indolis liquores, & pulveres quavis alia ratione invicem permiscantur.

*Henrici
Rochas
inventum*

Hoc ferè ritu incallescere medicatorum Fontium aquas, ut argumenta præteream, quæ ad id probandum ab auctoribus passim afferuntur, certissimo demùm experimento deprehendisse videtur Henricus Rochas, ac propterea litem hanc penitus diremisse: uti ab ejusdem Tractatu, quem de aquis mineralibus conscripsit, capite primo, colligitur. Accuratissimus enim hic rerum naturalium investigator, ut latentissimam incallescencie aquarum causam detegeret, non conjectura, uti frustrà à multis factitatum fuerat, id assequi, sed rem omnem oculis pertractare adnixus est. Itaque in Helvetiæ Montibus Thermalis aquæ principium incredibili contentione, atque improbo labore quæsit; invenitque demùm humorem subsalsum, acidiusculum, ac penitus frigidum; cui cum paulò post metallica vena præsertim Sulphurea

rea occurreret , effervescentia , atque ebullitio aperta sequebatur . Quod , an protenso veluti digito tandiù exagitata rei verum comonstret exitum , genuinamque causam caloris aquarum ostendat , ne in dubitationem quidem revocare amplius ausim .

Ad probandum autem ulteriùs rem hanc ita se habere , nemo à nobis meritò postulaverit , ut pronunciemus , quibus salibus turgere aqua potissimùm debeat ; & rursùs cuius generis sales , aut quænam alia corpora aquæ eidem in minera occurrere . Satis enim fuerit dixisse , ita cùm subtili sale turgentem rivum , tùm calcinatam mineram esse comparatam , ut sibi invicem occurrendo calorem excitent , atque effervescentiam . Porro necesse non est determinare , à quibus principiis hic incallescenciæ motus proficiscatur . Sive enim ob violentam partium corporis dissoluti quaquaversùm dispersionem , sive ob celerem , copiosumque unius corporis partium per alterius partes diffusionem , sive demùm ob confusas confligentium corpusculorum impressiones , in quibus partes secundum varias eorum naturas variè modificatae sunt , id eveniat ; abundè rei huic provisum fuerit , ubi appareat per varias dissolutiones , ut præsertim colligere est ab experimentis clarissimi Boylei , de productione mechanica caloris , & frigoris , posse facilè calorem , eumque intensissimum procreari . Cæterùm uti liquores , &

Quid sufficiat huic sententiæ intelligendæ.

Undè ex solutione corporum calor fiat.

pulveres arte parabiles, qui commixti invicem ebulliunt, atque incalescunt, innumeri propemodum sunt, atque inter se per gradus variè dissimiles; ita & intra tellurem varia mixtionum genera esse queunt, quæ ideò incalescentiam aquarum promovent, quia talis, ut inquiunt, minera, occurrendo aquæ tali sale imprægnatæ, cum eadem magis, minùve effervesceat. Hinc tùm varii caloris gradus in Thermis, tùm effectus earundem dissimiles iis, quos ab aqua culinari igne calefacta habere consuevimus.

Objectionis solutio.

Neque hujusmodi sententiæ obsistit, quod nonnulli in medium afferunt, asserentes naturaliter nullos inter se sales, aliosve succos dissidere; idque tunc evenire dumtaxat, cum ignem aliqua chymica præparatione experti sunt. Quippè sive ardere in imis telluris visceribus ignem, sive alia quavis de causa acidos quosdam halitus diffundi, atque varia fermentationum genera intra telluris corpus excitari statuamus; illud certum est, innumeras, pro locorum diversitate, præparationes salium, & variorum corporum calcinationes, easdemque longè chymicis præstantiores, uti ab effectibus colligimus, moliri naturam. Quæ deindè omnia satis apta sunt, ubi secundum memoratam rationem sibi invicem occurrant, ad calorem, de quo agimus, procreandum.

Quid halitibus, ignibusq; dandū sit

Quibus positis, non is sum, qui negem calidos

calidos halitus caloris aliquid aquis tribuere posse; & rursus ullas aquas per subterraneos ignes (quandoquidem hi multis etiam in locis conspicui sæpenumerò sunt) incallescere. Verùm uti, usque ad ebullitionem, aquas ab tenuibus, evanescentibusque facilè halitibus alterari haud crediderim; ita non agrè concesserim, ideò calidos aliquandò fontes fieri, quòd per canales ab ignibus concalefactos ferantur: dummodò tamen, sicuti hujusmodi loca non semper ardere manifestum est, ita nec aquas secus eadem decurrentes calidas semper esse debere, istius sententiæ patroni concedant.



De vario Aquarum Medicatarum Examine.

C A P U T V.

Singulis malis singularia appositae sunt remedia. Satis pellendis Ægritudinibus consuluisse naturam is mecum facile sentiet, qui ingentem medicaminum apparatus, quibus aut morbis conflictata sanantur, aut in morbos prona corpora muniuntur, sedulò animadverterit. Quòd si aliquandò languido corpori apta fatis medela non succurrit, id non naturæ, quæ singulis malis singularia apposuit antidota, sed hominibus imputandum est, qui nondum omnia cognoverunt. Summa propterea præstantissimorum medicorum contemplatio ea semper fuit, quæ remedium indolem quotidie altius perquireret; inertium, uti vulgus arbitrabatur, rerum texturam tentaret; & ne per discrimina corporum, quæ in iis latent, vires, facultatesque inveniret, pleno laboris examine easdem aliundè scrutaretur. Hinc novum facultati medicæ lumen; tandiù in posterum additamentum suscepturum, quandiù hujusmodi instituto hominum ingenia vacabunt.

Examen aquarum mineralium

Quapropter, ut ad propositum veniam, non est mirum mineralium aquarum scrutinio

nio tot illustres viros insudasse : neque enim *lium cur
à multis
institu-
tum.*
aut amplitudo remedii , aut virium ejusdem
origo abditissima aliud poscebat . Si enim me-
dicaminis genus , quod pluribus morbis con-
veniat , exquiratur , incassum labor cedit :

„ Hinc Plinius , gratulari , inquit , humanæ
„ forti subit , cū præter numerosa è plantis ,
„ atque animantibus præsidia , in solis aquis
„ tam simplicibus , quàm compositis vel mul-
„ ta millia sint ad omnem morborum ex-
„ pugnandum exercitum remedia . Si verò
commixtas , implicitasque , per quas aquæ
operantur , causas sectari fert animus , plena
res ambagibus est . Propterea , ubi ad medi-
catorum fontium explorandas vires ventum
fuerit , nemini dubium esse reor , quin exqui-
sitiorē diligentia , ac diuturniore sedulitate
opus sit , ne fortè inopportunè ægrotantibus
præscribantur . Eademque de causa Medico-
rum Princeps Hippocrates , in Libro de Aerib.

Aq. & Locis , num. 6. omnes eos monet , qui *Monitū
Hippo-
cratis
super a-
quis me-
dicatis .*
integrè artem medicam adsequi volunt , ne
negligentiores se circa aquarum facultates
„ cognoscendas exhibeant . Quemadmodum
„ enim , ait , gustu differunt , & pondere , ac
„ statione ; sic quoque virtute aliæ aliis lon-
„ gè præstant . Quæ omnia si de vulgarium
aquarum examine intelligantur , multò ma-
gis animadvertenda veniunt , ubi de medica-
torum fontium indole intimè , quantum qui-
dem in nobis situm est , pernoscenda res agi-
tur

Aliqui- bus res nullius fere laboris visa est a- quarum cognitio. tur . Idcirco sæpius obstupui , cum vidissem permultos , ubi minera aquarum medicatarum statuenda esset , definita quædam , atque , uti pollicentur , certissima contentorum lineamenta depingere , immò & balneares quascunque arte parabiles , quemadmodum non apud veteris modò , sed & apud recentioris Scholæ sectatores videre est , esse docere ; non aliter ac si ipsis succorum , lapidum , aliarumque mineralium , ac metallicarum rerum exordiis , & concursibus interfuissent . Non video enim , quemadmodum per simplicem coctionem , destillationem , atque evaporationem , uti rem penitus absolvere veteres scriptores conati sunt , aut per laudabiliores alias neoterico- rum conjecturas , subtilissimæ mineralium particulæ in vaporem usque extenuatæ certum adeò vestigium sui relinquere possint , ut quanquam inter se , & cum cæteris commixtæ , quodque magis est , etiam sine calore facile evanescentes , tam levi negotio nihilominus deprehendantur .

Ordo examinis . Itaque , licet fontium metallicorum examen instituere non quaruncunque sit virium , ut tamen ea , qua licet , diligentia tractationem hanc absolvamus , libeat , uti rei magnitudo postulare videtur , paulò altius eandem exordiri ; perquirendo , quonam artificio ea , quæ medicatas aquas faciunt , detegi queant , ut indè majus facultatibus earundem lumen affulgeat . Quoniam verò , quæ in simplices aquas

aquas immigrare possunt, multa sunt, viribusque inter se, & textura diversa; non unius idcirco examinis conatu probè dignosci posse, certissimum duco. Hinc primò, quot ea sint, quæ immisceri plerumque aquis consueverunt, deindè, quodnam ex illis in determinato humore inveniatur, perpendendum venit.

Rerum aquis miscibilium genera contem- *Varia rerum genera misceri aquis possunt.*
 planti, quemadmodum fusè prosequitur Libavius, comment. Alch. L. 6. C. 1. liquores potissimum, metalla, lapides, terræ, & plantarum radices occurrunt. Porro singula species suas habuere. Liquoribus namque, seu congelatis succis, sal, alumen, nitrum, vitriolum, sulphur, bitumen; Metallis aurum, argentum, ferrum, æs, plumbum, stannum, & antimonium; Lapidibus crystallum, pumex, marchasita, magnes, & hæmatites; Terræ creta, rubrica, ochra, bolus, & terra lemnia ut plurimum accensentur. Radicibus *Radices plantarum aquas alterant.*
 plantarum etsi non negaverim posse aliquando aquas medicatas aliquid debere, est enim ad hanc rem spectans locus apud Plinium, Natural. Hist. Libro XXXI. Cap. 4. ubi tales, „ inquit, sunt aquæ, qualis terra, per „ quam fluunt, qualesque herbarum, quas „ lavant, succi; rarissimum tamen miscellæ genus est, & quod nostris fortassè in regionibus contingere non consuevit. Præterquamquod enim plantarum radices altè adco
 non

non defiguntur; multò magis obstat, rarò iis in locis, è quibus medicati fontes erumpunt, saltem apud nos, eas inveniri, &, quod amplius est, hujusmodi esse, ut aquam inalterare non queant.

*Integra
aqua, ea
demq; in
partes di-
screta,
examen
institui-
tur.*

Omnia jam enumerata rerum genera, quia rarò, aut nunquam aquas seorsim inficiunt, ideò multiplici examine tentandus est humor, ut deindè, quidquid illi permixtum est, per varia experimenta certiùs appareat. Duplex hac de causa aquas rimandi ordo. Alter integra aqua, consumpta alter, sive à contentis qualibet arte secreta, instituitur. Porrò aquam integram exploranti alia in ipsamet aqua, alia extra eandem considerata veniunt. In aqua, colore, odore, sapore, tactili qualitate, contentis, pondere, & viribus humoris indoles perquiritur. Extra aquam verò ingenio loci, scaturigine, canalibus, alveo, sedimentoque in naturæ ejusdem cognitionem ducimur.

Integri humoris examini aliud succedit, quo consumpti ejusdem reliquias scrutamur. Id vel ignis ope fit, uti evaporatione, decoctione, atque destillatione; vel sine ignis adminiculo, nimirum insolatione.

*Cur ad-
huc diffi-
cilis co-
gnitio a-
quarum.*

Quoniam tamen hæc omnia, etsi plurimùm in se veritatis continere videantur, in quorundam fontium investigatione ferè incassum cedere queunt; quòd nempè, ubi subtilissimis tincturis, atque passim avolare nitentibus

par-

particulis aquarum vis innitatur, eadem deprehendi minimè possint, cujus rei satis magnum argumentum sunt summæ Veterum scriptorum dissensiones super variis aquarum metallicarum contentis; ideò Recentiores ad alias artes solertissimè confugerunt, inauditoque artificio, per varias præcipitationes, colores de industria inductos, chymicosque alios conatus, adnixi sunt exprimere veritatem. Neque, si vera fateri licet, per hoc inventum exiguam sibi industriæ famam conficere. Utcunque enim se res habeat, id certum est, quemadmodum expertissimorum virorum rationes indè ductas apertè inficiari neminem posse, ita multùm chymico examini, hoc saltem titulo, fidendum esse, quòd ope ejusdem, integra aqua, subtilissimæ etiam particulæ, ac facilè evanescentes tincturæ ad trutinam revocari aliquatenùs videntur. Summum indè inter neotericorum, veterumque diligentiam discrimen. Apertum enim est, hosce, utcunque de crasso sedimentorum corpore judicemus, cùm aut igne, aut quovis alio calore uterentur, subtilissimorum corpusculorum aquis innatantium naturam nullis satis probabilibus conjecturis assequi potuisse.

Quid autem de methodo posteriore sentiendum, ut per compendia rem omnem absolvam, ab experimento colligendum est. Neque experiundi ratio in arcto sita. Prostant pulvis Gallarum, Myrabolani, Fol. Tea, Tor-

*Ordo rimandi
aquis à
neotericis
institutus.*

Tornafolis, tinct. Rosæ rubræ exsiccatæ, Bre-
 filium lignum, Coccinella, Syrupus violatus,
 Acetum destillatum, Oleum tartari per deli-
 quium, dissolutio Cinerum clavellatorum, Ar-
 gentum in aqua forti solutum, Spiritus Cor-
 nu Cervi, Urinæ, Salis Armoniaci, Vini,
 Nitri, Salis, Mercurius sublimatus in aqua,
 Antimonium in spiritu Salis soluta, atque
 alia hujus generis: quorum unumquodque,
 ut decet, paratum, si aquæ infundatur, non
 est difficile à colore recens inducto, aut à
 qualibet secretionem, ac præcipitationem colli-
 gere, quid illi prius imixtum fuerit. Hinc
 si decoctum, puta, Gallarum in aquam ab al-
 veo suo nuper eductam imitatur, ac nigre-
 do cum vitrioli, sive atramenti odore confur-
 gat, ambigendum non est, quin subfit Vitrio-
 lum. E contra verò si humor albescat, im-
 butam Alumine aquam designabit. Sic, ubi
 oleum tartari per deliquium, vel acetum acer-
 rimum destillatum aquæ infusum fuerit, si Sul-
 phur in aqua scateat, aliqua sulphuris præ-
 cipitatio habebitur. Nec segnius communis
 Salis præsentiam agnoveris. Quippè ubi ar-
 genti in aqua forti soluti modicum medicatæ
 aquæ admoveatur, præsentem Sale, ingentem
 aquæ lactescentiam exoriri, apertèque Lunæ
 calcem præcipitari, deprehendes. Eodem
 planè ordine, ne nimius sim, in reliquis a-
 gendum est.

*Quomo-
do noscas
Vitriolū;*

*Alumē,
& Sul-
phur;*

*Sal com-
mune.*

Cæterum, his licet ritè persolutis, polli-
 ceri

ceri ne quid certum, atque omnibus omnino
 numeris absolutum de aquarum mineralium *Super hoc exa-
 mine ju-
 dicium.*
 indole quis valeat, si seriò quærat; mul-
 tùm ambigo, quin innumeris sæpenumerò de

causis vera earundem analysis claudicet, at-
 que dum sensus fallaci rerum imagine deci-
 piuntur, interea genuina mixtionis ratio ali-
 quatenus lateat. Hinc Seneca, Quæstionum
 Naturalium Libro Tertio, de aquis verba fa-

„ Eturus ad Lucilium suum: nunc, inquit,
 „ ad rem seriam, gravem, immensam post
 „ meridianas horas accessimus. Enimverò
 res seria, gravis, immensa aquarum explo-
 ratio est; præsertim si eam consideremus,
 quæ ad Medicos spectat: Ut enim unum,
 aut alterum eorum, quibus sæpè sæpiùs me-
 tallici fontes imbuuntur, animadvertam; quot,
 quantæque difficultates occurrunt, ubi ali-

quid, puta, de salium præsentia statuendum *Difficul-
 tas co-
 gnoscen-
 di varias*
 est? Primùm illud animo obversatur, quod

Chirurg. Magnæ P. 3. Lib. 2. Paracelsus, Me-
 dicinæ Principis vestigiis insistens, habet: Sa-
 „ lium, inquit, plus centum species in corpore *salium
 species.*

„ nostro inesse, ignorandum non erit. Quod
 uti ille de salibus animalium, perindè ego
 de salibus telluris pronunciari posse, vehe-
 menter suspicor. Continuò productio salium
 majus nobis negotium facessit. Cùm enim,
 uti capite 5. de Fontibus Medicatis Angliæ
 habet eruditissimus Linster, plantarum ger-
 minantium more quodam analogo salium ge-

neratio contingat ; lentèque admodum procedat , quis non videt , quæ turbæ super immaturorum salium indole statuenda excitari valeant ?

*Figura
salium.*

Adde , tumultuaria concretionem in crystallos (fortasse enim non aliundè certiùs de salium natura judicamus) sæpè eas figuras non repræsentari , quibus sales verè præditi sunt.

*Mutatio
eorūdem
unde cō-
tingat.*

Quod verò magis est , & illud sæpè contingit , ut si sal aliquis , uti sal communis , vi ignis in spiritum attenuatus , sive ferrum , sive cuprum corroserit , tunc figuram mutet , alienique haud satis cogniti salis imaginem præferat . Neque illud novum est , quòd nempe levioribus etiam de causis textura salium in dies mutetur , aliique ad alia munia obeunda accomodati evadant . Propterea & fieri aliquandò posse , ut sal , puta , commune nudis in igne fusionibus , in aqua solutionibus , & coagulationibus repetitis , in terram inspidam abeat , auctor est præclarissimus Borrichius in Or. de ortu , & progressu Chymix pag. 82.

*Miran-
da va-
rietas in
Vitriolo.*

Eadem de vitriolo fateri necesse est ; in quo illud vel maximè mirandum est , quòd licèt permultis in aquis versetur , ferè ab nullis maturum educi queit . Id & Parisienses Philosophi post examen centum ferè fontium experti sunt : adeòt non desint , qui suspicentur , inanes eventus jactari ab iis , qui se ajunt hunc salem ex quibusdam fontibus aper-

tè

tè deprehendiſſe . Adhuc tamen & decipi facile quifque poteſt , ubi de ejuſdem vitrioli ſpeciebus agatur , ob ingentem ejuſdem ſalis varietatem . Id vel ex effectu ſatis colligitur . Siquidem Spiritus Cornu Cervi cum viridi vitriolo commixtus vix ullam efferveſcentiam facit ; cum albo haud modicè intumeſcit ; cum Romano verò efferveſcit vehementiſſimè .

Haud ſecùs examen , qualibet diligentia inſtitutum , ſuccedit quo ad metalla . Præterquamquod enim per ſoluta tantùm principia aquis inſunt , evenit aliquandò , ut aquæ ſubtiliſſima neſcio qua metalli portione imbuan-
Metallorum mixtio latentior eſt reliquis .

His accedunt innumeræ metallorum varietates , quas egregiè ſub Antimonii exemplo deſcriptas ab celeberrimo Boyle in Tentaminibus Philoſophicis de infido experimentorum ſucceſſu , videre eſt . Sicuti enim , ait , (ſumpto à vegetabilibus , mox ab animalibus argumento) Roſarum aliæ rubræ , & damaſcenæ , ut ut quæquæ roſæ ſint , multùm inter ſe diverſæ ſunt ; vel ſicuti Pomum aurantium dulce , & acidum tam ſibi invicem , quàm Chinenſi ſub eodem nomine ſunt diſſimilia : rursùs verò quemadmodum Canis Venaticus , Gallicus , Hiſpanicus , Vertagus , Moloffus , Aquaticus , &c. variis qualitatibus in communi ſpecie diſcriminantur ; ità nec
Varie unius metalli ſpecies .

*cur mineralia
simplicia
non sint.*

omnia , quæ in mineris, vel officinis habentur , antimonialia iisdem **qualitatibus** pollent , etsi commune antimonii **nomen** , naturamque sortiantur . Hinc doctissimè , uti passim consuevit , auctor idem subdit ; hoc interesse inter Vegetabilium , Animaliumque varietatem , & eam , quæ in fossilibus habetur , quòd illa oculis ex peculiaris staturæ , formæ , coloris , aliorumque **nota** deprehendi facilè possit : secùs verò contingat in mineralibus ; in quibus non modò hæc signa difficillimè apparent , quia haud satis apertè iisdem indita fuerunt , verùm sæpè ex duarum , triumque substantiarum permixtione eò res redigitur , ut indoles earundem internosci minimè queat . Apertum enim est , matricem , sive uterum , in quo mineralia generantur , non semper animalis utero similem esse ; quem involucra quædam adversus extraneæ materie ingressum muniunt . Quippe cùm mineralia in telluris gremio procreentur , ipsorum conceptacula succis aliis , halitibusque dissimilibus patent : indèque fit , ut variæ naturæ mineralia in unam , eandemque massam omninò concrescant , quæ postea haud facilè separari , immo ne post fusionem quidem dignosci possunt . Quo posito , quantò difficilius fit , hæc in vaporem usque subtiliata deprehendere , satis explicari nequit . Neque tutum ubique ad sedimentorum inspectionem confugere . Sæpè enim incerta , & fallax conjectura ,
quam

quam ab horum investigatione desumimus, *Sedimentis sepe fallimur*
 est. Siquidem, cum crebrò contingat, quem-
 admodum præclarè animadvertisse audio
 Jo. Jacobum Franciscum Vicarium in novo
 Hydrophilacio, ut sedimenta eadem, quæ
 ab aquis nonnullis nunc lactea, nunc sub
 alia forma deponuntur, nonnisi magisteria
 ab aeris accessu, vel ob spiritus etiam vola-
 tilis secessum præcipitata reputari debeant;
 non video quodnam satis validum indè con-
 tentorum argumentum haberi queat.

Neque omittere fas est, aquas minerales *Aquarum mutatio.*
 ipsas, utut accurato aliquo examine earum
 indoles cognoscatur, singulas sæpenuerò in
 horas mutari facilè posse, varièque soluta
 mineralium principia secum vehere, uti in
 quamplurimis fontibus evenire scimus. Ho-
 rum enim aquæ adeò conspicuas alterationes
 aliquandò subeunt, ut si eodem tempore in-
 exploratò assumantur corporibus noceant
 summoperè. Proptereà viderint alii, an con-
 stans **contentorum** aquæ cognitio ibi esse
 queat, ubi **summa** est subjectæ mineræ, mix-
 tionisque vicissitudo, atque inconstantia.

Quæ cum vera penitus sint, aliaque hujus
 generis, modis innumeris, contingere valeant;
 quis audeat id sibi arrogare, ut contendat posse
 analysim Fontium Metallicorum absolutissi-
 mam institui; atque indè nihil esse adeò ab-
 ditum, quod per supra enumeratos labores non
 innotescat? Igitur, ut hæc tandem missa fa-
 ciam,

ciam, ad hanc difficultatem examinis summam patefaciendam, liceat unum è multis excerpere, ac propterea exemplo sint Spadanæ aquæ: de quibus inter recentiores ipsos tot, tamque diversæ sententiæ circumferuntur, atque adeò super natura eorum, quæ fonti eisdem insident, sibi invicem scriptores fidem adimunt, ut plerumque rei huic tenebras offudisse potius, quam veram, integramque aquæ ejusdem naturam detexisse videantur.



De Minera Tbermarum Patavinarum.

C A P U T VI.

EXplicato, unde Euganeorum Montium fontibus aquæ, minerarum mixtio, atque calor adveniant, & quo simul ritu mineralia quælibet aquas inficientia pro viribus nosci queant; animadvertendum restat, quænam illorum indoles sit, idest quorum præcipuè mineralium viribus imbuantur.

Quod quidem antequam per ea, quæ multiplici examine colligi potuerunt, absolvam, *Veterum scripta consulenda.* habendam crediderim reverentiam veterum scriptorum, eorumque gravissimorum monumentis, qui variis in locis prolixa oratione rem eandem ad trutinam revocarunt. Nullum tamen, vel minimum instituto lumen inde accersurum ex eo deprehendi poterit, quòd, cum in re ardua, & quam per conjecturam visus plerumque, olfactus, effectuumque assequi conati sunt, adversis inter se opinionibus decertarint, & sua cuique in judicando sit auctoritas; eò redacta res est, ut maximis potius implicitam difficultatibus, *Quæ inter se summè contraria.* quàm

in promptum medentium usum explicatam, præclarissimi viri jure censuerint. Hoc ita se habere, vel uno Aponensis Balnei exemplo in medium prolato, unusquisque faciliè intelliget. In quo, collatis invicem plurium scriptorum sententiis, oppositis plerumque consiliis fontis hujus contenta explicasse, nemo inficiabitur.

Itaque, ut à Georgio Agricola exordiar; putavit hic aquas Aponi ita se habere, ut Alumen, Sal, & Sulphur contineant. Præter hæc autem nullum aliud metallum tribuendum iisdem esse contendit.

At Bartholomæus Montagnana magni nominis Medicus, & Medicinæ scriptor, Aponenses aquas à prædominio, ut vocat, Sulphureas, & quibus Calcis nonnihil infit, factò per destillationem experimento, pronunciavit. Quibus deindè contentis, effectus hujusmodi Thermalis aquæ omnes diligenter adscribere conatus est.

Cum Montagnana Ludovicus Pasinus, olim Patavii Medicam artem summa cum laude professus, videtur aliquo modo convenisse. Hic namque, odore, & gustu exploratoribus usus, Sulphureum quidem corpus, & Calcem subesse iisdem in aquis credidit; sed addendum his Cinerem, existimavit.

Sed Mengho Faventino, in tractatu de balneis, res aliter se habere visa est. Quippè

„ in

„ in qualitatibus aquam hujus balnei claram
 „ esse , non excessivè calidam , & salfam ,
 „ ab omni unctuositate , & citrinitate pur-
 „ gatam , inquires , in mineris de Sale , vel
 „ Nitro , & de Alumine magis , & de Cine-
 „ re , ut ipsissima verba transcribam , parti-
 „ cipare , nec à Sulphure immunem prorsus es-
 „ se , nescio cujus examinis argumento innixus
 asseruit .

Porro Franciscus Frizimelica Patavinus , *Franci-
sci Fri-
zimeli-
ca ,*
 atque in Patrio Archilycæo clarissimus medi-
 cinæ professor , in Libello de Balneis metal-
 licis artificio parandis , capite secundo , spe-
 cies metallicarum aquarum , ipsarumque si-
 gna recensens , hujus quoque balnei mineram
 „ in medium affert . Ait itaque , in Aponita-
 „ nis aquis plura metalla sunt admixta ,
 „ sed maximè dominatur Sulphur ; quamvis
 „ sit admixtum Alumen , Nitrum , Calx ,
 „ & Cineres .

In horum censum referendus videtur do- *Michae-
lis Sa-
vona-
role ,*
 ctissimus Michael Savonarola ; qui ex sapo-
 „ re Aluminosum , Salsumque Aponi Bal-
 „ neum , visu verò & Sulphure , & Cinere
 „ præditum , satis sibi constitisse testatur .

Demùm , optimè de re medica meritis , *Gabrie-
lis Fal-
loppii ,*
 Gabriel Falloppius Mutinensis , repetitis , u-
 ti fertur , experimentis edoctus , alium sibi
 contentorum ordinem , numerumque inno-
 tuisse , asserit . Siquidem Aponensis balnei a-
 „ quis ex prædominio Salem inesse , in-
 „ quiens

„ quiens, Calcarium etiam Lapidem , qui
 „ coctione vertitur in calcem , ac denique
 „ Sulphuris vaporem evidentem suppetere ,
 „ auctor est.

*Andreae
 Baccii ,*

Doctissimus verò Andreas Baccius , in tract.
 de Thermis, lib. quarto, c. 12. postquam me-
 moratum Falloppium non semel in minera
 hujus fontis assignanda errasse, ostendere ad-
 nixus est ; recensens Aponense Balneum
 in numero aquarum Sulphuratarum, calida-
 „ rumque in secundo gradu , ait , idem à
 „ prædominio tum Sulphureum esse, tum
 „ Salsum, Alumine subindè, Nitro, Cine-
 „ re, & Calce ex adustione particeps .

*Joannis
 de Don-
 dis ,*

Veruntamen ab horum omnium sententiis
 discrepans Joannes de Dondis, contenta ha-
 „ rum aquarum Gypsum, Salemque esse con-
 tendit . Ubi verò ad Sulphuris examen
 „ ventum est ; non arbitror, inquit, has a-
 „ quas aliquid habere Sulphureum corpu-
 „ lentum : & si fortè ignei aliqui Spiritus cum
 „ iis scaturiant , qui de natura sint Sulphu-
 „ rei, dantes odoris ejus phantasiâ quan-
 „ dam, hi confestim de aquis exhalant .

*Bartho-
 lomæi;
 à Clivolo.*

Huic conjecturæ subscripsit Bartholomeus
 à Clivolo Medicus Taurinensis, de Balneo-
 rum naturalium viribus, libro quarto. Quo
 in loco, & habendam Joannis de Dondis di-
 ctis fidem, ait ; & aliis rationibus in eam sen-
 tentiam se quoquè adductum fatetur, ut e-
 „ xistimet, à Sulphure immune omninò A-

, ponense balneum statuendum esse. Quoad reliqua tamen contenta, aliter aquarum earundem indolem descripsit. Namque Alumine, Sale, Cinere, & Nitro, ductus aspectu, odore, & sapore balnei, idem imbutum esse, suadere adnixus est.

Eadem alii quoque Thermarum Patavinarum descriptores, ordine contentorum, gradumque variè mutatis, tradiderunt. Horum singulas conjecturas recensere, plenum laboris, & tædii; cum plerique ea mineralia immixta Thermis hîce esse voluerint; quæ non ratione, vel experientia, sed, levissimo argumento, ex operationibus adnotarunt. Cum enim, pro varietate corporum, ætatum, morborum, & temporum anni, thermalem eandem aquam diversas prodire in actiones, nemo sit, qui experimento non deprehenderit, facile conjectari quisque potest, quantum eorum conjecturis fidendum videatur.

Cæterum non leviores iis, quæ de Apennensium aquarum examine allatæ sunt, de reliquis quoque balneis, quæ initio operis descripta fuere, controversiæ occurrunt. Præterquam quod enim plerique ad alia omninò, ac ferè inaudita pridem mineralium genera ex ingenii libidine confugiunt; adhuc in eo plurimùm dissentiant, quòd eadem contenta alicui ex enumeratis fontibus à multis tribuuntur, rursus eadem data opera à totidem aliis prorsus oppugnantur: adeò ut legentis

Plures quoque alii de hac re.

*Neque in descriptione aliorum ul-
lus consensus est.*

men-

mentem inani litigio defatigent, & aquarum simul viribus caliginem sæpissimè of-
fundant.

*Scriben-
di insti-
tutum.*

Ut ergo in tanta libertate dicendi, quæ non semel repetitis experimentis deprehendi, doctorum, atque intelligentium virorum judicio promptius submittam, libebit claritatis, brevitatisque causa quædam prænotasse; quæ primo in limine examinis difficultatem minuendo, laboris simul, atque, ut arbitror, erroris argumentum plurimùm subtrahent.

*Fontes
omnes
Patavi-
nos ad
unū re-
duci pos-
se.*

Cùm itaque Medicatos hosce septem fontes diligentissimè, uti momentum rei poscebat, contemplarer, locique ingenium, singulis, quæ circa occurrunt, pensitatis, animadverterem; in eam demùm sententiam pro-
vectus sum, ut crederem, omnem aquarum hinc, atque indè exorientium proventum, sub unius fontis nomine non ineptè accipi posse. Hunc animum non varii caliditatis, non sal-
sedinis, aut fætoris gradus, non subjectæ telluris color, non erumpendi modus, atque ipsa diversorum argumenta effectuum excu-
ferunt. Instituto enim seorsim fontis cujusque examine, cùm eadem contentorum signa pas-
sim ob oculos mihi versarentur, unum, per quod inter se differrent, novisse licuit, quòd nempè secundum metallicæ mixtionis gradum dissimiles essent: contentis iisdem, at diversa dumtaxat mensura, se se ubique offerenti-
bus.

*Secun-
dū gra-
dum in-
ter se
differit.*

bus. Hac de causa videre mihi visus sum modicæ magnitudinis mineram, sive matricem, neque enim ingens ambitus est, quo veluti communi termino balnea enumerata clauduntur; ex qua erumpentes circum aquæ, quidquid habent metallicarum virium, haurirent, ac deindè pro diversitate locorum variè ad telluris superficiem emergerent. Factum indè, ut balnea eadem, licèt unius mineræ mixtionem subeant, non eadem mensura mineralibus succis imbuantur. Cum enim non iidem ubique meatus, non eadem proclivitas loci, tellurisque contextus sursum eluctantibus aquis contingant; aliæ facilem, brevemque aditum nactæ, momento ferè temporis prodeunt: aliæ iterùm aut prolixo itinere, aut variè inter saxa impedito subtus tellurem emenso, tandem lentis effugiis in aperta profiliunt. Multum proptereà mineralis mixturæ hæere prioribus, dicendum est; has verò plurimum illorum per longas telluris ambages posuisse, quæ in ipso mineræ transitu susceperant. Addendum & illud, aquas nempe pluribus de causis vario temporis intervallo supra mineras immorari, variè quoquè, ut fieri solet, ob inæqualem in minera salis proventum, salibus imbui; ac proptereà, secundum cùm moræ, tùm solutionum varietates, dissimiles saturationis gradus in aquis iisdem deprehendi. Ex quibus, nisi reliqua obsistant, colligi posse judico, nul-

Unde eorundem
varietas
origi-
tur.

nullum, nisi quoad contentorum quantitatem, inter hos fontes discrimen intercedere.

Neque obstat, eum ordinem ex naturæ instituto aliàs servari, ut singulis fontibus medicatis seorsim erumpentibus quædam miscuantur, ab subjecta, & singulari minera in aquas immissa; quorum vi diversam omnino indolem nanciscuntur. Quippe utcumque id aliquibus aliis in locis (nec enim mihi desunt exempla aliorum balneorum eodem modo se habentium) contingat; his certè in fontibus, quos inter ea communio intercedit, ut crebrò eundi ordine inverso, eadem aquæ mineralis quantitas per alios, diffusoq; meatus emergat, prioribus exsiccatis, statui nullo modo potest. Nec profectò modus inveniretur designandis contentis eorum fontium, qui inter memoratos passim obversantur. His namque omnibus si cultus, uti in cæteris contingit, adhiberetur; nullus dubito, quin balneorum, usui medicorum præclarè inservientium, numerus plurimum augesceret. Id omni ex parte veritati consonum esse, is vel facilè concedet, qui eo in loci ambitu, in quo septem memorata balnea sunt, erumpentes passim rivulos calentis aquæ, sparsas circum sine nomine lacunas, neglectaque, aut vetustate corrupta balneorum loca animadvertent. Et licèt priorum fontium propagines, aut conceptacula dilabentis ab iisdem aquæ vul-

*Multis
in locis
id evenit.*

*Cæterum
hi fontes
essent
propè
innu-
meri.*

vulgò censeantur, hoc nihilominùs nemo negaverit, deprehendi in iis quoquè crebras inferna de parte scaturientis humoris notas: aperto satis indicio, ibi quoquè fursum eluctantium aquarum conatum aliquem esse, ac propterea non pauca, nec prioribus dissimilia fontium rudimenta eodem in loco statuenda videri.

His ex eruptionum motibus, vicibusque, *Cur plures vi-*
 quas à primo horum fontium exortu ad hæc *res videantur*
 usque tempora, meatus telluris vi conscendentis aquæ, aliisque de causis, variè diducti, obcæcatique assiduas fecerunt, intellectu arduum non est, unum ferè esse fontium, de quibus agimus, principium; quos deindè itineris ordo, ac dispar substantia telluris hinc, & indè pluribus, variisque scaturiginibus leviter immutarint. Neque, sive id ex præscripto naturæ, sive casu contingat, modicum indè ægrotantium corporibus levamen. Quippè veluti per gradus remissæ singulis in locis thermalis aquæ vires, viribus balneantium variis, morborumque speciebus mirum in modum per occasiones aptantur.

Quibus positis, ut examini propiùs accedens, instituto aliàs proposito insistam, quid *Integræ aquæ examen.*
 inprimis ab integræ aquæ scrutinio collegerim, in medium afferre constitui. Et primò quidem, nulla artis ope usus, naturales notas, colorem scilicet, odorem, saporem, qualitates tactiles, contenta, pondus, effectusque animadverti.

Ab

*Quid co-
lor ostē-
derit.*

Ab colore exordienti limpidus ferè humor, diverso licet claritatis gradu instructus, sese obtulit. Nec difficile captu fuit, quantò magis contentis saturaretur, tantò eundem ab communium aquarum luciditate distare. Nulla tamen aperta satis ex colore contentorum notio haberi ulla arte potuit: nisi fortassè, quà uberiore fossilium proventu fons turget, aquæ subturbidæ speciem quandam, in qua tenuis aliquis succus per minima solutus fuerit, sæpenumerò repræsentare dixeris.

*Quid
Odor:*

At odore ulteriùs perventum est. Siquidem cùm grave quiddam, fétidumque, & aliquibus in locis capiti nonnihil noxium, indè expirare intelligerem; facilè eò perductus sum, ut, reliquis examinum conatibus aliud non suadentibus; existimarem sulphureo corpore aliquo aquam imbutam esse. Ad hæc cùm ferè statim, ut in tenuibus spiritibus evenit, odor idem immutaretur; minimè ambigendum censui, quin in paulò subtiliore substantia momentum illius omne vertetur.

*Quid gu-
stus dete-
ctum;*

Continuò, gustus organo subiectus est sapor; nec quidquam præter falsedinem aquæ, in qua modicum sal marinum solutum fuerit, non abfimilem, deprehensum est. Salem indè subesse cùm suspicarer, fixum eundem plurimùm statuendum proptereà intellexi, quòd falsedo non modò ocyùs non exolesceret, sed nullo

nullo alio conatu, ne admoto igne quidem, ita minui posset, quin potius plurimum augeretur. Ut autem hic sapor variè in hisce balneis intenditur; ita in B. Virginis fonte adeò remittitur, ut vix deprehendi queat.

Quo verò ad tactiles qualitates, haud modicè asperas aquas facilè quisque cognoscet. *Quid tactilibus qualitatibus;* Hinc si hoc humore manus abluas, æquè contrahentur eadem, atque exasperabuntur, ac si aquæ lavacro, in qua nitrum, alumen, vel sal solutum adsit, usus fueris: aperto sanè argumento, aut aliquo istorum succorum, aut multis simul fontes hosce turgere. Sumptum & indè fortassè ab antiquis scriptoribus consilium asserendi, nitro, atque alumine imbutos præsertim esse. Verùm quia non modò alumini, & nitro, sed & aliis succis rei hujus causa æquè assignari potest; prætereaque nulla in aquæ sapore stipticitas, nullum reliquis in experimentis aluminis vegistium deprehensum est; non immeritò indè conjectandum videtur, asperitatem omnem ad aliorum salium mixtionem esse referendam.

Ad contentorum inspectionem quod attinet, nihil ferè animadversione dignum observatur. Siquidem præter id, quod in coloris notis memoravimus, aliquibus tātum temporibus prope scaturiginem farinaceo quodam pulvere modicè admodum respersum humorem, licet id in singulis balneis non eveniat, cernere da-
tum.

tum. Id ubi actum ad inferiora, secretumque fuerit, cuicunque examini subjiciatur, nihil aliud præfert, quàm tenuissima arenularum, terræque corpuscula, intra telluris meatus aquis immixta; quæ humoris motu intercepto, in subjectas partes suo pondere collabuntur. Versicolorem pelliculam collecto humori obductam vix una, aut altera vice deprehendi: quæ tamen nullo ferè, nisi oculorum, judicio subjici potuit.

Pondere. Pondus si spectes; horum fontium aqua gravior est ea, quæ ex communibus fontibus hauritur. Idque non solum ex segni incallescencia colligitur, dùm tamen naturalem calorem posuerit; verùm etiam magis apertum fit, ubi corpora aliqua in aqua eadem immergantur. Etenim e. c. cylindro ligneo in his aquis, ac deindè in communibus injecto, deprehensum est, multò minùs in prioribus, quàm in postremis descendere. Intellectu propterea facillimum est hos fontes corpora aliqua terrestria, puta sales, continere; eoque majore proventu, quò magis demissum lignum sustinetur. Præterire tamen silentio non decet, secùs rem in B. Virg. fonte contingere; cujus aqua ceteris adeò levior est, ut non modò indè conjicere possimus, crassas particulas haud multas eidem inesse; sed & suspicari subsit, volatilia haud pauca corpuscula ibidem inveniri, quorum causa ipsius interstitia ampliora aliquatenùs fiant.

His

His demùm conjecturæ , quæ ab effecti- *Effectus*
 bus desumi solent , accensentur . Cùmque *quid si-*
 horum fontium aquæ abstergere , attenuare , *gnificet.*
 incidere , expurgare , adstringere , ficcare , à
 putredine vindicare , roborare , prætereaque
 ventrem aliquoties subducere , sitim excitare ,
 pituitosos succos detrahare , ædemata discu-
 tere , cutim asperam reddere , scabiem , at-
 que alia hujusmodi curare consueverint , mul-
 tiplici exindè infertur argumento , salè ali-
 quo , ad salis communis naturam accedente ,
 præditas esse . Ad hæc autem cùm & discu-
 tere , emollire , pulmonibus prodesse , nervo-
 rum affectibus balsamicè mederi , paralyfi ,
 spasmis , tremoribus succurrere , steriles ute-
 ros fecundos facere , nec non , ubi ineptè ad-
 hibentur , replere haud leviter caput valeant ;
 sulphuris indè præsentiam non inconsultò ar-
 guimus . Atque hæc ferè sunt , per quæ in-
 tegram aquam , nulloque artificio subactum
 perpendimus .

Succedit alterum examinis genus , quo
 rursus , integra aqua , ac simul in partes di-
 creta , contentorum natura diligentius per-
 quiritur . Quo in munere obeundo ne fortè *Agendi*
 aliquid hisce in Thermis lateat , quod per no- *ordo.*
 tas nuper allatas se non prodiderit , abs re
 non fuerit , post peculiariora horum fontium
 mineralia , cetera , quæ immigrare in hujus-
 modi aquas nonnunquam consueverunt , per
 genera saltem , contractaque oratione recen-
 sere .

fere. Ideòque primùm, quæ potissimùm ad Spiritum, Sulphur, & Sales referuntur, deinde verò aliqua super Vitrioli, Nitri, Ferri, Æris, & præsertim Aluminis præsentia, delibabimus.

Quod antequam præstare aggredior, animadverti vehementer velim, me hìc ad intricatissimam salium, aliarumque metallicarum rerum historiam, atque eorundem generationis ordinem descendere de industria noluisse. Idque cùm quia, si ad hæc prævortissem, haud decorum erat stare veluti in limine, ne opus mutilum videretur, ac propterea extra propositæ tractationis institutum evagari necessum fuisset; tùm quoniam rem hanc tot, tantisque difficultatibus impeditam, ac variè adeò à scriptoribus pertractatam intelligo, ut satius esse videatur, eam, quàm fieri potest, consultò declinare, atque sine carentem disputationem aliis relinquere. Satis itaque fuerit in præsentiarum, ultimis mixtionum causis omis-
sis, effectus præcipuos contentorum animadvertere, id est, quid post injectos aliquot liquores hisce in Thermis sit consecutum, cujusnam generis sales in iisdem lateant, quid sedimenta ritè pertractata oculis exhibeant, atque alia his similia. Neque enim arduum futurum remur, subtilioribus quæstionibus relictis, quod ad rem nostram potissimùm facit, conjicere, quænam ea sint præcipuè,
quæ

quæ hosce fontes inalterent, ut demùm conjectura, si fieri poterit, laudabiliore de eorundem viribus iudicium ferre valeamus.

Itaque ut, ordine rem omnem perstringendo, spiritum aquarum inprimis attingam, *Spiritus aquarum natura.* jam extra omnem ferè dubitationis aleam positum videtur, aquis medicatis omnibus portionem aliquam spiritus insidere; uti eruditè nuperrimus salubrium aquarum mineralium Descriptor ostendit. Cujus autem naturæ sit, licèt explicatu difficillimum videatur, nihilominus haud inconcinnè ipsius præsertim universalis spiritus, subterranei, acidi soboles dicitur. Hujus initium ex eo ducere visum est, quòd nempè vel ab pinguibus corporibus in telluris imo incensis expiret, vel, quoniam subterraneus ignis, maximè ob defectum ventilationis, & pabuli quantitatem, apud permultos ingentem patitur difficultatem, subtiliore alia ratione, atque abdito aliquo fermentationis opere eliciatur. Cujus portio ubi in prætereuntem aquam irrepperit, est in causa, ut aqua eadem in quædam corpora; sed præcipuè in immaturas, aliasve metallorum venas offendens, easdem faciliùs solvat, solutasque, atque satis jam comminutas demùm secum in apertum protrahat. Igitur, *Thermæ hæ spiritum non carent.* uti spiritus istius, cujus in hujusmodi locis ingentem copiam suppetere minerarum exploratores inprimis animadvertunt, præsentiam his in Thermis inficiari non decet; ita eun-

dem apertè deprehendere difficile penitus ,
 atque arduum existimaverim . Præterquam
 quod enim ob fervorem aquæ , & decurren-
 di ordinem magna illius portio statim diffi-
 patur , & evanescit facillimè ; non desunt
 plurima alia crassa contenta , quibuscum de
 more coaguletur . Quæ etiamsi spiritum hunc
 omni adhibito studio exquirentibus adversa
 plurimùm non essent ; ea demùm ratione in-
 cassum labor concederet , quòd ob incredibi-
 lem ipsius subtilitatem , mobilitatemque , nullis
 vinculis coerceri posset . Ceterùm summè cre-
 dibile est , tenuissimas alias particulas eif-
 dem fontibus inesse , quas non ineptè ad su-
 bjectæ mineræ naturam præsertim referre-
 mus . Quemadmodum enim ab effectibus
 cùm naturalibus, tùm per artem inductis sub-
 tilissimæ hujus substantiæ portio patefit ; ita
 fieri minùs vix posse videtur , quin ubi in mi-
 nera ob salinæ aquæ appulsum effervescentia
 ingens excitatur , multæ ejusdem particulæ
 summè attenuentur ; non aliter , ac cùm ignis
 adminiculo nos quoque eò corporum non
 paucorum texturam redigimus , ut & mole
 minima fiant , & ad avolandum summoperè
 accommodata .

*Variè in
 iisdē re-
 peritur.*

Quo in loco animadvertendum est , singulis
 hisce in fontibus exiguam tenuissimæ hujus
 substantiæ portionem statui posse ; in horum
 autem censum B. Virginis aquam referri mi-
 nimè debere , utpote quæ tenuissima mineræ

por.

portione satis imbuitur, uti præ cæteris ex discrimine ponderis, & saporis, ex varia in infusos liquores actione, atque præsertim ab effectibus quotidie colligitur. Hinc satis notum hunc laticem assumentibus, quantò faciliùs meatus corporis idem trajiciat, Thermopotatione prope fontem ipsum instituta, quàm si in ægrorum commodum aliquò aqua transferatur.

Sulphur quod spectat, vix dubitandum censui, quin hujusmodi succus Patavinos Fontes omnes inficiat. Neque summa sine ratione eò perductus eruditissimus Baccius videtur, ut in opere de Thermis, Libro IV. Capite 2. pro adæquata materia Thermarum Sulphur assignaret. Utcunque enim hoc Baccii dictum intelligatur, certo certius est, quidquid continent Thermæ, ex quo intra nobilium aquarum, atque præclarè usui Practicorum inservientium numerum recenseri merentur, sulphuri potissimum debere; cujus quot, & quàm salubres usus in medicina sint, nemo non novit. Varia tamen est sulphuris cum ratione ipsius, tum ex diversitate dissolutionis cum aquis permixtio. Quippe quibusdam fontibus apertè sub olei specie innatat; uti se habet Fons ille versus Beziers, ab doctissimo Thoma Bartholino Epistolarum Medicarum Centuria prima, Epistola X. memoratus. Hujus enim aquæ oleum supernatat, quod in usum vulgarem

*Sulphur
verè me-
dicatas
aquis
facit.*

*Varie a-
quis mi-
scetur.*

*Fons Be-
ziers.*

rem ad elychnia venit, vocaturque oleum Gabianum; cuius ea est conditio, ut alibi benignius non reperiatur. Ex aliis ubere proventu tenue, & dulce sulphur habetur, quod præsertim faxis passim adhærescit: uti fit in bullientibus aquis apud Puteolos, referente eodem Baccio, Libro IV. Capite IX. multisque aliis, in quibus magna sulphuris dulcissimi quantitas, eaque sæpè sæpiùs in flosculos sublimata aggeritur. In permultis verò, uti præ reliquis Franciscus Blondel, in Tractatu de Thermis Aquisgranensibus, & Porcetanis, Capite V. Cornelianis præsertim evenire asserit, ita se res habet, ut sulphur maximè oleant, habeantque oleosè dissolutum, & balsamicè mixtum, verùm adeò subtile, ut in Fontis ejusdem examine sedulitatem quamlibet eludat, & ne granum illius quidem colligi, aut videri possit.

Quid nomine sulphuris intelligendum. Antequam igitur, quid nobis de hujus corporis præsentia in his Thermis videatur, statuamus, animadvertendum ducimus, nomine Sulphuris hic nihil aliud intelligi, quàm pinguedinem quandam inflammabilem; cuius cum ingens copia præ reliquis crudis sulphuribus insit, factum est, ut sub Sulphuris ipsius, utpotè potioris, nomine reliqua omnia pingua concreta venirent. Porro distinctiones omnes corporum inflammabili pinguedine præditorum inde exoriuntur, quòd ea-

eadem pinguedo variis terrestribus particulis sæpè sæpiùs miscetur; cum iisque coagulata, aliquatenùs diversas colorum, saporum, totiusque texturæ imagines præferret. Inde Sulphura, Bitumina, Succina, Resinæ, Pices, atque alia permulta, quorum seorsim innumeræ propemodum species sunt; quæque, etsi plurimùm inter se differre videantur, nihilominùs in eo cuncta conveniunt, quod eorundem alia pars oleaginea, bituminosa, atque inflammabilis sit, alia verò acida; uti ex instituta singulorum analysi elucescit.

*Unde
varia
sulphu-
ra.*

Hac de causa, nisi aperta particularium horum Succorum indicia in fontibus medicatis adsint, frustrà laborare nonnullos suspicor, qui levibus quibusdam conjecturis innixi, acriter pro aliqua horum Succorum specie, reliquis rejectis omninò, statuenda decertant. Arduum quippe, ubi pinguis Succus principia probè soluta aquis, iisque non simplicibus, confundantur, singularem ipsius indolem, veluti protenso digito, designare. Hinc sæpissimè inter scriptores lites, & jurgia; hinc quæstiones eadem ferè centies repetitæ, & nunquam, nisi alia mens incesse-rit, finem habituræ. Satiùs propterea crediderim in hoc loco, pro assignanda oleosi corporis natura, quod hisce Thermis miscetur, lato, ut ajunt, modo, uti nomine Sulphuris: quandoquidem, si effectus quoque ipsius,

*Unde
dissen-
sio scri-
ptorum
super
sulphu-
ribus.*

uti

uti vulgò accipitur, animadvertantur, nullum dubium erit, quin ad hujus ferè speciei rationem commodè referri queat.

Thermis Patavinis sulphur inest. Itaque, quoniam veritati summè consonum videtur asserere, Patavinis fontibus, nemine excepto, Sulphur inesse, ideò pro eadem sententia comprobanda minimè utar illorum argumentis, qui nullas omninò Thermales aquas sine aliqua Sulphuris admixtione inveniri posse, contendunt. Quippè cum non desint, qui calentissimos quosdam fontes ab Sulphure penitùs immunes in medium afferant, ut à nobis quoque memoratum aliàs fuit; visum proptereà quæstionem omnem sicco, ut ajunt, pede transire. Enimverò non in ea rationum inopia versamur, ut non aliundè, ad asserendam Sulphurei corporis præsentiam, argumenta conquirere valeamus.

Ab odore arguitur;

Igitur magnum, clarumque in primis hujus succi signum est, odor quidam ab hisce Thermis passim expirans, isque adeò latè diffusus, ut, nisi ventus obsistat, satis è longinquo deprehendatur. Hinc latere causa hujusmodi odoris minimè potest: vel rusticis ipsis inde conjectantibus, Sulphura iisdem aquis commisceri. Multùm tamen intendi crediderim memoratum foetorem, ob aliquam Sulphuris ipsius certis temporibus dejectionem, cujus non pauca indicia, causæque eandem efficientes haberi queunt. Proptereà putorem illum summè imminui deprehendas, si,

si, repurgatis alvei facibus, assiduè ex eruptionis loco humor exhauriatur. Qua de causa ut hic effectus in universum ob odoris similitudinem sulphuri aptè assignatur, ita multò magis rem ità se habere dicendum erit, si illos audiamus, qui odores omnes cum gratos, tum ingratos ab Sulphuribus proficisci existimaverunt. Quæ tamen ex eo probari ulterius videntur, quòd, post institutam Thermopotationem, alvinæ fæces per aliquot dies in non paucis Sulphureum foetorem præferant. Idem, secundum illorum sententiam, & ex colore qui conjiciant, non defunt. Quippè cum ab Sulphuribus iisdem radicale, uti volunt, fundamentum, atque principium colorum petendum sit; videtur aquæ horum fontium Sulphur inesse, quòd variè pertractatæ, sed præsertim ex versicolore pellicula, & per se, & inter evaporandum concrecente, miram quandam colorum varietatem exhibeant. Quamvis tamen hunc effectum ad sales congestos, ac variè lumen torquentes, plurimùm referendum esse multi existiment.

Sed, ut hæc mittamus, si præcipuos alios effectus, uti dictum est paulò superiùs, animadvertere libeat, si nigerrimum plurimorum fontium lutum, si subturbidam aliquatenus aquam, atque alia his similia, certo certius est, satis commodè ad alia mineralia hæc referri non posse. Præterea cum notum

Ab effectibus variis.

tum sit, Sulphur multifariam, sed præsertim ab alkalicis salibus præcipitari, si puta, Oleum Tartari per deliquium, aut simile quidpiam adhibeas, faciliè colliges ex effectu præsentiam pinguis cujusdam corporis asserendam videri. Id colligi quoque ex acidis aliquibus poterit: quatenus suam sulphur cum calce viva per decoctionem solutum, præcipitari faciliè cum acidis solet. Quoniam autem idem haberi ab spiritibus alkalicis volatilibus, atque inde coagulari sulphurea corpuscula consueverunt, adhibito, e. c. Spiritu Salis Amoniaci, in aqua harum Thermarum eadem eveniunt; satis aperto, uti volunt, sulphuris argumento. Licet verò notæ, quæ ab sedimentis desumuntur, suspectæ non paucis sint; nihilominus his conjecturis id quoque robur addere videtur, quòd & odor sulphureus ab iis expiret, & lactescentia aliqualis haberi queat, ac demum inflammabile quiddam ex iisdem semper eliciatur.

Cur flores sulphuris non apparent.

Neque multum negotii nobis faceffit, quòd in his fontibus sulphuris flores per aquas sublimati, atque in glebas accreti, in variis locis non apparent; quemadmodum satis magna quantitate fieri quibusdam in Thermis consuevit. Quippè si cum distantiam sulphuræ mineræ ab loco eruptionis, tum mineræ ipsius, saliumque effervescentium indolem consideremus, facillimum captu erit, ex

ex varia horum ratione posse memoratum eventum in aquis sulphureis variè intercipi. Illud enim arbitror nulla difficultate laborare, quod ingeniosissimi viri consultò protulerunt, nempè salinam sulphuris partem facilè quidem in aquis solvi, quam etiam crediderim plerumque altùm se in aliorum contentorum poros insinuare, atque abdere, at pinguem, & inflammabilem aut difficillimè, aut nonnisi secundum subtiles omninò particulas, huic mixtionis rationi parere. Hinc ferè semper crassa pinguis hujus materiæ solutæ portio plurimùm ab aquis separatur; ac dumtaxat tenuissimum quiddam remanet, quod vasa quælibet pertranseat, ac nulla arte coerceri possit. Propterea dictum oleosè, ac balsamicè mixta aquis sulphura aliquandò esse; observatumque aliàs quibusdam in Thermis, ne granum quidem hujus succi separari potuisse. Itaque si & debito intervallo minera distet ab scaturigine, & minera eadem, ac sales in aqua soluti ita comparati sint, ut facilè indè præterfluens rivus sibi sulphur in determinato quodam statu assumere, atque exponere valeat: mirum non est tunc ditissimos sulphuris flores ab aquis duci, & variè sublimari. At ubi vel justo magis ab eruptionis loco semota, vel, quod plurimùm interest, alia qualibet ratione sulphurea minera, saliumque efferuescentium in aqua solutorum conditio se habeat, tunc nemini dubium

bium esse arbitror, quin etsi solutio ejusdem mineræ præcesserit, ea tamen ratione duci sulphur ab aquis non possit, ut non longe à scaturigine valeat in apertos flores sublimari.

Id uti evenire in omnibus fontibus sulphureis, qui apertè sulphur non præbent, quemadmodum in hujus rei exemplis apud auctores passim videre est, credi facile potest; ita, ne nimius sim, existimaverim, hujusrei summam in eo verti, ut quidquid sulphureum, post eruptionem horum fontium iisdem mixtum intimè est, tenue admodum sit, ac ferè ipso vulgari flore subtilius; vel quòd ante eruptionem reliqua sulphuris portio decesserit; vel quod minera sulphuris eatenus dumtaxat solvi ab aquis potuerit, vel denique quòd pleraque sulphurea corpuscula cum aliorum contentorum particulis jam conjuncta, atque intimè iisdem associata, haud procul ab scaturigine dejiciantur.

*Cur ubique
que lu-
tum pin-
gue non
adsit.*

Cæterum ex memorata solutionis varietate, distantia scaturiginis à minera, aliisque oriri arbitror, quòd non ubique exeuntes aquæ pingue lutum deponant; atque iterum in singulis conceptaculis ferè diversæ luti species congerantur. Ut enim aliquis mineræ locus cæteris est sulphuris, salisve ditior; atque uti aqua subtilissimas tantum particulas sulphuris aut assumit, aut retinet; ita vel cænum magis, minusve pingue subest, vel ejus

loco ex assidua arenularum, terrestriumque aliarum particularum, quas quibusdam in locis aqua plurimum congerit, appositione, salinis corpusculis intertexta, tophi quidam, crustæque assurgunt, petras mentientes. Hæ enim ubi modicam calcinationem subierint, salino coagulo dissoluto, in arenam, terramque penitus abeunt.

Quoniam autem, post odorem sulphurei corporis apertissimum, sapor harum aquarum plurimum eminet, hujus verò origo à salibus ducenda videtur, ideò ad salium in his Thermis solutorum indaginem accedendum est. Porro cùm sapor idem, ut leviter aquam attingenti patere potest, falsus omnino sit; propterea non sine ratione dici posse autumo, eundem ad aliquam salis speciem, accedentem ad Salem Communem, referendum esse. Id autem facilè elucescit per ea, quæ reagentia nuncupantur; unde & præcipitationes arte inductæ salis ipsius naturam detegunt. Itaque præ cæteris Argentum in aqua forti soluto uti libeat. Quo vix affuso, cùm Thermalis aqua albescat, ac miranda pernecitate calx, ut inquiunt, Lunæ præcipitetur, satis apertum fit, aquam sale communi turgere. Neque aliter res eveniet, cùm eadem aqua forti solutum argentum, decantatumque Thermalis aquæ, cujus portio data opera per evaporationem jam abjerit, infundatur. Quippe hoc ordine mul-

Salis ex-
amen.

Sal cõ-
munis.

multo citius calcem Lunæ præcipitatam adipisci facile quisque poterit. Uti autem sapor falsus in his aquis plurimum augetur, ubi eadem coquantur, quoniam nempe, particulis aqueis evanescentibus, confectiores sales fiunt; ita, decoctione perfecta, sales simul congeruntur, quos si in aqua communi iterum solvas, idem per reagentia obtinebis.

*Que illi
figura,
quis sa-
por sit.*

Porro Sales post aquæ integram exhalationem residues exploranti sapor, & figura imprimis sese offerunt; quæ plurimum salicomuni similia esse, res ipsa declarat. Ut autem in sapore, ad salis communis differentiam, paulò remissior falsedo est; ita in figura illud præ cæteris animadvertendum venit, quòd licet plurimum cubicas crystallos repræsentent, cæteris fontanis salibus persimiles, tamen crystallosum haud pauca variè ad angulos præcisæ sunt, adeò ut nullam ferè regularem figuram præseferant. Quoniam autem experimento vulgatissimum est, sæpè ob tumultuariam horum corpusculorum in crystallos concretionem, genuinas eorundem species non representari; quæ tamen, iteratis diligentius solutionibus, concretionibusque, demùm secundum votum emergunt; nihil omissum, ut cum ex simplici, & primaria, tum ex repetita per novas solutiones concretionem appareret, quam præferrent potissimum salis figuram.

Sed

Sed quemadmodum in magna quantitate cubicas crystallos inde semper exortas vidimus; ita nunquam alia salina corpuscula non apparere, quæ ad varios angulos præcisa, variorum salium figuram aliquatenus exhibere viderentur. Quorum effectuum causam ex eo potissimum petendam esse ducimus, quòd sales iidem inter effervesendum varias figuræ mutationes patiantur. Idque minime mirum ei videbitur, qui animadvertat, eò magis posse aliqua corpora inter varios luctarum conatus aliquam figuræ suæ jacturam facere, ut in salibus evenit, qui immò post varias fusiones, solutionesque denique in terram inspidam abeunt; quòd facilius artis ope multiformes figuras ea de novo assumunt, quas antea non habebant. Hinc uti optimè notat subtilissimus Becherus, *Phyf. subterr. Libro primo, f. 5. cap. 2. §. 23.* ipsa aqua communis multoties destillationi subjecta eam corroding vim nanciscitur, ut ad metalla quoque solvenda sit accommodata. Patet idcirco, quàm facili negotio contingat, ut dùm sales salibus adversæ indolis occurrunt, vel in aliquas alias materias agunt, atque in effervescentiæ nifum assurgunt, variè immutentur, confingantur, atque invicem sese excipiant. Continuòque mirum esse desinit, cur post hujusmodi conatus non suus cuique sapor, non figura penitus constent.

Quomodo salis figure immutetur.

Et in terram inspidam abeant.

Cæterum ad quodnam præfertim salium genus referri harum Thermarum Sal debeat, indicat plurimum effectus ipsius in ignem injecti; in quo nec ullam flammam concipit, nec aluminis more fluit, sed non secus ac Sal Communis, crepitus edit. Quamobrem, *Cum sale communi comparatur.* ut alia quoque ejusdem cum Sale communi collati experimenta haberentur, modica utriusque portio seorsim in paribus aquæ mensuris soluta est; quibus cum solutio Mercurii Sublimati deindè addita fuisset, nec turbatio, nec præcipitatio ulla aquæ sublimati in iisdem sequuta est. Rursus, si utrumque salem in aquam Tornasolis colore imbutam seorsim injicias, nulla tincturæ mutatio sequetur; eademque ratione quemadmodum solutio Vitrioli turbari nequaquam poterit, ita ferè ab utrisque Saturni salem, in aqua communi solutum, filtratumque præcipitari, deprehendes.

Cum acidis aliis quatenus effervescit.

Silentio tamen non præterierim, cum acidis sali Thermarum affusis novi aliquid emergere. Quippe, si nitri, sulphuris, salis, aliarumque rerum ejusdem generis spiritus adhibeantur; apparebit luctam aliquam exoriri, ac bullulas excitari; non secus, ac cum ferè adversæ naturæ succis acida eadem affunduntur. Cujus tamen effectus causa satis aptè ex iis peti poterit, quæ memorata sunt circa varias salium confractiones; propter quas ab communium hujusmodi succorum na-

tura recedere aliquatenus videntur.

Quod reliquum adnotandum est, variè istud Salinum corpus hisce Thermis esse permixtum. In aliis enim ea quantitate reperitur, ut & saxis cum pauca sive arenæ, sive alterius terrestris substantiæ portione passim adhærescat, & aqua, etsi plurimum absaturigine distet, falsa admodum sit. In aliis aqua falsedinem modicam exprimit, nulli verò sales secus ejusdem decursum apparent. At in fonte B. Virginis præter id vix *Parva
salis
portio
in fonte
B. Virg.* apertam falsedinem, uti dictum, invenies; experimentoque deprehendere facile poteris eundem tenuissimo, paucissimoque hujusmodi sale dumtaxat præditum esse.

Vitriolum quod spectat, licet non desint, *Vitrioli
nullum
signum
habetur.* qui in ea sententia sint, ut credant, ferè semper in lapidibus sulphureis, à quibus sulphur fontes arripiunt, Vitriolum inveniri, nullum tamen, nobis saltem, quibus effectus dumtaxat adnotare animus est, hisce in Thermis hujus salis indicium fatis validum obversatur. Quippè nulla in primis aperta aciditas in sapore harum aquarum emicat, quam Vitriolum nunquam deferere notum est; deindè ne vulgare illud quidem succedit, solutionem nempe Gallarum his aquis infusam nigredinem ullam conspicuam, aut saltem colorem aliquem ex rubro in atrum paulatim degenerantem inde contrahere. Nec secus res eveniet, si pulverem Gallarum ad-

hibeas . Ex qua permixtione non color Vitriolum indicans , non odor ullus atramenti haberi ulla arte poterit . Porro incassum recident eo alia omnia , quibus ad Vitrioli præsentiam statuendam sæpissimè ducimur . Hinc nec Fol. Tea , aut foliis Quercus , nec Myrabolanis , aut corticibus Granatorum , nec Tornafolis tinctura , aliisque adhibitis , ullum Vitriolici acidi argumentum elicitur .

Objectionis solutio .

Non me præterit tamen , quid hisce objicere soleant ii , qui pro Vitriolo , quod sæpissimè in Thermis inveniri contendunt , acriter dimicant : nempè ex allatis ideò nullum hujus salis signum haberi , & præsertim ab Gallis expectatam tincturam non proficisci , quòd Thermalis liquor mineralibus spiritibus fortissimis ita corpus Gallarum disjiciat , ut eadem tincturam exhibere non valeant . Ut cunque tamen hæc intelligenda sint , uti , ducta ab integræ aquæ investigatione conjectura , subesse hìc soluta vitrioli principia nullatenus suspicamur , quæ , si adessent , dubio procul per memorata aliquatenus saltem proderentur ; ita per sedimenti , atque inde educti salis examen intelligi facilè potest , nulla alia ratione ibidem Vitriolum inveniri . Pertractata enim quolibet ordine sedimenti portione , id succedit , ut ne in suspensionem quidem Vitrioli adduci possimus . Salis autem Thermalis texturam , effectusque singulos , post varios fusionum , & calcinationum nifus , con-

tem-

templanti idem apertum fit: omnibus diffimilis omninò ab Vitriolo salis naturam præferentibus.

Quoniam Vitriolo proximum est Alumen, proximè idcirco quærendum videtur, an aluminosas hæc Thermas, vel saltem ullum ex iis fontibus pronunciandum esse censeamus. Notum siquidem est, quamplurimos veterum scriptorum, quòd horum fontium aquæ adstrictoria vi pollere viderentur, easdem aluminosas apertissimè nuncupavisse. Propterea his quoque temporibus non defunt, qui nonnullos ex his fontibus à prædominio aluminosos vocitent. At cuinam rationi hæc sententia innitatur, breviter videamus. Primò enim si aut prædominium, ut ajunt, Aluminis, aut alia quælibet ejus portio in his fontibus reperiretur, non ambigo, quin, uti ipsius effectus adeò conspicuos esse deprædicant, ita & vinosus, adstringens, atque stipticus simplex sapor, magis, vel minus intensus, adesset. Siquidem id præ cæteris Aluminis proprium esse, nemo inficiabitur. Verùm, sapore harum aquarum sæpissimè, diligentissimèque considerato, nondum mihi ulla ex parte innotuit, quidquam, præter falsedinem eminere. Sapor autem vinosus, & stipticus adeò abest, ut vel indè, etiamsi desumptæ ex aliis rebus conjecturæ præsto essent, validissimum argumentum superpeteret ad propositam super præsentia A-

Uti Vitriolum. ita & Alumen abest.

Ex sapore.

luminis sententiam rejiciendam.

*Ab effe-
ctibus.*

At quemadmodum sapor, ita multa alia hos fontes aluminosos ineptè à quibusdam appellari demonstrant. Hinc, injecto Gallarum pulvere, ne modicè quidem albescunt, aut sedimentum ullum album congeritur, ut, Cl. Petro Giurio teste, in Acidularum Arcano, in iis aquis evenit, in quibus Alumen prævalet; nec, Vini spiritu admixto, ulla lactescentia instar feri lactis, quam alias præfente plurimùm Alumine sequi volunt, exorta. Idem Bresilii ligni testimonio ulteriùs comprobatur. Si enim aquæ fontis tandiù incoquatur, dum colorem trahat; huic aquæ residuum decocti fontis immisceatur: cujus ob accessum Bresilio intensiorem colorem nullo modo induente, quin absit Alumen, minimè ambigendum unusquisque crediderit. Ulteriùs neque per additionem Coccinellæ, intensior ullus factus est color, quam cum cæteris acidis; neque ex Tornasolis tinctura ullæ Aluminis notæ apparuere.

*Ab sedi-
mentis,
& sale.*

Si verò sedimenta earundem aquarum variè pertractare animus ferat, nullus dubito, quin incassum laborent, qui in iis hoc salis genus invenire adnituntur. Atque iterùm si cùm salium his fontibus contentorum figuram, tum ipsorum effectus considerent; facillè iis innotescet, nec ullas prorsùs cryсталlos Aluminis ibi reperiri, nec quidquam more Aluminis, igne admoto, fundi; aut aliud quid-

quidpiam eorum indè haberi, quæ Alumen ubique præferre consuevit. Quod autem, ut alia multa nullius ferè momenti præteream, de adstringenti eorundem fontium facultate memorant, levissimum putarim. In eo enim, ut terrestris materie portionem si leam, & Salis ipsius Communis vires maxime elucescunt, quòd superfluitates consumat, exsiccet, & lenitè etiam adstringat, ut non modò ab doctissimorum Practicorum scriptis, sed quotidie ab experimento colligere est.

Minimè autem levior scriptorum contentio, ubi ad Nitrum ventum fuerit: plerisque pariter ex effectibus nonnullis harum aquarum, Nitrum subesse statuentibus. At, ut ea brevitatis causa prætermittam, quæ metallicarum aquarum investigatores afferunt, ad rejiciendam in omnibus fontibus, ex inferna tellure erumpentibus, Nitri præsentiam, namque ob non paucorum experimenta ingentem difficultatem patiuntur; singula his aquis infusa sunt, per quæ Nitri indicia haberi solent; demùm verò cùm Nitrum & per Antimonium variè præcipitetur, exigua quædam Antimonii portio in spiritu Salis soluta, atque harum Thermarum singulis aquis infusa est. Sed cùm Antimonium, ut in nitrosis aquis fieri volunt, nullo pacto præcipitaretur; hoc quoquè allatæ conjecturæ pondus addere, visum est.

*Nitri ex
namien.*

Adhuc pulvis ab decoctione residuus, in aqua pluviali solutus, post filtrationem in arena, ritè per evaporationem consumptus fuit. Quibus perfectis, nec sapor Nitri salis emerfit, nec Nitri ejusdem cryftalli in loco frigido unquam concrevere. Rursus si idem pulvis in charta siccetur, ac deindè incenso carboni imponatur, nequaquam radios emit- tet, aut scintillabit, ut Nitrum agere consue- vit. Quæ omnia ex ipso sale Thermarum, quovis alio ordine educto, consideratoque, per singulas vices clariora fiunt. Quippè si figuram spectes, nunquam, uti dictum, sex- angulæ Nitri cryftalli, productæ, tenues, atque æqualiter crassæ ulla ex parte, aut quantitate prodibunt. Si verò effectus inspi- cias, uti nulla experimenta per ignem, sa- lem nitrosum indicant; ita actiones omnes, quæ ab nitroso sale per quoslibet alios cona- tus eliciuntur, penitus absunt.

Quod autem spectat ad eos aquarum effe- ctus, quos admotæ corporibus præstant, non est cur in his rationibus, quæ hinc ab ali- quibus desumuntur, confutandis tempus te- ram; cùm quia omnium ferè levissima hu- jusmodi conjectura est, tum quoniam effectus ejus conditionis sunt, ut ad alia earundem aquarum contenta referri facilè queant.

*Ferrive-
na om-
nium a-
liarum*

Accensetur his Ferri, sive Martis explo- randi ratio omnibus una cum Plinio decer- nentibus, venam Ferri omnium largissimam esse,

esse, nec paucis (sumpta fortassè indè occasione) ^{largissima} aquas minerales omnes magis, minusve ferrea substantia imbui. Nihilominus, etsi inficiari nemo possit, ferream venam ceterarum omnium esse ditissimam, amplissimamque; id tamen necessariò sequi ex hoc minimè videtur, ut nempè hac de causa aquæ omnes medicatæ Ferrum continere debeant. Satis magnum hujus rei argumentum sunt Fontes singuli, de quibus agimus. Quipè sicuti ferè omnes scriptores nullum in his Ferrum inesse apertè statuerunt; ita nulla arte hoc metalli genus in eorundem Fontium examine reperire datum. Crediderim propterea ideò ab plerisque medicatarum aquarum descriptoribus sancitum fuisse, ferreæ substantiæ portionem iisdem semper, atque ubique commisceri, quòd humani corporis ductus, quibus crassum quiddam, terrestre, limosumque impactum fuerit, aquarum eorundem potu, instar Medicamentorum ex Marte paratorum, sæpissimè expediantur. Cujus effectus ratio, si simile quidpiam ex his aquis habetur, cum alio ex principio satis aptè peti possit; ideò, Ferri absentiam hoc in loco multis ostendentibus, satius videtur aliam sententiam sectari.

Itaque, quia per pulverem Gallarum, Fol. ^{Nulla} Tea, & similia, tinctura nulla nigricans, & ^{in his} obscura in his aquis succedit, quod Mars ^{Thermis} ^{ferrum.} ubique, & præsertim Martis Vitriolum præstat;

stat; excrementa alvina easdem aquas bibentium non denigrantur; odor ferrugineus, & sapor, atque hujus generis alia prorsus non deprehenduntur; sal, atque alia sedimenta aquarum vehementi igne in crucibulo calcinari curavi. Verum nullum inde ne subobscurum quidem, Ferri vestigium. Quippè nec in lapideam duritiem, & nigricantem quidquam concrevit, nec scoriarum quarundam, ab calcinatione hujus metalli prodire assolentium, species elici potuit, in quibus, an aliqua Ferri pars esset, eaque à Magnete traheretur, experirer. Haud secus res eveniet, si subjectas glebas per ipsum Magnetis experimentum quoque animadvertas. Quamvis tamen negare non ausim, Ferri fodinas quasdam haud procùl his fontibus olim, ut incolæ referunt, usui fuisse. Ex qua re sumi fortassè aliquod argumentum posset asserendi, usque ad horum fontium originem fodinas easdem pertingere, dummodò signum Martis aliquod appareret, per quod liceret laudabiliter arguere ejusdem mixtionem. Verum cum id penitus desit, veritati propior videtur conjectura, quam protulimus: Ferrum nempe nullum his Thermis commixtum esse.

Quid extra aquam notandum currat. Cæterum in iis, quæ extra aquam adnotanda veniunt, præ cæteris conditio loci contemplationem meretur. Et primò quidem in scaturiginum ostiis, canalibus, alveis, luti colo-

colore, aliisque quid novi ostendatur, videntum est. In quibus tamen nihil prorsus observatione dignum occurrit; si sales dumtaxat excipias, nonnullis in locis, ut in S. Petri balneo, quà per declive solum ad inferiora fons devolvitur, saxi adhærentes, iidemque variè arenulis intertexti, & cum his cœni colorem varium, prout per hos, vel illos meatus humor erumpit. At quemadmodum sales examini subjecti unius omninò sunt indolis, eosdem effectus emittunt, atque in omnibus cum sale ex aquis arte confecto conveniunt; ità & luti colorem, levi quacunque de causa ex vario genio telluris, atque ex diverso solutionum ordine, vel in uno, eodemque balneo sæpiùs mutatum, instituto jam proposito nequaquam officere constat ex eo, quòd, ut infrà dicetur, inter terrestres particulas vario ex fonte secretas, atque à salibus liberatas, nullum ferè discrimen intercedit.

Ex quibus colligere libet, haud patere ullum suspicandi locum, diversa inter se hæc omnia balnea esse, in quo nonnulli decepti sunt, potissimùm ob varium telluris colorem; ac propterea aquarum earundem contenta levi hac de causa inter se discrepantia statui minimè debere. Neque secùs res succedit, si, quæ circa hos fontes sunt, animadvertamus. Nihil enim, præter pingue solum, & Ferri fodinas olim, uti ajunt, conspicuas,
in-

invenies. Cujus, quemadmodum dicebamus, metalli indicia, cum prorsus absint, videtur non sine ratione statui posse, etiam si eadem his quoque temporibus vigeant, nihilominus per ferreas venas fontes hosce nullatenus decurrere.

*Evapo-
ratio.*

Porro aquæ in partes discretæ examini adhuc incumbentes lenta evaporatione primum utimur. In qua alia fursum avolant, aut in superficie humoris veluti concrescunt; parietibus vasis adhærent alia; nonnulla verò sensim, ac sensim decidentia, denique in imo congeruntur. Elato fursum in halitu, præter particulas aqueas vi ignis extenuatas; odor nequaquam gravior eo effertur, qui ex aqua recens è fonteeducta excipitur. Continuo concrescentes in superficie aquæ particulae varios simul colores referunt, quæ cum veluti in pelliculae morem aptentur, diligenter, qua fieri potest,eductæ prunis, & candenti ferro imponuntur. Hinc licet apertè flamma non prodeat, idque fortasse ob terreas, salinasque particulas admixtas; intelligimus tamen, materiam quondam pinguem, atque incendio aliquatenus aptam esse.

Quæ autem parietibus vasis adhærescunt, cum & saporem, & figuram salis omnino præferant, eodem, quo communes sales, ordine, uti dictum, expenduntur, nec tamen quidquam ab iis dissimile uspiam edunt.

*Sedimē-
tum.*

Postremo sedimentum si eximas, illud primo

mò in hoc advertere licet, quòd nempè cum acidis liquoribus ebulliat. Idque ex eo plurimum proficisci arbitror, quòd cum multæ ibi terrestres particulæ, salesque iterum multi inter effervescendum variè immutati adsint, iidem cum adversæ figuræ corpusculis de more certamen instituunt. Porro alia sedimenti portio ficcata, & soli exposita sales multos ostendit; quos ubi per solutionem, filtrationem, atque evaporationem data opera secernere placuerit, demùm terra quædam albescens remanebit, qua ubi denuò per repetitas solutiones omninò sales eduxeris, denique eò res deveniet, ut nullus ex ea sapor emittatur. Hujus si varium examen, & præfertim per ignem instituas, haud apparebit quidquam ferè in eadem, præter auctum candorem immutari.

*Terra
alba.*

Partem sedimenti alteram, partim in tigillo igni subactam, nec Cupri, nec Ferri Scorias protulisse scias, partim aqua rodenti corruptam, nullam in excrementis Æruginem, aut Ferruginem, aut aliud quidpiam protulisse, undè vel Ferrum, vel Æs, vel quid hujusmodi subesse statueres. Neque aut Plumbi, aut Stanni, aut, si ultrò pergere placet, Arsenici ullæ notæ apparuerunt. Uti enim ea, si adfuissent, ex aliis conatibus colliquato in sedimento regulum exhibuissent; ita sedimentum laminis ferreis cand. impositum, nec fætido, allii instar, odore nares perculit, & mul-

*Cupri,
& Fer-
rum.*

*Plum-
bū, Stā-
num
Arseni-
cum.*

*Aurum, & Ar-
genum.* & multò minùs dealbari indè laminas fer-
reas, quod Arsenico peculiare, deprehen-
sum est. Aurum verò, atque Argentum
quod attinet, quia, ut, quod à fale in his
aquis soluto sumi posset, præteream, sedi-
mentum dissolutum, & præcipitatum cum la-
mina cuprea id non exhibuit; & rursùs sedi-
mentum per corrosionem dissolutum punctis
nigricantibus præcipitatum non est: ideò
abesse utrumque haud temerè pronunciari
posse crediderim.

*Insola-
tio, deco-
ctio, &c.* Majus quidquam non insolatione, aut de-
coctione, non putrefactione, aut destillatio-
ne, non denique ipso cœni examine percep-
tum est. Quamobrem obvia eventuum simi-
litudine, & satietate fatigare legentis ani-
mum, operæ pretium non duxi. Itaque sa-
tis erit per compendia memorasse, singula
*Herber-
marum Sul-
phuro -
salinarum
natur.* experimenta id unum portendere, ut in hi-
sce, de quibus agimus, Thermis quinque a-
nimadvertenda sint, Aquea nempe substan-
tia, Spiritus, Sulphur, Salis cujuscpiam eni-
xi genus, & Terræ portio quædam; ac pro-
indè, sumpto à præcipuis contentis argumen-
to, non ineptè aquas easdem Sulphuro - Sa-
linas appellari posse.

*Effectus
eandem
in variis
coctioni-
bus.* Cæterum non omissa experimenta, quæ
per coctionem fabarum, cicerum, aliorum-
que in hujusmodi aquis instituuntur. Verum
nonnisi intuitò colligi ab his solent vires a-
quarum, cum persæpè vitium non in aquis
sit,

fit, sed in leguminibus, quæ, secundum locorum varietatem, nunc coctû facilia sunt, nunc ne longa quidem, ac vehementi coctione emolliri valent. Hinc L. 7. Quæ. conv., Qu. 2. Plutarchus, fulcorum duorum conjunctorum, inquit, alterum rigidam messem fundere, alterum minimè. Nihilominus tamen, uti ab eorundem locorum incolis quoque, qui id multoties experti sunt, traditur, in memoratarum rerum coctionibus effectus contentorum allatorum naturæ plerumque similes haberi solent.

Quod reliquum, licet optimè noverim, *Quid de aliorum opinio- nibus censendum.* passim ab harum Thermarum descriptoribus tot contentorum non modò ordines, & gradus, sed & genera, quot balnea recenferi, hinc Bitumen, Succinum, Asphaltum, Cretam, Cinerem, Calcarium Lapidem, Calcem, Pumicem, Gypsum, Marmor, Vitriolum, Alumen, Nitrum, Cadmiam Fossilem, Glebosam, Ochram, Ferruginem, atque alia propemodum innumera prolata fuisse; nihilominus, cur diverso instituto inhærendum mihi censerem, permagni momenti ratio suafit. Siquidem non video, quamobrem diversas septem horum Fontium descriptiones in eam, cum, uti jam memoratum fuit, post varios conatus eundem contentorum numerum ubi deprehenderim. Neque hujusmodi consilium argumento soli, aut scaturiendi ordine, non calentis ubique humoris spectaculo

lo incitantibus, in animum irrepsit. Quippe unumquodque ex iis, quæ in hoc capite allata sunt, repetito multoties singulis in fontibus experimento, ordine eodem semper innotuit.

*Objectionum
num solutio.*

Scio tamen, quid plurimi objiciant, & quantum mihi discriminis cum iis restet, qui ab asserto, atque defenso tot annis, & tot ingeniis instituto vix ulla ratione dimoveri poterunt. Non caliditatis modò, foetoris, & luciditatis gradus, sed prætereà scaturiginum loca, lutum, alveos, & quod plurimi faciunt, virium, effectuumque aliquam varietatem in causa esse, ut diversa quoquè memoratarum aquarum indoles statuatur. Veruntamen quemadmodum externas, & nullius momenti causas nequaquam adhibitis à tot gravissimis Autoribus experimentis demere fidem posse, nemo compos mentis inficiabitur; ita multiplices effectus ex eo contingere, mecum optimus quisque sentiet, quòd, partim ob diversitatem locorum in minera, partim ob inæqualitatem distantiae scaturiginis ab loco solutionis, non eodem gradu, mensuraque sulphure potissimum, sale, terrestrique materia singuli fontes imbuuntur.

*In quo hi
Fontes
differant.*

*Solutio-
num di-
versitas.*

Addendum & illud, summè enim conducit ad varietatem effectuum intelligendam, res nimirum, quibus hi fontes turgent, præter inæqualem eorundem in quolibet fon-

fonte mensuram, variè præparatas esse, varièque invicem intrà tellurem comminutas. Uti enim per dissimiles effervescentiæ gradus, dissimilis salium textura emergere valet; ita & variè sulphurea minera solvitur, varièque præterlabentibus aquis immiscetur; atque indè nemini incomperum esse queit, multùm hac quoque de causa effectus horum fontium inter se discrepare posse.

Idque prætereà institutis experimentis omni ex parte respondet. Namque, licèt eadem ubique contenta ex variis affusorum liquorum eventibus, ex sedimentis, atque aliis subesse intellexerim; non tamen eadem quisque celeritate, non mensura humor ea prodidit, quibus inficiebatur. Hinc, affusa Lunæ tinctura, hic segniter, illic extemplò calx ejusdem ad ima ferebatur. Oleo Tartari per deliquium ingens modò, modò exigua lactescentia habita; neque secus varia Terræ albæ quantitas inventa. Quippe quemadmodum ex duabus Beatæ Virginis aquæ libris vix pauca terrestres hujus materie grana deprompta sunt; ita in aliis unum, aut alterum ferè granum in singulis unciis obvium fuit. Eadem de causa in reliquis singulæ præcipitationes non moræ tantùm, verùm etiam magnitudinis ratione inter se satis conspicuè discreparunt.

Quapropter, ut compendio cuncta comple- *Quis fō-*
 H ctar,

*tium ip-
sorum
ordo sit.*

Etar, quo ad contentorum numerum, similes undequaque fontes hosce habendos censeo: quo verò ad contentorum mensuram eo ordine collocandos puto, ut quinque priores per gradus iisdem haud modicè turgeant, dissimili tamen inter se sulphuris, salisque proportionem, quod magis patefiet, ubi de ipsorum viribus agetur; præ cæteris autem S. Petri balneum, & S. Bartholomæi magis hoc sulphure, illud salibus imbuantur.

*Fons B.
Virginis.*

Cæterum elegantissimam rerum earundem miscellam, inter montis radices longo opere elaboratam, Fonti, qui B. Virginis dicitur, inesse, tutissimus pronuntiabo. Uti enim hujus aqua clarior cæteris est, vix tepida, modicamque admodum falsedinem exprimens; ita minùs est reliquis gravis, tenuissimumque dumtaxat halitum sulphuris videtur continere. Quæ omnia cum ab externis ipsius aquæ notis, tum ab ejusdem ritè instituta analysi patere facile cuique poterunt.



De Fontium Eorundem Viribus, & quibus Morbis convenient.

CAPUT VII.

Dìu, multùmque minerales aquas omnes, & præsertim eas, quæ calidæ erumpunt, suspectas olim hominibus fuisse, ferunt ferè veteres rerum scriptores. Neque enim justissimæ suspicionis causæ deerant. Siquidem cùm multis in locis prodire fontes incolæ cernerent, qui non facie, non odore quidquam præferrent sitienti nociturum; demùm, inito experimento, eam subdolè sævientis humoris indolem esse intelligebant, quæ, instar magnorum venenorum, deprehendi non nisi morte posset. Quòd præterea & ferarum, & pecudum genus omne, natura monstrante, hos devitaret; quamplurimisque in locis ne arbuta quidem, quacunque pergeret rivus, eidem innascerentur; maxima labis argumenta erant. Quamobrem interdictus, horum culpa, etiam saluberrimorum fontium usus: tandiùque venenis simillimos esse promiscuè homines crediderunt, dùm,

*Cur diu
Thermæ
suspectæ
fuerint.*

extremo morbi cruciatu , ac remedii simul inopia impellentibus , inopinatum subsidium in non paucis desperatio inveniret .

Quomodo in usu transierint .

Spes indè permultis , quos ærumnæ eadem angebant , exitum eundem experiundi . Quo , post adhibitum aquarum delectum , non semel confirmato , eò demùm perventum est , ut nulla non regio fontium suorum indolem tentaret ; & , juvaminis dulcedine incitante , iis læto , magnoque animo uteretur , quæ eorū usquè nequidquam peste leviùs pertimuerat . Hinc quoque factum , ut hujus medicaminis momentum , nulli ex iis , quæ diuturno opere ars invenerat , secundum haberetur : id præsertim suspicientibus hominibus , quod Aponum , & jucundè sublato iisdem in aquis ægrotantium languores describens Claudianus , magnis laudibus efferebat :

Non venas resecant ; nec vulnere vulnera sanant ;

Pocula nec tristi gramine mixta bibunt .

Amissum lymphis reparant impunè vigorem :

Pacaturque , agro luxuriante , dolor .

Indè simul mos hujusmodi aquarum beneficia , atque , ut inquiunt , miracula Diis referendi apud Ethnicos . Hi enim præclarissimis earundem eventibus incitati Clusinas Æsculapio , Borbonicas Junoni , Apollini , Jovique Granas , Calderianas Junoni , atque alias aliis dicatas esse voluere . Nec demum defuerunt , qui easdem Sacra Dei dona ,

na, Sanctuaria, Auxiliatricesque Deorum manus nuncuparent.

At quantò certius in medicum usum thermales aquas tutò verti posse, deprehensum est; tantò accuratiùs perquirenda venit aquarum earundem indoles, atque indè expendendum, quibus præcipuè morbis singuli fontes medeantur. Hanc provinciam, in harum Thermarum historia describenda, ut obirent veterum medicorum quamplurimi, ad caliditatis, frigiditatisque gradus statuendos pronis adeò animis conversi sunt, ut, hoc juxta cujusque conjecturas constituto, omne fermè punctum tulisse sibi viderentur. Verùm quia mihi, juxta Medicinæ Principis placitum, qualitates eadem plerumque inertes, si cum cæteris conferantur, visæ sunt; ideò laudabiliore argumento investigandum esse intellexi, quibus viribus Patavini Fontes polleant, atque, inanibus quæstionibus missis, partes eorundem singulas brevibus prosequi decrevi, ut certius indè judicium de ipforum virtute ferri valeat. Itaque, quia quinque corpora his in Thermis considerata esse, superiore capite ostendi, Aqueam scilicet substantiam, Spiritum, Sulphur, Salem, & Terram albam; ideò, horum indole sigillatim detecta, facilè in eam spem adducor, ut credam quoquè omnium ingenium satis aptè cognosci posse.

Necessitas explorandi earum vires.

Quæ in hac re Veterum studia.

Agendorum ordo.

Et primò quidem quod aqueam substantiam

Aquea substantia

*tia pri-
mò ani-
madver-
tenda.*

tiam spectat, nulli incompertum est, com-
mune veluti vehiculum omnium aliorum cor-
porum, five elementorum esse. Juvat opus
ipsius aquæ figura: undè liquida, & fluida
nuncupatur, mediumque locum naçta est in-
ter ea, quæ solida dicuntur, & spirabilia.
Constans proptereà plurimorum sententia,
aquæ particulas oblongas esse, teretes, le-
ves, flexibiles, atque alias aliis anguillarum
more incumbentes; qua de causa cùm facilè
fluunt, tùm ab subtilissimo aere aptiùs in
motum aguntur. Hinc corporum poros ocyùs
pervadunt; actiuosa corpuscula quiescentia
extricant, quò uberiùs aliqua in mitione in-
veniuntur, eò citiùs mitionis ipsius vincula
exolvunt, corrumpuntque; facilè, subdito
igne, fursùm evaporant; pennisque avium,
quòd læves admodùm sint, vix adhæ-
rescunt. Hæc, aliaque innumera, qui
hujusmodi figuram particulis aqueis esse
inficiantur, non adeò facilè explica-
bunt.

*Nullus
in aqua
sapor.*

Porro nullus in aqua sapor, utpote qui
mitionis soboles est. Et licèt in simplicissi-
ma, purissimaque aqua id experiri haud
datum sit, quòd tenuissimis aliis corpuscu-
lis semper aliquatenùs inficitur; satis nihi-
lominus constat, his etsi minimis quemli-
bet gustum deberi; aquam verò per se
omnis omninò saporis expertem statuendam
esse.

Hu-

Humida ulterius aqua dicitur, cùm ma-
defaciat, quidquid appositum; alienis corpo-
rum figuris sese aptet; suisque terminis non
contineatur. Quæ omnia ex ratione figu-
ræ fatis concinnè peti solent. Non pauco-
rum deindè consensu placitum humiditati
addere frigiditatem. Sed, cur id aquæ ex
naturæ præscripto inesse asseram, herclè
non video. Ut enim ea præteream, quæ
ex facili ebullitione, ex congelandi mo-
do, aliisque ad hujusmodi sententiam op-
pugnandam desumuntur, ea potissimùm ra-
tione ad id statuendum plurimos ductos es-
se, scio; quòd simplicem aquam contra-
riam igni maximè esse animadverterint.
Sumptum indè argumentum pronunciandi,
quemadmodum ficcitati ignis opponi aquæ
humiditatem, ita & illius caliditati, humo-
ris frigiditatem obversari.

*Humida
merito
dicitur.*

*Non ita
frigida.*

Quo in loco, ne frustrà immorer circa sic-
citatem, humiditatemque, advertere libet,
non aptè inferri, ea de causa debere aquam
esse summè frigidam, quòd opposita sit i-
gni, qui calidus est summè, eundemque o-
cyus extinguat. Siquidem non indè peten-
da extinctionis ratio, quòd frigida sit, sed
maximè quòd humida. Proptereà enim ac-
censi corporis poros subeundo, eosdem ob-
turat, estque in causa, ut corpuscula ignis,
aut discurrere intra corpus, aut inde cater-
vatim exilire amplius non possint. Quæ si i-

*Cur ignē
extin-
guat.*

ta se non haberent; vix explicandi ratio sup-
 peteret, cur aqua bulliens licet, &, quod
 magis est, oleum igni superinfusum, ignem
 nihilominus extinguant. Multòque magis di-
 cti veritas ex eo elucescit, quòd quoties-
 cunque ignis corpuscula, ea, ob materiæ vi-
 sciditatem, cohærentia, ac pernicitate egre-
 diuntur, ut aquam repellant; tunc, frustra-
 to conatu poros subeundi, extinctionem i-
 gnis moliri amplius aqua non potest. Hinc
 doctissimus Helmontius, in Ignoto Hospite
 „ morbo, nu. 77. 12. nescivisse scholas, ait,
 „ ignem non extinguere per aquam, quia fri-
 „ gida, aut contraria sit; sed ob solam suf-
 „ focationem. Deindè causam aliam subdens,
 „ cur aliqua ægrè ab aqua extinguantur, id
 „ evenire asserit, ob pororum exiguitatem,
 „ uti evenit in auro, & vitro; quæ cùm o-
 „ cyus pervadere humoris particulæ non pos-
 „ sint, segniter extinguuntur, atque aliquan-
 „ diù sub aqua splendent.

*Quid er-
 go ex a-
 qua ha-
 beat.* Liqueat ex his, ne nimius sim, id in aqua
 potissimum considerandum, quòd sit aptissi-
 mum rerum aliarum vehiculum, atque indè
 quælibet ritè præparata, & comminuta ejus-
 dem ope per corporum poros facilè trajician-
 tur. Aptior huic muneri ea censenda, quæ
 magis naturæ suæ, idest, puritati accedit;
 contagioque aliorum corporum non inficitur.
 Nisi, ut in aquarum medicatarum ordine e-
 venit, ea de industria eligatur, quæ partes
 quas-

quasdam heterogeneous contineat, quibusque præ ægritudine imbuere corpus, atque alterari, necessum sit. Cæterum, præcipuus aquæ effectus, humectatio: cujus origo ex ipsius figura. Refrigeratio verò, quia nequidquam æquius, quam calefactio eidem convenit, ex accidenti tantum habetur: quatenus scilicet particulas calorigenas hinc inde diluendo, dissociando, & comprimendo, est in causa, ut motus earundem aliquando defervescat.

Porrò, si harum Thermarum spirituosam materiem animadvertamus, ubi subterranei *Spiritus* universalis spiritus ratio non displiceat, *examē.* manifestum est, eam hujusce tenuissimi corporis esse naturam, ut facile sese altum in quaslibet partes insinuet, objectos succos incidat, penetret, resolvat, atque præ cæteris urinæ vias aperiendo, diversim promoveat. Hinc quemadmodum, hæc præstando, haud paucis ægritudinibus medetur; ita non modò hausti humoris adjuvat excretionem, verum est sæpè in causa, ut uno ferè, eodemque tempore aliqua comminutæ substantiæ portio insensibiliter eliminetur. Id præ cæteris norunt, qui, ut itinerum labores devitent, procul ab scaturigine Thermopotationem instituunt. Ut cunque enim aqua ab eisdem excernatur, satis constat, ea celeritate, utilitateque id non evenire, qua in se fieri ii experiuntur, qui in ipso eruptionis loco, eandem assument. Si autem quid subtilissima reliquorum

con-

contentorum corpuscula, ad quendam volatilitatis statum evecta, præstare in his aquis valeant inquiramus; nullus est ambigendi locus, quin vires rerum, undè discesserunt, in omnibus exprimant; immò ob summam sui mobilitatem, plurimùm iisdem præstent cum efficacia, tum celeritate.

Sulphur. Has autem ordine ut recenseam, Sulphur in primis sese offert, cui virtutem ferè omnem, facultatemque morborum affectibus medendi debere Thermas, non sine auctore dixisse paulò superiùs crediderim. Definitur communiter Resina, sive pinguedo terræ calchantosa aciditate prædita; de cujus caloris, & siccitatis gradu utcunque inter se decertent scriptores, illud experimento deprehendi facillè potest duas esse potissimum sulphuris partes, quarum alia pinguis, bituminosa, atque inflammabilis, ut memoratum aliàs, sit; alia verò acida, & quæ ocyùs in liquorem coaguletur. Idque non magis solutione ipsius, quàm compositione apertum fit. Quemadmodum enim, instituta per ignem analysi, hæ duæ partes semper emergunt: ita, si synthesis ejusdem moliri placeat, adhibitis, puta Oleo Terebinthinæ destillato, & Spiritu Vitrioli, brevi ex destillatione per retortam perfectum sulphur apparebit.

Effectus Sulphuris. Quo in loco, ne modum orationis exceedam, ea afferendo, quæ pertinent ad inflammabilitatem, aliosque effectus Sulphuris,

ris, hi enim recenferi magis, quàm intimè explicari posse videntur; sufficiet memorasse, aperiendi, incidendi, concoquendi, emolliendi, celeriter excutiendi, atque exsiccandi præcipuam inesse sulphuri facultatem. Hinc passim apud Medentes in usu maximè est. Neque felicitas insignis medicamentis ferè omnibus è Sulphure, ut decet, paratis deesse solet. Siquidem inprimis Pectori adeò prodest, ut balsamum Pulmorum meritò censeatur. Inde Tussi, Asthmate, ac Phthisi potissimum vexatis ingens levamen. Prætereà verò & Nervis prodest, & Hydropem, ut ajunt, frigidum exsiccat, & pituitosos, crassosque flatus dissolvit, & mulieres fœcundat, & Venenatorum animalium morsibus resistit; demùm duris Lichenibus, Pruritui, Lepræ, Solidis Tumoribus, atque aliis hujus generis ferè innumeris summa pernecitate medetur. Extant idcirco Alchandini Siculi carmina, super iis balneis, quibus Sulphur inest.

Mollificat nervos lavacrum à Sulphure factum;

Cessat in hoc scabies; infectaque membra novantur.

Fœcundat steriles: capitis, stomachique dolorem

Destruit, & lacrymas in lumine stringit aquosas.

Ad vomitum prodest, oculos benè reddit acutos:

Pblegmata dissolvit, febrim cum frigore tollit.

*Sal
Therma-
rum.*

*Unde
sales
pungant.*

*Cur car-
nes sale
condian-
tur.*

Sal, quem Thermis istis inesse, atque ad salis communis naturam maximè accedere diximus, cujus indolis sit, qualque habeat vires, apertissimum duco. Definiuntur hujusmodi sales, sive describuntur, innuendo, „esse Mineralia quædam Corpora, aqua fa- „cile solubilia, ac denuò in crySTALLINAM, „prioremque formam coagulabilia. Sapor iis pungens est, ac penetrans: cujus effectus ratio à figura petitur. Cùm enim Salina corpuscula, uti varia detegunt experimenta, ab aere tenuissimo, & cuncta permeante inflecti, ob quandam ipsorum rigiditatem, minimè queant; necesse est, ut in cuspides erecta linguæ poros ingrediantur, atque altum penetrando, ipsam pungant. Inde ferè evenit, carnes, aliaque satis aptè sale condiri, diùque incorrupta servari. Quippè particulæ salinæ poros carniū punctim, uti dictum, ingressæ, paxillorum instar, singulis eorum partibus defixorum, easdem detinent; impediuntque, ne ab lubricis, & plicatilibus immixtis concutiantur, loco moveantur, atque indè subiectum de more diffluat, & corrumpatur. Hinc quoque & humiditatem tollere sales consueverunt; quòd iidem immoti persistent, aquæ verò particulæ motui tenuissimi aeris facile obsequantur. Idque salitarum carniū; quod attul-

tullimus, exemplo rursus patefcit; quas in dies magis indurari, nemo est, qui non experiatur.

Pronum præsertim ex effectibus colligere, *Salis effectus interni, & externi.* eam hujusmodi falis esse naturam, ut ple-
rumque exsiccat, abstergat, dissolvat, pur-
get, Superfluitates consumat, leniter ad-
stringat. penetret, digerat, incidat, ac pu-
tredini, venenisque obversetur. Maximè
propterea apud Medicos cum internus tum
externus falis usus est. Quemadmodum enim
Appetitui prostrato, Colicis coloribus, Al-
vi, Urinæque obstructionibus, Calculo Re-
num, cruditatibus Ventriculi, Venenatis,
Hydropicis, Ictericis, aliisque subvenit; ita
nequidquam sæpius in Ulceribus putridis
mundificandis, simplicibus Tumoribus excu-
tiendis, Sanguine extravasato resolvendo,
discutiendoque, exsiccanda Scabie, Pruritu
sedando, Venenatorum animalium ictibus
succurrendo, atque hujus generis alia præ-
stando, vires suas exerit.

Nec silentio prætereundum videtur, quod *Terra Thermalium quid præstet?*
Præticorum hujus ævi eruditissimus Syuvius
de Le boe, Praxeos Medicæ Libro Secundo,
Cap. XXIII. num. CCXLVI. de Sale Ther-
marum habet. Ait enim, subtilem Salem
„ Thermalium aquarum, quem lixiviosum
„ vocat, & quodammodo volabilitatum, ejus
„ esse virtutis ad spiritum acidum summè no-
„ xium coagulandum, ut non modò cæteris
„ in

„ in rem eandem adhibitis præstet medica-
 „ mentis , verùm etiam fortè unicum præsi-
 „ dium sit , ubi simile quidpiam agendum sibi
 „ medentes suscipiunt .

*Terra
 Therma-
 rû quid
 præstet .*

Terra insipida , & candida Thermarum succedit ; quæ proventu vario descriptis in aquis reperitur . Cùm autem , præter inutiles quasdam particulas , arenulasque , quas aliquandò duci ab aliquibus horum fontium dictum est , mineralibus (uti multiplici conjectura assequi datum) venis impuris , atque imperfectis scateat ; à vero non abhorret , nonnihil operæ , laudisque in ægritudinibus tollendis huic quoque deberi . Præcipua tamen ejus vis in adstringendo , atque aciditate nimia temperanda : prætereàque & laxatum tonum partium restituere , & visceribus , modicè eadem subadstringendo , robur addere , atque unà nocentium humorum conatum infringere valet . Hinc ea non absimilem fortassè operam polliceri quis sibi posset , ob quam bolus , creta , corallia , cancrorum oculi , mater perlarum , cornu cervi , & similia in usum ducuntur . Siquidem quemadmodum hæc , effrænes particulas hauriendo , pravorum fermentorum indolem infringunt , laxatisque partibus subindè medentur , haud secùs terræ hujusce particulæ corpus ingressæ ; quâ opus , atque occasio fert , non modò restituere tonum viscerum , sed & acidissimos succos , undè crebrò sanguinis corpuscula coagu-

gulari contingit, ebibere posse, haud procul omni ratione dixerim. Eodem ferè argumento adducimur ad credendum, exiguam hanc terræ portionem haud modicè tunc quoque prodesse, cùm horum Fontium aquæ externis Ægritudinibus adhibentur.

At nihilominus suspectum hac de causa *Thermæ aliquibus ob id suspectæ* internum Thermalium omnium aquarum usum summoperè esse, non pauci reperiuntur, qui hisce quoque temporibus asserant. Siquidem cùm Thermæ, ut inquirunt, aquæ fabulum, terrestresque alias materias corrosas ferre secum consueverint; fieri minus non posse volunt, quin uti in alveis, ex assiduo Thermarum appulsu, eadem in tophaceam materiem demùm coguntur, ita & ubi corpus ingressa fuerint, sensim congerantur, obcæcatisque meatibus, tandem in interiore aditu viscerum penitus obrigescant. Sumpta indè occasione, docent acidulas peraptè interno usui inservire; Thermas autem externè dumtaxat adhibendas censent.

Verumtamen aut terræ genus, quod ex iis *Objectionis solutio.* Fontibus elicatur, qui potui inserviunt, aliud est ab eo, quod culpabile faciunt; aut ea quantitate in iisdem inest, ut nihil indè aduersi reformidandum sit; aut demùm rerum aliarum miscella, quin isthæc mala ex huiusmodi aquarum potu proveniant, plurimùm obsistit. Quibus tamen utcunque habenda sit fides, satis fuerit id unum Thermarum
con-

contemptoribus obieciſſe, quod nempe adeo abſit, ut huiusmodi aquarum contenta parietibus vaſorum adhæreſcant, atque indè abſtructiones pariant, ut potiùs nunquam utilius in uſum dicantur, quam cùm adſunt quædam confirmatarum obſtructionum reliquæ, quæ vix aliis medicamentis tolli antea potuerint. Præterquamquod facilè captu haudquaquam eſt, quomodò propter exiguam admodum terreſtris materiæ portionem in uſum duci Thermæ aquæ, & præſertim eæ, quæ ex Fonte B. Virginis hauriuntur, non debeant, cùm quotidie à medentibus crocus martis, ejuſdem vitriolum, cremor tartari, tartarum vitriolatum, atque alia huius ordinis non ſine ſucceſſu adhibeantur: quorum textura quantum ab horum Fontium contentis differat, res ipſa declarat.

*Thermæ
vires;*

Rerum, quas attigimus, naturam contemplanti obvium eſt intelligere, quibus plurimum viribus hæ Thermæ præditæ ſint; non enim aliundè diverſorum, quos edunt, effectuum originem traxere. Quo tamen in loco minimè prætermittendum eſt, quod ſumma cum ratione dixiſſe videtur diligentiffimus Aquisgranenſium deſcriptor, Capite XI.

*Ex contentorum
complexu
XII.*

„ nempe, etſi facultates aquarum naturæ
„ contentorum reſpondeant, tamen novam
„ quandam eſſentiam quaſi ſuperadditam
„ ipſa mixtione, aut compoſitione diſſimi-
„ lium mineralium acquirere, qualemque

„ ſin.

„ singula contenta seorsim sumpta non ha-
 „ beant. Hinc aquas sæpenumerò fortiri fa-
 „ cultates, & virtutes specialissimas natura-
 „ les, omnibus elementorum, & ingredien-
 „ tium viribus, omnibus sensuum conjectu-
 „ ris superiores, quæ nonnisi in mirificis
 „ effectibus sese prodant.

Patere indè etiam potest, cur tam varius *Undè va-*
 veterum Medicorum super his aquis sermo *rietas ef-*
 fuerit. Hi enim variarum actionum imagine *fectum.*
 permoti, eò demùm provecti sunt, ut crede-
 rent, non virtute tantùm, verùm etiam con-
 tentis dissimiles inter se fontes hosce singu-
 los statuendos esse. Verumtamen quia mihi,
 uti memoratum sæpè fuit, non contentorum
 numero, sed unius proportionis titulo inter
 se differre eosdem multis de causis innotuit;
 ideò cum Aristotele, Physicorum VII. Ca-
 pite IV. dicendum crediderim, magis, & mi-
 nus non mutare speciem, sed excellentiæ di-
 scrimen dumtaxat relinquere. Quo verò ad
 effectuum varietatem, eò rem omnem redire
 arbitror, ut hæc cùm ad varietatem mixtio-
 nis referenda sit, tùm ad dissimiles corporum
 habitus, atque affectiones; omnia enim, ut
 cùm Chymicorum ingeniosissimo, in Arbore
 „ Vitæ, loquar, in natura recipiuntur per
 „ modum recipientis, personæ, loci, ac cir-
 „ cumstantiarum.

Proptereà ut, his missis, rei propiùs acce- *Aqua,*
 dam, duo potissimùm his in Thermis animad- *& Lu-*
tum.

vertenda veniunt, Aqua scilicet, & Lutum: utraque enim in medicum usum aptissimè transferunt. Rursus duplex Aquarum usus est. Siquidem quemadmodum innumeris propemodum ægreditudinibus corporis exteriùs admotæ succurrunt; ita interiùs assumptæ mirum in modum Chronicis præsertim morbis obversantur.

*Interno
usui Fœ-
tes B Vir.
& Apo-
ni inser-
viunt.*

*Cur reli-
qui inte-
riùs non
adhibeā-
tur.*

Beatæ Virginis, Aponique Fontes interno potissimum usui dicatos esse voluerunt. Reliquos non nimia, uti placitum aliquibus, sive Nitri, sive Aluminis, non Asphalti, Ærisve quantitas suspectos facit; sed ex inæquali Sulphuris, Saliumque miscella contingit, ut eadem cum eventus felicitate iis quoque uti non liceat. Notum siquidem est, in eo verti medicatarum aquarum momentum, ut, quæ eas ingrediuntur, fossilia, ea quantitate subsint, atque simul ea sint ratione comminuta, ac præparata, qua, nullam corpori vim inferendo, valeant summa cum partium tolerantia facilè meatus quoslibet trajicere, atque interea optatos singulis in locis effectus leniter moliri. Non mirum propterea cæteros Fontes, utpote, ob memoratam in superiori capite solutionum, mixtionumque varietatem, æquabili hac contentorum proportionem destitutos, satis tutò non posse ægreditudinibus internis aptari. Multòque minùs improbandum naturæ consilium, quòd non eundem ubique miscellæ ordinem servarit; ex-
ter-

ternis corporum morbis haud rarò poscentibus, ut ea quoque suppeterent remedia, quæ ignobiles partes, nec nisi acrioris medicamento vim persensuras, haud frustrà tentarent.

Idcirco ut Fontis B. Virginis, ob tenuissimi spiritus, modicique admodum cum Sulphuris, tñm Salis mitissimas vires, nullus ferè usus externus est; ita internis vasorum, & viscerum vitiis tollendis omnimodè aptatur. Hinc cum optimis quibusque medicatis aquis, quæ usquam terrarum erumpunt, conferendum esse, ejusdem descriptores non omni procùl ratione tradidere. Siquidem cum illorum medicaminum præstantissimus usus censeatur, quæ naturæ conatus eleganter æmulantur; deberi hanc laudem Fonti B. Virginis præsertim, nemo eorum inficiabitur, qui probè laticis ipsius indolem, lenem operandi modum, & quod magis est, mirandos, saluberrimosque effectus animadverterit.

Sed ut, præcipuum hujusmodi aquarum munus explicando, ferè omnia complectar, quæ disceptandi ansam scriptoribus sæpissimè tribuerunt; sumpto ex chronicis, & rebellibus, quos aptè curant, morbis argumento, dicendum putaverim, summam actionum earundem esse purgationem viscerum, & lotionem quandam internam; qua ductuum vitia, & simul depravatorum succorum indolem corrigendo, æquabilem singulis in lo-

*Fontis B.
Virginis
usus in-
ternus.*

*Summa
actionū
hujus
Fontis.*

cis circuitum, depurationemque humorum adeò promovent, ut indè altè infixæ multarum ægritudinum semina demùm eruantur. Neque aut modicum indè corporibus ægrè affectis levamentum, aut scribenti arduum ostendere, quibus ferè de causis, quaque ratione id eveniat. Proptereà, ut promptior his fides, libebit exemplum aliquod subnectere; ex quo, quæ potissimùm emolumenta ex harum aquarum potu sanguineæ massæ superveniant, intelligi aliqua ex parte possit.

*Quid
optima
crassis
sanguinis
præ-
stet.*

Quemadmodum ergo ex optima sanguinis diathesi, ex quo succi omnes, seu primariò, ut dicunt, seu secundariò, ad varios corporis usus educuntur, arcanus operationum cùm vitalium, tùm animalium vigor, & longæ vitæ fiducia; ita ex depravata humoris ejusdem indole, squalidus universi corporis languor, & pronum exitium. Factum indè, ut natura incolumitati massæ sanguineæ mirum in modum incumberet; hinc dispositis veluti terminis, intra quos aptè constituta in situ suo firmaret; novis illic extructis munimentis, quibus eadem ab impendentibus injuriis tutaretur. Aucta id agendi necessitas sanguinis ipsius discrimine multiplici. Quippe si-
cuti, ut impendia ejus reparentur, novum in dies excipiat succum, eundemque ritè paratum, ne sordibus inficiatur, necesse est; ita & particulas multas justo crassiores, atque effetas post plures circuitus redditas, eademque oneri,

*Quibus
periculis
obnoxia
sit.*

oneri , atque impedimento futuras , nisi consueta mensura posuerit , contingit facilè , ut paulatim degener factus , à priore puritate summo cum animalis detrimento deflectat . Magna propterea cujuslibet generis organorum multitudine hisce periculis undique provisum esse placuit . Intra quorum multiformes aditus acerrimo quodam transeuntium succorum examine instituto , ea demùm aut trāsmittuntur , aut aliò pellenda detinentur , quæ sui præsentia , absentiave sanguini in naturali statu , motuque servando plurimùm conferunt .

Quidquid id est , secretionis , & separationis , vel , si magis arridet , colaturæ nomine à medicis nuncupatur . Cujus tamen non una est species ; neque enim uniusmodi ea sunt , quæ secerni assiduè necessum est . Cùm enim sanguis sit liquor heterogeneus , id est ex corpusculis varia figura , & magnitudine præditis compositus , quotiescunque per vasa viscerum colatoria transmittitur , quælibet pars ipsius ductum & magnitudine , & figura sibi respondentem adeat , oportet ; ac propterea , quod antequam se in illorum intimam substantiam inferret , unum visum fuerat , mutatis in egressu ordine , situ , positura , & configuratione , multiplex , prætereaque colore , sapore , & virtute varium obversatur . Hinc omnium harum secretionum momentum , in quarum numero etiam hæc recensentur , quæ spectant ad nutritionem , in eo fermè vertitur ,

*Secretio,
sive colatura.*

*Colatura
varia
species.*

ut diversis in locis tenuis humoris pars retineatur, crassa rejecta; in aliis contingat crassam subsistere, tenui propulsa; ac demum mirando naturæ artificio comparatum in aliis fit ut haud pauca corpuscula, æqualis licet crassitie, ita invicem distrahantur, ut, altero excedente, alterum retineatur. Hæc præstant in primis viscera omnia, deindè reliquus latè diffusus glandularum, fibrarumque fistulosarum apparatus; quorum ope omnia cum utilia corpori, tum gravia, ferè ex unius structuræ mechanica, uti præ cæteris omni commendatione dignissimi Marc. Malpighii labore, & vigiliis detectum est, nunquam intermissis motibus, aut remanent, aut extruduntur.

Muneris excellentiam, necessitatemque arguit ingeniosissima ipsa, & nondum fortassè satis intellecta structura organorum; quæ expeditos, nec tamen ultra mensuram suam laxos meatus quousque servant, secretiones omnes secundum vetus naturæ institutum facile, exactèque contingunt. Hinc sanguineus liquor, senescentibus, aut aliis quibuslibet incongruis particulis per occasiones positis, servataque, per continuum, æquabilemque intra animalis vasa motum, ordinata mistura, & temperie, assiduè veluti repubescit; quæcunque ex eo ad actiones seu vitales, seu animales edendas per determinatos succos, fermenta, & spiritus decedunt, usui accommo-

modatissima sunt ; sed præsertim omnes eæ partes , quarum nova sanguinis supplementa curare munus est , optimum ubique succum elaborant . Integra indè corporis salus , & obvia passim operationum præstantia , facilitasque .

Veruntamen quò majore animalis emolumento hæc , cùm rectè se habeant , continentur ; eò graviore discrimine pervertuntur . *Mala ex turbatis secretionibus .* Hinc ubi aliqua de causa , qua nihil facilius , atque vulgarius in humano corpore est , memoratarum secretionum ordo ita conturbetur , ut vel nimia morbificæ materiei vi statim morbus augeat , vel ex neglecto cujuslibet medelæ usu , altas in penetralibus viscerum radices malum paulatim agat ; ea demùm atrocitate se prodit , ut non modò sanguinea massa in destinatis locis ab incongrua rerum noxiarum miscella non liberetur , verùm ex visceribus ipsis , quæ præcipua hujus defæcationis organa sunt , nova perpetim labes transfuenti sanguini accedat . Neque rei hujus judicium in arcto . Siquidem cùm sæpè ea , quæ diutius , quàm æquum est , in secretoriis vasis detinentur , quotidie magis in deterius labantur , atque ferè in morboşi fermenti naturam assurgant ; eò denique calamitatis rem omnem redigunt , ut sanguineus liquor veluti venenato quodam miasmate in ipso transitu subindè inficiatur .

Quibus addendum , quod cùm miscella ,

atque temperies partium integralium sanguinis aliter conservari, effectus verò ipsius permultis corporis muneribus necessarii aliter contingere non possint, quàm per assiduum, æquabilemque ejusdem per animalis vasa quælibet circuitum; quotiescunque ob memoratam rationem colatoria vasa variè impedita sint, & partes eadem integrales sanguinis plurimo nocentium corpusculorùm inquinamento ab optima temperie decesserint, nec ritè per singulos ductus sanguis fluere, & crasim optatam servare, nec cæteros præclaros effectus præstare queit, qui ab hoc perenni, & concinno motu prodire consueverunt. Cujus rei exemplum videri potest apud nunquam satis commendatum Jo. Alph. Borellum, Parte secunda de Motu Animalium, capite quarto, proposit. 34. & reliq.

Pluri-
ma in-
de gene-
ra mor-
borum.

Non est propterea mirum, actionum omnium ordine his præsertim de causis corrupto, Iliadem inde morborum sæpissimè exoriri. Si namque succos, quibus assidua sanguinis impendia reparantur, inspicias; quid in his naturæ legibus consonum, cum quidquid concoquendis alimentis aggeritur, ex impuro, atque infecto sanguine decesserit? Si quæ nutritioni partium inserviunt; nonnè pravissimis succis, & incongruo salium apparatu infarciri potius, ac sedari, quàm nutriri membra dicendum est? Si de-
mum

mum ea omnia, quæ operationibus præsertim animalibus fundamento sunt; quid, nisi impurus, exlexque spiritus superest, turbandis, quàm perficiendis partium muneribus aptior, atque in eo vel maximè culpandus, quòd quidquid audet, naturæ molestum est? Hinc pleraque lentè sævientium morborum, hinc cùm pituitosæ, & serosæ, tum biliosæ Cacochymix initia: hinc deterimi corporis habitus, & contumax Febris: hinc cohibitæ cùm in viris, tum maximè in fœminis noxiorum humorum expurgationes: hinc molestissimi affectus Hypochondriaci cruciatus; hinc Hydrops, & quidquid demum ob depravatam sanguinis crasim corpora sæpissimè conficere consuevit. Hujusmodi malorum magnitudinem vel una curationum difficultas ostendit: cujus maximum momentum in eo vertitur, quòd non satis prompta remedia suppetunt convellendis funditus earum ægritudinum radicibus, quæ sensim auctæ, & longo tempore confirmatæ non modò novam in dies singulos malorum segetem emittunt, verum etiam acerrimis quibusque medentium conatibus resistunt. Nisi in majus aliquandò discrimen ipsa medendi studia vitam adducunt. Quippè dùm præ-

Quæ curatu difficillima sunt.

calamitatis redacta, antè contingit naturam obrui, quàm morbum.

*Quomo-
ho hæc
aqua his
egritu-
dinibus
medea-
tur.*

Hoc in rerum articulo quæ, quantaque laus medicato, quem describimus, Fonti deberetur, intellectum est. Namque, ubi ad pellendas morborum reliquias ventum fuerit, atque illud integræ securitati desit, ut nempe semina malorum ultimò præcidantur; cæteris omnibus incassum cedentibus, diù conflictata morbis corpora integræ sanitati ejusdem ope restitui, apud nos ferè nemo est, qui expertus non fuerit. Quibus autem de causis hæc fiant, assequi arduum non erit, præsertim si pertenui spiritu, modicoq; admodum Sulphure, & Sale, iisque mirando nature artificio præparatis, atque commixtis imbutum humorem, cæteroquin ab omni suspectorum mineralium labe repurgatum animadvertamus. His viribus, quæ nullo pacto naturæ graves esse queunt, instructus, ubi aliorum medicaminum ope latè exundantem pravorum succorum colluviem eduxeris, & veluti aditu factò, crassas admodum particulas, nonnisi validioribus conatibus cessuras, eliminaveris, quemadmodum tutò corpus subit, ita vacuus ferè nunquam ab opere dimittitur. Facile sibi, expeditumque iter aqueæ particulæ tenuissimis contentorum corpusculis adjunctæ leniter muniunt. Hæ enim ubi in segnem, & veluti emortuum succum impingunt, eundem incidunt sensim,

com-

comminuuntque; donec vel eodem aqua tor-
 rente rapiatur, vel, si partibus altius infede-
 rit, paulatim commotus, atque in circula-
 rem motum restitutus, per destinata excre-
 toriorum valorum oscula denique excedat.
 Interea, dum hoc ordine, aut obcæcati, aut
 quavis alia ratione depravati meatus abluun-
 tur, & patefiunt, partium earum fibræ,
 ad quas humoris ejusdem portio pertingit,
 non sine summo emolumento his motibus ad-
 stant. Quippè sive commota, atque evulsa *Partes*
 lentè prodeuntis succi congerie, sive latè ex- *ad tonū*
 undantis, partesque nimium distendentis se- *suū*
 rositatis colluvie, præsertim per restitutum *redeun-*
 sanguinis circuitum æquabilem, extirpata, *tes.*
 priorem formam, figuramque affectantes, pri-
 stinum tonum ocyus recuperant; continuo-
 que intermissa summo animalis discrimine
 munia obire rursus incipiunt.

Dum hæc expediendis viscerum ductibus *Multa*
 latè intentantur, cæteris quoque humoribus, *alia cor-*
 quorum proventum prior calamitas variè per- *poris e-*
 verterat, non segnius medicamen accedit. *molu-*
 Aqueus enim humor utilissimis huic rei par- *menta.*
 ticulis turgens cuncta diluendo, atque mo-
 dō aciditatem succorum temperando, fer-
 mentorum modō indolem quā corrigendo,
 quā exfuscitando, modō æquabilem rebel-
 lium particularum, & præsertim vitiosorum
 salium, aut mixtionem, & circuitum, aut
 subitum egressum promovendo, eò actiones
 om-

*Cur actio
salium,
& sulphuris
tuta.*

omnes redigit, ut cùm crassi humores fluxiles fiant, stagnatio eorundem auferatur, & promoveatur transpiratio, tùm superfluæ ferositates exitum inveniant, & reliqua ea omnia succedant, quæ sanguini æquabiliter intra vasa permeanti solemnia sunt. Neque vel salium, vel sulphuris motus extimescas. Primò enim quantula eorum, & quàm probè præparata portio suppetit? Deindè, quidquid audeant, adeò circumfusus undique aquæ particulis corrigitur, ut nullo vel sensu præclarissimum munus perficiatur. Subitò idcirco ipsius medicati humoris ingenium suspicere. Quippè quemadmodùm contentorum activitatem haud fas pertimescere, cùm eadem tenuia, & modica sint, ad hæc verò humore aqueo blandè irretiantur; ità profectò aquam horrere indignum, cujus cruditati contenta succurrunt, moli, eadem facillè iter aut inveniunt, aut faciunt.

His de causis visum mihi superiùs, aliis Thermarum usibus prætermisissis, qui satis doctè à scriptoribus recensentur, præcipuum hujus fontis effectum, purgationem viscerum, internamque lotionem quandam non inconcinnè appellari posse; cujus beneficio ductus internos inprimis facillè expediri, sanguineam massam, nervosum laticecem, & reliquos succos mundificari, atque edulcorari, ac propterea chronicorum præcipuè morborum fundamenta ab imo convelli,

li, creberrima experimenta satis in hanc diem ostenderunt. Hinc diutiùs his per singula capita recensendis immorari, inane prorsùs consilium; cùm præsertim ad earundem operationum, morborumque censum ea omnia probè revocari possint, quæ veniunt sub titulo sive frigidæ, sive calidæ intemperiei, Ventriculo, Jecori, Renibusque implantatæ; uti detestabili ignavia creditum ab iis, qui temperiem hanc partium aliundè, quàm ab succis per eas transeuntibus derivant.

Intereà tamen non abs re fuerit singulares quosdam effectus percurrere, non quidem servato ordine omnium ægritudinum, id enim non pauci scriptores sigillatim præstiterunt; sed, ratione majoris emolumenti, iis morbis potissimùm enumeratis, quibus tutiùs, citiùsque hujusmodi fontis aqua mederi consuevit.

Itaque illud in primis certo certius est, in *Intemperies, atque ob-* viscerum omnium Intemperiebus, atque Obstructionibus corrigendis, expediendisque, *structionibus viscerum* propter quas sæpissimè & Capitis plures morbi oriuntur, aquæ B. Virginis usum summo-perè & commendari, & utilem esse. Hinc ubi hujusmodi ægritudinibus Mesenterium, Pancreas, Lien, & Jecur præ cæteris laborarent, non sine successu ad eandem confugere Practici solent. Qua de causa crebra suppetunt experimenta præsertim Ictericorum, Cachecticorum, Hydropicorumque hujus aquæ
potu

potu penitus curatorum. Non secus atque ii experiuntur, qui aut verrucosam faciem habent, aut febriculis inveteratis squalent, aut aliquo ex iis vitiis torquentur, quæ potissimum fervori Jecoris tribui solent.

*Renum
vitia.*

Quæ autem in hujusmodi affectibus eveniunt, felicitatem illorum vix excedunt, quæ Renes, Renibusque contexta vasa, nec non Urinariæ viæ omnes percipiunt. Nec mirum eas partes aptissimè curari, ad quas in exitu suo universus ferè humor pertingit. Temperari indè ardores Renum, Gonorrhæam simplicem ocyùs sanari, pleraque alia Renum, Ureterum, & Vesicæ vitia, miçtumque præsertim Cruentum tolli, adeò certum experientia fecit, ut probatione nequaquam indigeat. Hinc in Vesicæ affectibus à præclarissimis Practicis summè has Thermas commendari scimus; uti videre est apud diligentissimum Velschium, aliosque rerum medicarum collectores. Neque segniùs eodem potu Sabulum, & Calculi expelluntur. Cujus rei exempla nullis ferè diebus non contingunt.

*Calculi,
& sabu-
lum.*

*Hypochō-
driaci.*

Cæterum tutò his aquis & Hypochondriaci Melancholici committuntur; cum iisque reliqui ferè omnes, quibus sanguis, cæteri-que utiles succi, à dulci, & balsamica constitutione in acidam, austeram, & ponticam naturam transierunt. Pariter & Colicis doloribus vexati, non rarò ibidem medelam

in-

inveniunt ; nec defunt , qui in aliis plerisque Intestinatorum affectibus prosperè potu eodem utantur . Eminent tamen inter reliquos Thermalis hujus aquæ usus in Dyssenteria ; in qua molestissimus succus , qui Intestina versus propulsus , vasorum sanguineorum oscula referando , fibrasque corrumpendo , immania ibidem ulcuscula excitat ; mirum in modum ejusdem humoris potu temperatur . Siquidem dum puris , sanguinis , atque erumpentis circa teterrimi succi , undè exordium mali , proventum præterfluens aqua secum rapit , corrososque Intestinatorum parietes vi contentorum abstergit , atque exsiccat ; non modò est in causa , ut fodicans humor , & diu fatigans tenesmus ab læsæ partis confinio decedant , sed fibris ipsis , quà fieri potest , tonum restituendo , serpentes plagas probè jam dilutas figit , comprimit , atque oculis obliterat . Eadem ferè de causa quosdam internos Abscessus aliquandò detectos , atque demùm satis aptè expurgatos adnotarunt Practici . Neque silentio prætermittendum videtur , Tumores nonnullos , Schyrros nondum penitus confirmatos , atque hujus generis alia , post multa remedia incassum adhibita , tandem his aquis emollita fuisse .

Dyssen-
teria .Absces-
sus in-
terni .

Porro Ventriculi imbecillitati non rarò indè præsidium quæsitum est : ac ferè semper eo exitu , ut non modò post hujus aquæ
usum

Ventri-
culi af-
fectus ;

usum assueta stomachi officia redirent; verum & multò celerius, quàm antea consueverant, coctionis muneribus Ægri fungerentur. Haud aliter in iisdem & flatulentia sublata, & vomitiones quædam compositæ, & restitutus appetitus.

Thoracis; Pectori autem quantoperè hæc aqua proficit, satis explicari vix potest. Præ cæteris tamen plerosque Asthmaticorum labores ea levare plurimum, experimur sæpissimè. Si verò sputo sanguinis vexatos inspicias, facile deprehendes sæpè morbum hunc ita compeisci, ut jucundior, tutiorque medela inveniri quibusdam in casibus vix posse videatur.

Uteri. Accedunt his & Uteri indè orta emolumenta. Quemadmodum enim partes omnes, ad Uteri munia obeunda accommodatas, detergit, & mundificat; ita, labe ductuum omnium altius repurgata, pravos Virginum habitus corrigit, sterilesque jamdiù mulieres singulari quodam genio fœcundat.

Menstruorum retentione. Sed primas huic fonti deferendas non censerem, nisi difficillimo menstruarum purgationum negotio subveniret. Verum, qua major periculi moles, salutisque desperatio, ibi maximum excellentiæ ejusdem lumen affulget. Nec tamen præcipiti conatu repagula laxari, & infringi; atque indè ancipiti corporis discrimine rem absolvi contingit. Si quidem, dùm sanguineam massam, lentis, visci-

scidisque humoribus inquinatam, atque impeditam attenuat, atque expedit; vasa ad Uterum pertingentia penetrat, impactosque in iisdem succos incidit, expellitque; ad vetus institutum rediens demum Uterus, eidemque adnexæ partes, quo jamdiu premebantur, statis temporibus pondus demittunt. Hinc doctissimus Massarias summè aquas hujusmodi commendat in Emanatione mensium adversus illos, qui auctoritati Avicennæ, Lib. „ 2. cap. 59. dicentis aquas omnes minerales „ facere urinæ difficultatem, pariendi, & „ menstruorum, innixi, aliter rem se habere contendunt. Quippe, utcunque de aliquibus aquis apertè adstringentibus id verum esse possit, constare experimento, ait, idem nequaquam de omnibus, ac præsertim sulphureis dici debere; quibus mira aperiendi vis inest, & menstrua purgandi.

At cum ex ejusdem aquæ potu præstantissimus alius, ut memoratum fuit, effectus emergat, quo præ cæteris sanguinis sputum, aliasque hæmorrhagias felici eventu sedari deprehensum est; arduum prorsus intellectu visum id permultis, subeunte admiratione, quomodo eodem ex humore oppositi omnino effectus orirentur. Sumpta propterea ab non paucis occasio statuendi, aliquid etiam huic fonti inesse, cujus ope meatus corporis angustiores fierent. Sed major indè difficultas exorta: præcluso veluti asserendi aditu, cui-

Quomodo hæmorrhagie quædam supprimantur.

nam causæ mirandam incidendi , aperiendi-
que vim , innumeris propemodum in morbis
fatis conspicuam , assignarent .

*Difficul-
tatis so-
lutio .*

Verùm , sicuti in aqua unum semper , &
constans agendi principium ; ita non ex hu-
jus indole , sed ex dissimilibus morbi causis ,
dissimilis eventus ratio petenda est . Neque
experimenta ostendunt , rem aliter se habere .
Quemadmodum enim crassos , viscidosque
succos leniter aperiendo , atque extenuando ,
detenta revocat menstrua ; ita nimiam hu-
morum turgescientiam , atque inconditam vi-
tioforum salium vim temperando , atque in-
fringendo , idem efficit , ut , remisso san-
guinis motu , qui priùs in pneumonica , alia-
que vasa impetum dederat , cruentæ excre-
tionis occasio deficiat . Quibus addendum ,
eum in hoc humore operandi ordinem de-
prehendi , qui naturæ motibus exactè respon-
deat ; & villis præsertim , quibus partes cor-
poris omnes contexuntur , & per quos singu-
la motuum munia variè exercentur , natura-
lem in statum redigendis summoperè infer-
viat . Hinc in Emanatione menstruorum vasa
quidem perluit , ac pervia facit ; at fibris , ubi
eædem probè constitutæ fuerint , ulteriorem
vim inferre nequaquam potest . Nihil pro-
pterea obstat , quò minus ritè paratus , su-
bactusque humor , per destinata loca , ex ve-
teri naturæ præscripto , & configuratione hi-
antia , excernatur . At secùs in sanguinis spu-
to ,

to, aliisque hujus generis excretionibus. In quibus vasculis, partim nocuorum salium, partim vi incurrentis ipsius sanguinis diductis medicati humoris appulsus plurimum succurrit; fibrisque ad tonum redeuntibus, subsidere excernentes sanguinem venas, arteriasque, necessum est. Priore in casu, ubi naturalem statum vasa adepta fuerint, patientia esse debuerunt: in posteriore, vel ex eo, quod naturalem tonum recuperant, occluduntur. Hos motus, dum satis illic ex medicatæ aquæ potu extenuati, hinc vitiosis præsertim salibus repurgati succi fuerint, hoc vel uno argumento aptè satis edi posse, consideranti patebit.

Cæterum, sicuti cruenti præsertim sputi discrimen per has aquas tollitur; ita & immodicus menstrui sanguinis fluxus cohibetur; pariterque & Fluores albi, viscidi, alique satis concinnè corriguntur. Indè sæpenumerò hujusmodi aquæ in Profluviis muliebribus, & Infæcunditatibus pariter Hypochondriacis ab expertissimo Raymundo Jo. Fort. ingentibus præconiis efferuntur. Idque ex eo ferè contingit, quod non modò ab incongruis succis, & superfluis, ac vitiosis salibus inquinati sanguinis crasim emendent; verum etiam, ut nuper ostensum, laxatis præter morem vasculis, Uterum, conterminasque partes percurrentibus, promptè subveniant.

Quoniam autem dolendum illud sæpissimè *Gallicis nō nocet,*

in ægrorantibus animadvertimus, Gallicam nempe Luem reliquis incommodis accedere; scitu dignum summoperè est, hujusmodi potum tutò, utiliterque Lue eadem infectis præscribi. Cujus rei causam indè petendam esse suspicor, quòd hujus aquæ sales acidissimis particulis, undè sævissima hujus morbi symptomata originem sæpissimè trahunt, plurimùm adversentur; atque intereà coagulati sanguinis grumis dissipatis, succi omnes ad æquabilem circuitum redeant; iidemque per destinata loca ab incongrua vitiosorum salium miscella liberentur.

*Dyscrasia omnes
viscerum,
& humorum.*

Hæc ferè sunt, quibus B. Virginis aqua mederi plurimùm consuevit. Reliqua vel facilè ad memoratos affectus referuntur; vel etsi ea non sint, quibus potus idem omninò adversetur; tamen, ut unica ratione cuncta complectar, viscerum, sanguinisque dyscrasia per eundem sublata, ægritudines propè innumeras, amputatis veluti radicibus, funditùs auferri, quotidiane ostendunt observationes. Sed de his satis Scriptores.

*Optima
hujus aque
condicio.*

Cui nihilominùs tractationi antequam finem impono, animadvertisse liceat, vel indè hujus fontis existimationem plurimùm augeri, quòd, ubi solers medicus cuncta ad opus accomodata congesserit, non modò salubri eventu passim adhibetur; verùm, quod magis est, nullam in corpore non solùm labem, sed ne labis suspicionem quidem re-

lin-

linquit. Mirari propterea subit incredibilem nonnullorum in acidularum potu ad omnes ferè enumeratos affectus statim præscribendo seu libidinem, seu facilitatem; cum eleganti omninò, tutoque usque ad aliarum regionum invidiam fonte gaudeamus. Sed aut peregrinarum mercium, ut moris est, studio fallimur, aut præcipites eventus magis placent. Interea morborum plurimi, quibus hìc non rarò accommodatissimum, tutissimumque remedium suppeteret, ad alienas piscinas transmittuntur, veluti pretium exitus ab externis medicamentis reportaturi. Nec me susceptæ defensionis amor fallit. Quippè tristes eventus, quorum numerus in hanc diem multum excrevit, & quorum causam persequi hìc visum non est, satis grande veritatis hujus documentum sunt.

Scio quid potissimum objiciant: displicere infensam capiti miscellam sulphuris; impleri indè cerebrum vaporibus, obtundi spirituum animalium robur, indolem depravari; gliscere interea defluxionum materiem, morbumque alterum primo deteriorem induci. At ineptam exigui admodum sulphuris, hujusque probè subacti, cum vitriolo comparisonem ut sileam, quàm levia hæc sint, vel hinc expertissimi viri videant, quòd sicuti plerique acidularum fontes à sulphure nihilominus immunes omninò non sunt; ita cri-

minatio quanta est, indè exoritur, quoniam ex præpostero, & inconsiderato usu, atque omnibus, uti decet, antea non præparatis, atque dispositis, res secundum vota non contingunt. Quo tamen in loco concesserim facile, non deesse Thermas sulphureo corpore saturatiores, quæque absque memoratis effectibus adhiberi nequeant. Veruntamen alia fontis, de quo agimus, condicio est. Siquidem, ubi Practici quantum, & quandò opus est, eodem utantur, nullus est ambigendi locus, quin non modò nihil indè detrimenti pati ægrotantes possint, verùm per compendia sæpissimè inveterati, & contumaces morbi radicibus convellantur. Cæterum nil mirum, ex promiscuo etiam lenium harum aquarum potu aliqua incommoda ægris supervenire. Ex quo enim medicamento salus, nisi probè eodem utaris?

Fons Aponi.

Aponensium aquarum internum usum his accensere, fert animus; quo tamen in describendo opus non erit multum temporis tere-re, præsertim cum, quò ad contentorum numerum, novi quidquam non occurrat. Una ab eorundem gradu dispari, dispar indè actio proficiscitur. Quippè, cum magis cum sulphure, tum sale turgeant, activitatem nuper descripti fontis multum excellunt. Aper-tissimum est idcirco, iis ab affectibus hujusmodi aquæ potum indicari, quos major mor-bificæ causæ cumulus obsidet, quemque ex-
pe-

pedire, nonnisi per medicamenta paulò validiora, queas. Hoc namque in rerum discrimine, quemadmodum vix aliud subsidii genus magnitudo, atque indoles morbi postulant; ita, præsentem morbigicæ materici apparatus, non contingit alias partes ullo affici detrimento.

Verùm cæteros effectus omnes, qui prosperè ex hac Thermopotatione eveniunt, ex-^{Thorac-} cellit felicitas, quam Thoracis morbis labo-^{cis mora} rantes, & vel purulenta expuentes, indè experiuntur. Duplex in hisce veluti munimentum adversus ingruens malum. Quippè, si corruptos succos inspicias, quibus labefactari Pulmonum parenchyma est in proclivi, hi perpetim ab ingesto humore eluuntur, &, quà altius vasculis insident, tandiù attenuantur, donec excedant. Si verò corruptionis rationem consideres, quid huic eruendæ aptius humore infecta corpuscula à fanis dissociante, atque intereà toti massæ sanguineæ novum veluti fermentum inspirante? Rem perficit demùm, balsamum Pulmonum, Sulphur; cujus, quæ agendi ratio, quis ordo fiet, nulli incompertum est.

Neque his Ventriculus bonis arcetur; præ-^{Ventri-} fertim si in partibus eundem componentibus, ^{culi.} & primæ coctionis muneri destinatis, degeneris succi suburra stabuletur. Quippè postquam, quod pronum Aponensibus aquis, pravi humoris congestio dissipata fuerit, fi-

bræ membranas ventriculi constituentes, denudò confirmatæ, ad assueta munia revertuntur; indèque sicuti nihil admittitur fermentum ejusdem turbaturum, ita nihil ab ingesto alimento subsistit, futurum impedimento proximè succedentibus coctionibus.

Uteri, & viscerum affectus. Eadem alluvione morbi laborans Uterus, & cum Utero non rarò Lien, Jecur, & Renes, quæque Renibus proxima loca, atque ab ipsis decedentia vasa sunt, eodem argumento curantur. Nec secùs evenit in Intestinis, ob depravatorum succorum vim dolore aliquo vexatis. Prætereaque, quemadmodum Uteri fluorem pervicacissimum intercepti, ita & Urinæ incontinentiam, eo præcipuè in casu, in quo, qui Vesicæ foribus præest, musculus resolvitur, feliciter emendari, testis est experientia. Non desunt, qui & adversùs Hydropem, Ischiadicum affectum, simulque contra Catarrhos, Paralyfim, Surditates Aurium, atque his similes morbos, à causa, ut ajunt, frigida, & humida productos, demum & corpulentiam nimiam efficacissimum inde remedium polliceantur.

Aquæ S. Petri cur non adhibeantur. Adhuc qui ex Patavinis fontibus internum in usum aquas S. Petri revocarent, non defuere. His quemadmodum minorem, quàm in Aponensi balneo, sulphuris portionem, ita salis plurimum inesse, crebris experimentis innotuit. Quibus propterea morbis conveniant, ex superioribus apertum fit. Licèt autem

tem

tem ab antiquis practicis, ubi nimiam, quemadmodum inquiunt, calefactionem ex Aponensibus aquis pertimescerent, sæpissimè ægrotantibus præberentur; nunc nihilominus internus ejusdem humoris usus penitus exsolvit. Porro reliquos fontes omnes ad potus usum non adhiberi indè ferè contingit, quòd quemadmodum nihil ex his, utpote eorundem fossilium miscella præditis, haberi potest, quod aptissimè Aponi, sed præsertim B. Virginis aquæ non præstent; ita cùm Sulphuris, tum Salis inæqualis commixtio efficit, ut promptiùs externis, quàm internis ægri tudinibus aptentur. Hæcque ferè de interno usu Thermarum.

Quomodò autem externis corporum morbis omnes hi fontes medeantur, reperire in promptu est. Primò namque, si ea animadvertamus, quæ extimarum omninò partium vitia sunt; cùm plerumque ab excrementis crassioribus, motu sanguinis circulari adjuvante, in extremas vasculorum oras, iisque appositas glandulas actis, oriantur: fieri minùsvix potest, quin, ritè admoto thermali humore, plurimùm dissipentur. Siquidem dùm aqueus humor, salis, sulphurisque corpusculis instructus, poros circa subit, atque interstitia quæque fibrarum penetrat, quidquid ibidem collectum est, emolliatur, incidatur, discutiaturque, necesse est. Hinc impedimenta amoveantur, crassi, & lenti hu-

*Exter-
nus ha-
rum a-
quarum
usus.*

mo-

mores fluxiles fiunt , stagnatio prohibetur , patens transpirationi via sternitur , ac simul superfluae serositates dissipantur ; adeò ut , quæ antea noxia plurimum erant , partim thermalis ipsius aquæ vi deficiantur , partim per excretoria vascula brevè se foras proripiant .

Eodem ferè ritu Crustæ , squamosa , callosaque Ulcera , leprosa , & pruriginosa Scabies , Herpetes , Ramices varicosi , seu Herniæ varicosæ , atque hujus generis alia , ubi ritè cùm paratum corpus fuerit , tùm balneum admotum sæpissimè obliterantur . Porro insignem , quam altius penetrando , crassosque , & frigidos humores , interiùs impactos , attenuando , & consumendo , præsertim in Catarrhalibus affectibus , Hemiplegia , Tremore , doloribus Chronicis sedandis , contractis , induratis , aut resolutis Nervis pristinum in statum redigendis , nec non fecundandis mulieribus , operam præstant , sulphuri potissimum debent . Hoc namque , ubi leniter se , altumque in læsa membra insinua-verit , noxiam materiem mulcet , ac loco exturbat , serosam colluviem exhaurit , filamenta deindè partium tandiù fovet , dùm ad assuetos motus revertantur . Neque arduum erit , ejusdem aquæ auxilio , ædematosos reliquos Tumores , singulis in partibus assurgentes , comminuere , atque disjicere . Quibus expeditis , ea etiamdum mensura aspersione ,
stil-

Nervorum affectus .

stillicidio, immersione, vel alio quolibet ordine, uti thermali humore licet, qua membrorum fibris, diuturna morboſi ſucci mole, pondereque laxatis, firmamentum accedat, roburque ſuum,

Neque prætermittendum eſt, magno cum ^{Fiſtulæ ani.} emolumento cum per inſeſſionem, tum per enemata, huiusmodi aquas adhiberi in Ulceribus Intesti-
 norum, & præſertim iis, quæ habentur è fiſtulis in Ano. Propterea doctiſſimus Hieronymus Fabricius ab Aqua penden-
 te, Chirurgiæ univerſalis Libro 3. capite
 „ 12. facta, ait incifione, & callo ablato,
 „ peculiariter in hiſce Fiſtulis aquas Thermo-
 „ les enematum forma in anum infundo, &
 „ ex iisdem aquis inſeſſus parari jubeo; tum
 „ ut ulcus intra inteſtinum ſiccetur, tum ut o-
 „ mnes etiam partes circumjacentes ſiccando
 „ roborentur, ne in poſterum tam promptè
 „ humorum colluviem recipiant.

Cæterum ſummoperè cavendum, ne, nul-
 la ætat, atque habituum habita ratione, <sup>Quibus balnea non con-
 veniant.</sup> omnibus balnea, etſi memoratæ ægritudines
 adſint, præſcribantur. Atque in primis ſcien-
 dum, nec pueris, nec ſenibus, nec mulieri-
 bus quibuſdam, ac præſertim juvenculis,
 ob carnes nimium molles, balneationem pro-
 deſſe, unde:

Fontes Aponi rudes puellis:

Martialis appellat. Pariter gracilibus, coi-
 tu debilibus, iisque, qui vel Febri, vel an-
 gu-

gustia Thoracis, vel quibusdam sanguinis excretionibus, vel Schyrris exquisitis laborant, balnea eadem plerumque non conducunt. Immo fit sæpenumero, ut hujusmodi habitudine præditi balneis hisce potius lædantur.

Lutifacultas.

Quod reliquum, non aliter Lutum earundem aquarum five emolliendi, digerendi, & resolvendi, five discutiendi, & exsiccandi, five roborandi munere fungitur. Propterea in Imbecillitatibus membrorum, in non paucis Tumoribus Schyrrosis, in Articularibus doloribus, & Scabie, sed potissimum in Nervorum affectibus summè à Practicis commendatur; & præsertim ab Cl. Raymundo Jo. Fort. passim in Consult. & Respons. Medic. Est quoque locus apud eximium, & nunquam satis laudatum rerum medicarum Collectorem Petrum Forestum, Observationum Libro X. observ. 85. ubi egregiè ad Paralyfim horum balneorum lutum conducere, ait; idque à se, cum Patavii esset, & visu probatum fuisse, testatur.

*Lutum
D. Bartholomæi
& reliqua.*

Cæterum eminet inter reliqua, vi emolliendi, Cœnum, quod juxta D. Bartholomæi Fontem de industria asservatur. Id namque ubi convulsione aliqua vexatis, atque induratis membris admoveas, vix unquam decipi spem ægrotantis, invenies. Validius rem iisdem, aliisque etiam in affectibus peragit, cum emolliendo, tum digerendo, quod ex Montis

Or-

Orthoni fonte eruitur; cujus nihilominus vis, præsertim resolvendo, à B. Helenæ lutis superari creditur. Adhuc verò, quæ cùm ab Montis Ægrotorum, tùm S. Petri balneis habentur, excellunt; quòd nempè aquarum suarum naturæ respondeant, atque idcirco sulphure, salibusque majore mensura imbuantur.

Orta indè plurimorum sententia, ad singulares morbos curandos unumquoque ex his seorsim adhibendum esse; idque non ab operandi ordine, verùm ab ipsis fossilium generibus, quæ vix non ubique, uti memoratum, dissimilia inter se veteres scriptores statuerunt, petitum est. Placitum propterea, alia quidem emollire duntaxat, ut Lutum D. Bartholomæi; alia modicis viribus emolliendi, digerendique prædita esse, ut M. Orthoni; efficacius his agere D. Helenæ cœnum, cui non modò emolliendi, sed & resolvendi facultas assignata est; intensè verò siccando, roborandoque cùm Ægrotorum Montis, tùm S. Petri Lutum munus quodque suum absolvere. Qua quidem in re æquo animo, qui id docent, ferendi essent, dummodo ex eo non sumerent causam id asserendi, quod hìc ab Sulphure, Bitumine, aut Asphalto, illic ab Alumine, Calce, Gypsoque, aliisque in locis ab variis rerum aliarum generibus, & præsertim Nitro, variorum effectuum causæ foveantur.

Sed ne horum conjecturis refellendis diutius immoremur, sufficiat dixisse, neque dissimiles

Unde varietas effectuum.

miles cæni horum Fontium effectus instituto aliàs proposito derogare quidquam ullatenùs posse. Quippe quis inficiabitur, ubitenui, & modico penitus Sale, cæterùm ritè parato sulphure lutum scateat, impactam membris materiem commotam dumtaxat, & paulùm comminutam iri? Nihil propterea in hoc sensu obstat, quin emollitam partem fuisse, pronuncies. At si uberiore proventu utrumque ex enumeratis fossilibus subsit in cæno; nonnè conspicuum est, congestos iisdem in membris succos non modò altiùs misceri, sed fundi, & aliquatenùs dissipari? Hoc concessò, nihil interest, an calefaciendi, & resolvendi facultatem, vel aliam quamlibet hujusmodi in medium afferas. Neque, ultrà si pergas, nova rei imago obversabitur. Quippè, ubi ad summas vires, ob majorem contentorum mensuram evectum fuerit Lutum, quæ memoravimus, per compendia efficiet, stagnantes, condensatosque humores non modò emolliendo, resolvendo, & dissipando, sed & tonum partis ocyùs restituendo. Exsiccatio indè, ut inquiunt, & roboratio membrorum.

Quis ordo proficit in Luti usu. Hæc cùm hujusmodi tantùm ratione, atque intelligendi ordine à veritate absque non sint; inficias ire non ausim, servandum in Luti usu ordinem, atque à moderato, clementique ad validius deveniendum; ne primo statim in limine contrà instituta, præceptumque

na-

naturæ ad extremos nifus confugas. Addendum, non omnibus morbis ultimos conatus aptari; proptereaque in aliis, ubi prima, & mitissima remedia tentata fuerint, in iisdem standum esse. In aliis verò eo ordine procedendum, ut per gradus ad summa pervenias; in iisque tandiù perseveres, dùm contumax materies omninò discussa; pars verò, in quam morbifici succi onus incubuit, ad pristinum robur redacta fuerit.



De Thermarum Patavinarum Ufu tam Interno, quàm Externo.

CAPUT VIII.

*Recta
admini-
stratio
medica-
mentorū
summè
necessa-
ria.*

Quemadmodum non omne medicaminum genus cuilibet Morbo resistere, ita nec, quòd ritè pellendo morbo convenit, qualibet ratione adhibitum, vires suas secundum vota exercere consuevit. Hinc sæpius universum medendi momentum in eo vertitur, ut præfidiis, quæ passim natura construxit, ordine quodam, & dispositione utaris; quem ubi modum excefferis, non modò labor frustrà concedet, sed vel præstantissima medicamenta in exitium vertentur. Hæc mala solemnia iis, qui, sive ignavè, sive de incuria, promiscuè remedia præscribunt: ex præpostero enim medelæ usu, eventuum ordine inverso, non modò ingrata omnia, atque inutilia, sed perniciofa sæpius experiuntur. Nihilo mitiorem exitum intempestivus, inordinatusque Thermalium aqua-

aquarum usus inferre solet, uti videri passim
 apud practicos potest; potissimum si vel cor-
 pus, vel constitutio morbi hujusmodi reme-
 dii operam abnuant. Factum propterea, ut
 à potu Thermarum, quòd multa ex eodem
 insensissima symptomata exorirentur, aliquan-
 dò homines abhorrerent. Sed postquam ex-
 perimento deprehensum, hanc non medica-
 menti, verum medentis culpam esse; com-
 muni consensu sancitum, satis, ubi uti scias,
 tutas Thermales aquas esse, nec modò tu-
 tas, sed & pellendis morbis summoperè ac-
 commodatas.

*Item
 Ther-
 malium
 aquarum.*

His de causis, postquam singula, quæ in
 Patavinis Fontibus animadvertenda occur-
 runt, contracta oratione perstrinxi, visum
 est nonnulla de ritu, quo iisdem uti conve-
 niat, adnectere. Neque enim opus persequi
 singula: cum & ordinem, quem per experi-
 menta utilem cognoverunt, satis accuratè
 scriptores expresserint, & nullus ferè sit Pra-
 cticus, cui singularis aliqua methodus non
 placeat. Indè uti indignum iis fidem demere,
 quæ longo usu probata sunt, ita superfluum
 circa id diù immorari, quod aliàs proluxa o-
 ratione, & multis exemplis descriptum.

Itaque, ut à Thermopotantium regimine,
 paucis rem confecturus, exordiar, quoties-
 cunque omnibus numeris absolutum indicans
 præcedat, è contra verò non puerilis ætas,
 aut corpus senio confectum, non gracilis o-

*Ther-
 mopota-
 tium
 regimen.*

*Qua tē-
pestate
institui
debeat.*
 mninò habitus , & molesti febrium insultus ,
 non inflammatio , non dolor , atque imbe-
 cillitas capitis summa , vel quid simile ob-
 sistat , maxima salutis spe ad aquarum usum
 transeundum est . Nec tamen quacunque an-
 ni tempestate , & multò minùs ex abrupto ,
 iis scilicet omissis , quæ cum crassissimos suc-
 cos educere , tùm viam aquis sternere valent ,
 thermopotationem inchoare tutum censetur .
 Proptereà , juxta nocentium humorum indol-
 em , corpore , uti decet , diligenter purga-
 to , conandum summoperè imprimis , ne in
 molestissima anni tempora incidamus . Aptif-
 simum operi ver , cui succedit autumnus : &
 quamvis æstate quoque licere ad potandas
 hujuscemodi aquas ægros mittere , non unius
 Scriptoris sententia sit ; cavendum tamen ,
 ne , æstu maximè sæviente , corpora lædan-
 tur .

Hyeme quoque profuisse hujusmodi potum ,
 sunt , qui asserant . At quoniam ob Thermo-
 potationem hoc anni tempore institutam , mo-
 lestissima quædam symptomata sæpissimè a-
 nimadverterunt Practici ; ideò hujusmodi
 remedium , rigente hyeme , omni conatu
 declinandum est . Rei hujus exemplum aper-
 tissimum in se ipso exhibet doctissimus Ga-
 briel Falloppius ; qui nimia ductus fiducia ,
 cum brumæ tempore thermales aquas bibis-
 set , non modò easdem non excrevisse se ,
 verùm brevì in immanem adeò cruris utrius-
 que

que convulsionem incidisse refert, ut omnem omninò motum amiserit. Cæterùm quemadmodum quidquid de bixestili anno, festisq; diebus circumfertur, fabulam olet; ità quotiescunque præceps morbus moras non patitur, per compendia curandum est, ut calidissimas, frigidissimasque anni tempestates, quoad fieri potest, ægri devitent. Has ubi exceperis, quodlibet ferè anni tempus, dùm agendi opportunitas adsit, & aeris ratio summa habeatur, potandis aquis accommodatum erit.

Porrò, quo loco Thermales aquas assumpseris, plurimùm refert. Habet enim quiddam in se recens è scaturigine eductus humor, per quod & aptius ad destinata loca confluit, & promptius laborantibus visceribus opem ferre videtur. An verò, quo tempore aqua potatur, lenientibus Syrupis, vel diureticis medicamentis standum sit, indicat morbus; cui plurimùm per Alvum, sive per Urinarias vias excerni eandem, confert. Sæpius tamen, dùm amplissimos, & contumaces morbos tollere animus fert, is ordo servari consuevit, ut primis diebus aquæ haustum leniens aliquis syrupus, vel manna, vel aliqua alia hujusmodi potio præcedat. Quo peracto, ubi urinarias quoque vias expeditas esse constet, per eas aquam ducimus. Id autem ut tutius eveniat, dimisso Syrupo, primis poculis aut Succus Limonum, aut Spi-

*Juxta
scaturi-
ginem
assumē-
dæ a-
quæ.*

*Ordo bi-
bendi
easdem.*

ritus Salis, aut Spiritus Vitrioli, aut Sp. Tart. rectific. Terebentinæve guttæ aliquot aptissimè permiscuntur. Sunt, qui Aquæ Ononidis, Aspargum, ex Siliquis Fabarum, aut Alchechengi haustum, eademque ratione vel Dauci, vel diuretica alia semina, immò & Terebentinam ipsam lotam non sine successu præmittant.

Cur repetenda per vices purgatio. Intereà expedit, sexto, septimo, vel octavo quoque die, prout ex ægri habitu colligere datum est, lene aliquod pharmacum exhibere. Cujus rei ratio in eo ferè sita est, quòd cum ex interna vasorum, & viscerum lotione haud pauca excrementa, antiquis sedibus evulsa, in unum congerantur; prudentis est, veluti detractò onere, naturam occyùs levare; & vias intimiùs aperiendo, aquæ facultatem ulteriùs elicere. Ortum eadem de causa præceptum, quo cavetur, ne sine pharmaco Thermopotatio claudatur.

Qua mensura præscribendus sit potus. Quo verò ad assumendæ aquæ mensuram, non varia modo hæc secundum morbi genera, atque ægri vires; sed & pro dispari præscribentium usu multiplex est. Maxima tamen pars Medentium à sex, vel septem ferè librarum quantitate exorditur; vel, si imbecillis æger sit, quatuor cum aquæ libris inchoat purgationem. Poculorum indè numero in dies sensim aucto, ad duplam quantitatem juvat ascendere. Quò ubi perventum fuerit, ob fessas laborantis in tanta humoris col-

colluvie vires , intutum plerumque est eadem in aquæ mensura diù immorari . Propterea , ordine eodem à proposita quantitate recedendo , ad primam dosim reverti consuevimus .

Quo tamen in loco sciendum est , re vera nullas satis certas , ac determinatas quantitatis regulas describi posse , cùm eadem ferè semper aptari debeant illorum habitibus , quibus purgationes per has aquas præscribuntur . Immò crediderim summopere nonnullos decipi , quibus , cùm morbi , tùm ægrotantis statu minimè pensitato , consuetam mensuram , etsi res aliud postulet , non minuire , non augere , summum , & constans præceptum est .

Quot dies Thermopotationibus impendere necesse sit , pariter statuere arduum . Siquidem sicuti alii intra decem , aut quindecim dies subsistunt ; ita non desunt , qui terminos hosce prolatantes ad viginti , triginta , & amplius ascendant . At index temporis morbus , ægrique tolerantia . Ubi enim nec grave ægrotanti onus aquarum ; nec morbo ex aliquot dierum mora aptum satis remedium suppetere posse , conjectare licet ; nihil vetat , quo minus Thermopotationem tandiù producas , dùm necessitatibus ægri abundè subventum sit .

Cùm autem ejus naturæ sint morbi , ut assiduum , plenumque aquarum usum haud

*Quot
dierum
spatium
dandi
Thermo-
potatio-
ni.*

*Aponen-
ses aque
caute
adhiben-
de.*

postulent, tunc parcè, atque, si opus fuerit, interposito dierum aliquot intervallo, eas assumere decet. Notat propterea Forestus Lib. 25. observ. 37. Thermales aquas, si quibusdam in morbis bibantur continuis diebus, ulcera parare, & cruentam urinam. Quorum omnium etsi nulla ferè suspicio in Fonte B. Virginis, maximè tamen in Aponensibus aquis habenda ratio est. Experimento enim cognitum, & confirmatum habemus, non conducere per multos dies hæc in usum trahere; immò & id agere plurimi consueverunt, ut crebrò idoneis in hanc rem syrupis, lenientibusque patentiorem aquis iisdem viam sternant; undè & optatos effectus tutius oriri sæpissimè adnotarunt.

Cæterùm & medicamenti ingenio summè convenit corpus aptari. Hinc quemadmodum, ante aquæ haustum, ægrum decet leniter se exercere, ita & inter bibendum crebras subindè moras injicere, atque interea lentè expatiari: hoc tamen diligenter ubique servato, ne nimio deambulandi labore corpus incalescat. Sicuti enim ex clementi motu facilior ad corporis penetralia quæque humoris appulsus; ita ex incalescentia, munerum interiorum confusio, atque aquæ usus inversus. Aquæ quantitate, maxima saltem, neque enim indicia desunt, ex quibus decessisse humorem intel-

ligas, excreta, prandere libet; accomodatissimo in hanc rem victus regimine servato. Tuncque muneribus demittendæ aquæ perfunctum corpus quiete refovendum est.

Hæc nisi sperata felicitate contingant, ^{Quid agendum, si symptoma aliquod ingruat.} sed vel retentio aquæ, vel pertinax vomitus, vel lassitudo, vel convulsio, vel ali- quod aliud symptoma exoriat, duo præcipuè procuranda veniunt. Quippe vel conandum est, ut si, intra corpus substiterit aqua, apposis medicamentis educatur; vel, nisi substiterit, symptomatum causæ auferantur. Id ulteriore purgatione, validioribusque aperientibus præsertim haberi volunt. Reliquis verò levibus symptomatis per occasiones vel medicamentis, vel alio diætæ ordine occurrendum est: quippè, iis demùm ablatis, felicissimus ex Thermopotatione eventus exoritur. Prostant propterea apud multos, sed præ cæteris apud diligentissimum Cockelium, consilio XXX. remedia haud pauca, quibus cum vim hujusmodi aquarum pro morborum varietate adjuvare, tum variis ex earundem potu ortis symptomatis obviam ire valeamus.

Quo in loco silentio prætermittere non queo, magno eos omnes in errore versari; qui aut in cibariis, aut in potibus hujusmodi aquas assumunt. Ut enim exitiabilem medicamenti cum alimento confusionem, aliaque argumenta id improbantia fileamus; multò

*In cibis, & potibus hæc aquæ nō assumē-
de.*

magis hunc errorem damnant eventus aquarum in iis , qui id aggredi veriti non sunt . Sæpè enim molestissimi humorum tumultus , difficultates urinæ , inflammationes viscerum , alvi fluxus immodici , nec non sanguinis excretiones , aliaque non leviora his indè exorta fuisse , experimento deprehensum est . Quibus de causis eò adducitur Baccius , Libro Secundo , Capite XIX. ut credat , locum
 „ Hippocratis in Libro de Aer . Aq. & Lo-
 „ cis , ubi ait , calidæ aquæ , aut ubi ferrum
 „ nascitur , aut æs , aut argentum , aut au-
 „ rum , aut sulphur , aut bitumen , aut alu-
 „ men , aut nitrum , omnes duræ , & æstuo-
 „ sæ , quæ & difficulter minguntur , & ad al-
 „ vi egestionem sunt contrariæ , &c. ita esse
 intelligendum , ut tunc hæc mala prodeant ,
 cùm non jure balnei , ac medicamenti in
 usum ducuntur ; sed cùm aut cibis , aut poti-
 bus ineptè permiscantur .

*Duplex
 Therma-
 rii usus
 externus*

Porro Thermalium aquarum externus usus multiplex est ; cùm tamen balneandi ratio principem locum obtineat , duplicem potissimùm ob causam eadem adhiberi potest . Quippè alia voluptatis , alia medicamenti gratia instituitur . Et primò quidem voluptatis causa frequentatas olim Thermas fuisse , vel id ostendit , quòd Odyssææ Libro VII. inter voluptuariæ vitæ delicias , easdem Homerus retulerit . Hinc quoque elegantissimè Pontanus :

Quid

Quid Thermae, nisi lene, molle, mite?

Hic fas est juveni, hic licet puellae

Certatim teneros inire lusus.

Hic & basia, morsiculasque

Subreptim dare, mutuos fovere

Amplexus licet, & jocari:

Hanc legem sibi Balneae edidere.

Immò Thermarum licentiam usque eò pro-
vectam aliquandò fuisse scimus, ut variè ei-
dem magistratus animadverterint, nec non
leges aliquæ latæ fuerint, quibus præsertim
cavebatur, ne communia virorum, femina-
rumque lavacra essent. Utcunque tamen ve-
teres balneandi luxui adeò indulserint, sicuti
hic mos apud nos vix tantum non exolevit,
ita illud extra omnem dubitationis aleam po-
situm est, sanis non modò non conducere
Thermas ingredi, verum sæpè eosdem à bal-
neis ægritudines varias, easque gravissimas
contrahere. Ortum indè dictum, reservan-
das ægris hujusmodi delicias esse, sanis au-
tem propiora alia, atque tutiora oblectamen-
ta quærenda.

Ubi autem ad variarum ægritudinum in-
commoda auferenda balneum harum aqua-
rum adhibetur, non unus ejusdem usus esse
quecit. Siquidem, uti res, & occasio postu-
lant, sudandi, lavandi, detergendique causa
solet adhiberi. Hæc autem uti, cum ritè in-
stituuntur, maximè prodesse corporibus que-
unt, undè balneorum, uti ajunt, miracula;
ita

*Quot
modis
corpori
admove-
antur.*

ita ubi, five inopportune, five repugnante morbo, five invita natura, præscribi eadem contingat, ferè nunquam periculo vacare solent. Itaque cum morbus adsit, cui plurimum hujusmodi balnea adversentur, absint impedimenta jam memorata, corpus verò ægri, & temporis ratio præsertim, uti hyems se habet, ejusdem usum minimè interdiciant, & egregiè præscribimus balneationem, & prospero eventu eandem claudimus.

Purgatio ante balneum.

Prius tamen ritè purgentur corpora, necessum est; immò, si verum Practicorum plerique, inter quos præsertim doctissimus Baccius, Libro II. de Thermis, Cap. XII. memorant, multò diligentius, quàm cum Thermpotatio instituitur. Quo ea ratione perfectò, ut in percommoda tempora incidamus, ut sunt hinc Aprilis, Majus, & Junius, inde pars Augusti, September, atque October, habito ratione morbi balnei delectu, aggredi licet balneationis opus; idemque singulis diebus paulò post solis ortum, ac post excrementa alvi, vesicæ, narium, pectorisque, quà fieri potest, demissa, repetere.

Regimen balneationis.

Porrò accuratum ipsius balneationis regimen pellendo morbo summoperè conducit. Uti enim, pro ratione affectarum partium, variè insidere balneis oportet; ita & illud Hippocratis servandum est præ reliquis, quod in 3. de Ratione Victus legitur: nempe ægrum balneum ingressum, debere com-

„ po-

, ponere sese , & tacere , & nihil agere .
 Interea animadvertendus caloris gradus , ne
 vel morbus immodico calore augeat , vel
 vires ægri fortè collabantur . Immò , ut de-
 trimenti suspicio aliqua ex parte auferatur ,
 qui intus medicamento aliquo vires addant ,
 extra verò unguento ad rem apto Renes , He-
 par , aliasque , prout occasio fert , partes inun-
 gant , non desunt .

Moræ mensura , nec non dierum numerus , *Mora, & numerus dierum .*
 qui conveniat , ab ætate , temperamento ,
 morbo , & similibus colligitur . Pariter ve-
 rò ex ægri ipsius habitu judicare facile li-
 cet , semel , an bis in die intrare balneum
 expediat . Phlebothomia autem , cucurbitu-
 læ , hyrudines , medicamentaque alia , pro
 morborum varietate , balneationi variè per-
 miscenda , præsentis medici consilio relin-
 quuntur : hoc præsertim ubique servato , ut,
 quandiù balneatio protrahitur , sedulò alvus
 lubrica fervetur .

His sex rerum non naturalium regimen
 accedat ; utpotè quæ summè inalterare præ-
 sertim balneantium corpora valent . Prostant
 indè carmina super regimine eorum , qui A-
 poni balneis utuntur :

*Balnea qui sumunt Aponi , sint febre soluti ,
 Luce fugent somnum ; sit quoque cæna bre-
 vis .*

*Elixas comedant carnes , veneremque seque-
 strent ;*

Pro-

Provocet urbanos qualibet hora jocos.

*Regimen
à balneo.*

Eadem aliquandiù servanda esse & à balneo proficiscentibus, ratio, experimentumque suadere videntur. Hinc non pauca suppetunt exempla eorum, qui, hujuscemodi contempto consilio, ingens post balneationem detrimentum passi sunt. Cæterum in variis earundem aquarum usibus, balneis nempe siccis, vaporosis, stillicidiis, asperfusionibus, fomentis, aliisque, eadem ferè animadvertenda veniunt; assueto cujusque operationis ordine servato: cui rei satis, superque studio Clarissimi Baccii provisum est.

Luti usus duplex.

Lutum autem quod spectat, id duplici præsertim ratione ægrè affectis membris admoveatur. Aut enim calenti ceno ter, quaterve membrum circumducitur, donec totidem refrigeret; aut, ubi semel lutum superimpositum fuerit, solis radiis tandiu exponitur, dum exsiccetur, decidatque. Id bis in die ut plurimum fieri solet; & quemadmodum, antequam lutum adhibeatur, vel pars affecta sæpius calentis ipsius aquæ portione quadam fovenda est, vel integrè balneum in usum ducendum; ita, postquam è luto eandem extuleris, apto in hanc rem oleo, vel alio quopiam linimento obducenda.

Valetudini intereà recuperandæ summo perè conducit morbosam membra subindè leniter exercere: quippè & pars intermissis muneribus sensim assuescit, & meatus ejusdem faci-

lio-

liorem in posterum tenuibus luti particulis
appulsum exhibent. His omnibus tempera-
tissima anni tempora plurimum conferunt.
Quod reliquum, quia regulis super omni ha-
rum, aliarumque aquarum usu fusiùs di-
cendis præclarissimi scriptores, id enim ab
Falloppio, Baccio, Langio, Blondel, Cocke-
lio, aliisque permultis exactè impletum est,
non defuerunt; ideò ex ingenti apparatu,
paucula hæc memorasse sufficiat.



DISSERTATIO

De Situ, Minera, & Viribus

FONTIS LÆLII

ACIDI,

RECOBARI.

*Scriben-
di occa-
sio.*

LUbet in exitu Opusculi Novum Recobarii Fontem brevibus prosequi: quem sicuti mira primum inter erumpentes dulcissimarum aquarum rivos saporis aciditas notabilem fecit, ita mox inita permultis in Ægritudinum generibus experimenta vulgatissimum reddiderunt. Hujus, quòd sciam, nulli hactenùs scriptores meminere: Medentibus ex eo dumtaxat ad ejusdem aquæ potum præscribendum perductis, quòd aliis Acidulis non gustu tantum, sed & effectù plerumque, uti ferunt, simillimam invenerint. Hinc mihi consilium, examine Fontis, ut licuit, instituto, ejusdem indolem pro virili inquire

rere, atque actiones singulas perstringendo, si fieri poterit, quid certum super hac re pronunciare. Neque inglorius fortasse laboris eventus. Quippè, nisi novum lumen, hæc præstando, scientibus adjecero; illud saltem penes me erit, quòd sparsa colligendo multum operis aliis subtraxerim, atque interea non, quæ vario vulgi rumore circumferuntur, sed, quæ magistra rerum Experientia detexit, ingenua oratione conscripserim.

Igitur inter Montes, qui Vincentiam, quæ Occidens, & Septentrio est, latè prospectant, Recobarii Colles, vulgò *Recoaro*, quasi auri divites, quòd in iisdem latitare auri mineræ dicantur, viginti tria fermè millia passuum ab urbe siti sunt. Horum radicibus, quæ ex abscissis, præruptisque rupibus attoluntur, Recobarii Pagus imponitur; cujus situm lætæ ubique scaturigines fontium, temperies cœli, quemadmodum ex optimo præsertim incolarum habitu colligitur, & quæ montes facilia latera paulatim acclinant, soli fertilitas plurimùm commendant. Qua parte autem in Meridiem locus obvertitur, dives aquarum è propinquis jugis devolutarum, *Agnus Torrens*, Torrens (Agnum accolæ appellant) præterlabitur; qui dein quinque milliarium spatium emensus, ibique in planitiem valli haud absimilem effusus, loco eidem nomen indidit: ac proindè proximum pagum Agni Vallem, seu, corrupto, ut moris est, cognomen-

Recobarii descriptio, & situs; vulgò Recoaro.

*Valda-
neum.*

mento, Valdaneum nuncupavere.

At, quā Recobarii prospectus idem in Meridiem est, si vix ultra trecentos passus inter inæqualia collium processeris, in acidum laticem offendes, qui eodem ferè, quo genitus est, loco cum descendantibus circa dulcium aquarum rivis commiscetur. Huic paulò superiùs alius acidæ aquæ Fonticulus imminet: cujus initium ab inæquali collis prominentia in Septentrionem conversa ductum est, ibique modico foramine erumpens, non nisi inferiore loci parte cum aliis aquis confunditur. Duodecim fermè annos excessisse ferunt, ex quibus Rivus hic emanare cepit; primùmque dicitur ab præclarissimo Comite Lælio Plovenio Patricio Veneto detectus: undè & inlatum est aquis nomen, atque Fons Lælius nuncupatus. Nihilominus primis temporibus adeò vel omissus est, vel neglectus, ut nonnisi septem ferè ab hinc annis in medentium usum penitus transferit.

*Acidulæ
Fons.*

*C. Lælius
Plovenio.*

*Quomodo primū
in usum
ductus
fons Læ-
lius.*

Prima salubris Aquæ monimenta humoris luciditas, acidus ejusdem sapor, & scaturiginis ordo fuere: undè præ cæteris Aquis Acidulis S. Mauritii, & Vallis Solis perfimilis inventa dicitur. Quamobrem rei novitate permotis eorum animis, qui ad externas, diffitasque provincias acidularum studio trahebantur, non defuere, qui indolem Fontis, repetitis, uti moris est, hau-

sti-

stibus, explorarent. Neque experimento felicitas defuit. Quippè & hypochondriacis, & febris vexatis corporibus, aliisque adeò subvenit, ut non modò inter probatissimos Acidularum rivos hunc meritò recensendum esse, verùm etiam, propter ingentem subtilissimarum particularum proventum, eorundem permultis virtute præstare, præclarissimi viri existimaverint. Magnus propterea Julii, atque Augusti mensibus ad hunc Fontem Ægrorum confluxus est. Reliquis anni temporibus, non imminuta, quemadmodum vulgus opinatur, activitas aquæ, aut mutatum loci ingenium, sed corpora haud satis reserata intuitum hujusmodi potum fecerunt.

Cæterum permulti, ob gratissimæ aciditatis rationem, corpore nequaquam purgato, haustus aliquot in usum ducere consueverunt; sed præsertim incolæ, dum febris saltem intermittenti torquentur, ex ejusdem aquæ potu voluptatis plurimum, atque utilitatis percipere se profitentur. Idque, uti conjicio, indè potissimum evenit, quòd quemadmodum hujusmodi aqua febrilis æstus labori maximè adversatur, ita facilem sibi è corpore, expeditumque exitum munit. Bruta quoque, ubi semel, siti impellente, ad fontem accesserint, in posterum aquas easdem omninò non averfantur.

Itaque, ut acidi hujus laticis intimam, Fontis
quantum quidem in me situm esset, naturam examen

assequeretur, multiplici examine rem conficiendam mihi esse proposui. Atque in primis, ne subtilissima corpuscula, in quibus maximam hujus aquæ vim sitam esse, intellectu facillimum duco, qualibet interjecta mora, evanescerent; in ipsa scaturigine pleraque persolvi placitum. Quæ verò eodem in loco confici haud potuere, ita deinceps instituta sunt, ut aqua summa diligentia aliò transferretur, & quàm citissimè subjiceretur examini. Ut autem, quandoquidem hujusmodi occasio incidit; quæ mihi præ reliquis notatu digna visa sunt, ordine proponam, quatuor potissimum agenda erunt. Primò enim cum naturales hujus laticis notas, tum colores, aliosque effectus per admixtionem alienarum rerum indicabimus. Secundò, sumpta ex his conjectura, conabimur aliquid super minera ejusdem proferre. Tertiò, quæ vires ejusdem, ducto argumento cum ab effectibus, quos curare dicitur, tum ab contentis ipsius fontis, saltem per genera, designabimus, Postremò verò proponemus, quis utendi ordo plurimum probari consueverit.

*Integræ
aquæ co-
lor.*

Et I. quidem, ut ab integræ aquæ examine exordiar, colorem intuenti nihil ferè notatu dignum occurrit. Humor enim, qui indè enascitur, CrySTALLI instar, pellucidus est; & vix ullo unquam, uti ferunt, aut tempestatis discrimine, aut celi turbatur.

Odor. Odor verò sulphureus eidem, ac ferrugi-
no-

nosus; adeò ut non absimilem fortassè habere liceat, quotiescunque limaturæ Ferri Vitrioli Spiritus affundatur. Non diù tamen idem ex aqua sursum ascendere, atque olfactus organum pulsare consuevit. Quippè, quidquid id est, ocyùs evanescit; servatoque ex humore, nihil, præter grave quiddam, ad nares evchitur. Hæc apertius innotescunt, si aqua paulum calefiat. Namque subtiles particulæ in motum majorem actæ, veluti agmine factò, extemplò decedunt, licèt inter avolandum haudquaquam deprehendantur.

At in sapore gratus admodum acor percipitur; cui maximè, decoquente desuper Sole, miranda frigiditas accedit. Hæc tamen per alias tempestates, reliquorum fontium more, plurimum mitescere creditur; hinc & probè inter rigores hyemis à congelatione fons præservari. Cæterum, quæ primùm insignis aciditas hausto ex humore sentitur, citò exolefcit: quippè ubi nonnihil ore eundem detinueris, dempta aciditate, subobscurus quidam Vitrioli Martis sapor emergit. Sapor.

Porro ad tactiles qualitates frigus pertinet, æstiva tempestate plurimum vel conspicuus, vel auctus. Huic verò & asperitas haud modica accedit; non aliter ac si Chalcanthum ibi, Nitrumve solutum fuisset. Inde manus aqua eadem ablutas modicè exasperari, contrahique deprehendes: idque in Tactiles qualitates.

humore , diutiùs licèt extra scaturiginis locum fervato , experiri ubique facilè quisque poterit .

Contentorũ inspectione.

Ad contentorum inspectionem primo intuitu nihil , nisi bullulæ quædam referri queunt ; quæ , ubi in vitrum aquam fuderis , margaritarum , sive mercurii more plurimùm augentur , & sibilum excitant . At si nonnihil aqua vitris inclusa fervetur , turbari eandem paulatim contingit ; donec sedimentum quodam subrubrum appareat , illi prorsùs non absimile , quod iis in locis passim congestum est , per quæ effusus humor ad declivia devolvitur . Hoc autem in dies aliquatenùs augeri vel id demonstrat , quòd asservata per sexdecim menses aqua ferè semper novi aliquid flocculorum instar dejicere visa est .

Pondus.

Pondus hujus aquæ recens è fonte collectæ si animadvertatur , nullus dubitandi locus est , quin cæteris communibus aquis eadem levior sit ; idque inito per ariometram , & bilancem experimento . Hinc primum est colligere particulas tenuissimas , atque avolare nitentes , plurimùm hoc in latice contineri , à quibus aquæ pori undique dilatantur . Fit indè , ut si ab ortus sui loco aliquò transferratur , vires ejusdem minuantur , & brevi penitus pereant . Quod nonnisi ob fugam tenuissimorum corpusculorum contingere , vel ex eo conjectare licet , quod humor

diu-

diutius asservatus levitatem memoratam amittit, ac decessisse simul quantitatem aquæ apparet; quoniam nempe præsentem spiritum, aqueæ particulæ turgescere videntur, ac propterea locum ampliorem occupare.

Ad vires, facultatesque Fontis quod spectat, cum aqua ex eodem hausta mirum in modum, ac celeritate insigni meatus corporis internos trajiciat, non ambigendum videtur, quin volatilis alicujus salis dives sit; cujus ope aqueæ particulæ per quaslibet fistulas facile traducuntur. Deinde cum acore grato sit prædita, sitim extinguat, appetitum excitet, calculum minuat, moveat urinam, fas ideò suspicari, Chalcanthum subesse. Insuper, cum eodem potu Lienis, Hepatis, & Mesenterii venas aperiri contingat, Cachexiam tolli, acidos humores corrigi, alvinaeque faeces nigro colore non-nihil infici, Ferri inde præsentia non inconcinnè arguitur. Haud absimili ratione ab omni penitus sulphure immunem aquam pronunciare non decet. Quippè cum mirum in modum Catarrhis, & præsertim Asthmatis medeatur, Hydropem exsiccet, putredini resistat, mulieres, ut volunt non pauci, foecundas faciat, atque alia hujus generis moliatur, satis apertum videtur, dummodò alia experimenta non obsistant, harum actionum initium ab sulphure petendum esse.

His perſolutis , ad aliud examinis genus proceſſum eſt ; & primò quidem colorum varietatem experiri placitum . Itaque cùm roſas rubras exſiccatas in hujus fontis aqua decoquiſſem , videre contigit , aquam non rube-
dinem ex roſis , ſed viriditatem induiſſe : quo ſeoriſim per ſyrupum violarum probè cum aqua eadem mixtum , agitatumque ſæpiùs tentato , viridis admodum humor evaſit , cœruleo ſyrupi colore penitùs evaneſcente . Quod quidem non ab acidis ſpiritus particulis proficiſci exiſtimo , ſed ab ramenti metallicis craſſioribus , quæ videntur ad contrariam naturam eſſe referenda . Cæterùm hanc tincturam viridem ut deſtruerem , utriſque Vitrioli ſpiritum affudi . Continuòque viridis ſyrupi color in rubicundum omninò tranſiit , mira utrinque luciditate inſtructum . At nova ſtatim , ex ſuperaddito Oleo Tartari per deliquium , ſive ex ſolutione Cinerum Clavellatorum , coloris imago . Quippè , rube-
dine quaquaverſum poſita , intenſior priore viriditas temporis momento inducta eſt . Hunc effectum , in ipſo affuſionis articulo , efferveſcentia ingens præceſſit ; ſpumaque ex pugnantium ſuccorum regione exorta , ad vitri uſque ſumma pervenit . Neque rube-
dinem denuò inducere per Vitrioli Spiritum molienti res extra votum ſucceſſit . Immò viciffim repetitis Olei Tartari , & Vitrioli Spiritus affuſionibus , per ſingulas vices veli-

tationes eadem sequebantur, & varia viridis modò, modò rubicundi coloris imago prodibat. Quod reliquum, cùm hæc colorum mutatio ad contraria particularum genera referenda videatur, notandum, ex horum prædominio hunc, illumve colorem induci, cœruleum verò violarum à neutro eorundem ampliùs restitui.

His ubi ad satietatem curiosis oculis litatum fuit, recens è Fonte educto humori ^{Atramentum} Gallarum pulvis permixtus est; cùmque nigricans ferè color assurgeret, additis granis aliquot Vitrioli, atramentum scriptorium emerfit. Atrum hunc colorem spiritus Sulphuris extemplò corrupit. Quippè tinctura quædam, antiqui vini instar, flavescens exorta est; eousque conspicua, donec per Tartarum calcinatum obscure purpureus color assurgeret. Neque diù laboratum, ut priore nigredine humor inficeretur. Namque, viridis Vitrioli modica portione admixta, rursus color ater eductus; hicque denuò per Vitrioli Spiritum ablatus, flavescentem omninò tincturam exhibuit. Hæc novis conatibus rursus, iterumque tentata eundem semper ordinem non injucundo spectaculo servaverunt.

Colorum varietatem, uti aliis Acidularum descriptoribus videre contigit, hoc in Fonte experto, animadvertendum successit, quænam mineralium genera, quamque sub-

tilissimorum corporum texturam accuratio-
res aliæ observationes, variarumque rerum
infusio designaret. Itaque, cum fixa, an
volatilia sint, quæ huic Fonti infident, in-
primis exquirem, utraque sub forma eadem

Volatilia
corpuf-
cula. aquis his contineri, deprehendi. Et primò
quidem volatilium particularum proventus
ingens se prodidit. Quippè & bullas, mer-
curio vivo, ac margaritis non abfimiles, pas-
sim à fundo ascendentes, & sibilum circa su-
perius orificium vitri, quo aquam exceperis,
excitatum, & fractiones vitrorum, quæ a-
qua eadem repleveris, clausurisque, aquæ
demùm ipsius recens eductæ levitatem, non
ad alias causas, quàm ad volatilia corpuscu-
la aquis innatantia, atque exitum quæren-
tia, aptè retuleris. Et licèt, partim ob mi-
ram spirituum tenuitatem, uti ex perniciosissimo
eorum motu, & fuga colligere est, partim
ob proventum quarundam partium crassio-
rum, in quæ facilius, quæ infuderis, impin-
gunt, expectati ab aliarum rerum infusione
effectus in universum non prodeant; tamen
vel unus operandi ordo, qui ex harum aqua-
rum potu habetur, ostendit apertissimè, vo-
latilium corpusculorum ingentem multitudi-
nem ibidem reperiri. Porro hæc acidæ ferè
Spiritus
acidus. naturæ esse varia ostendunt; illudque præ
cæteris, quòd, ubi ab aqua eadem aeri ex-
posita spiritus discesserit, quod ocysimè eve-
nire solet, grata illa, insignisque aciditas si-

mul

mul tollitur; atque indè obtusus quidam sapor dumtaxat habetur, quo Vitriolum Martis videtur indicari. Cæterùm horum spirituum portionem aliquam captandi adempta mihi spes omnis est; iisdem, quacunque sedulitate, ac solertia aquam pertentari, in apertum evadentibus.

Crassiores verò particulas simul in aquæ poris adesse, præter earundem actionem in ea, quæ infundi solent, id satis evincit, quòd non solum ignis ope, verùm etiam spontè in humore diutiùs detento multa secedunt, & fixa remanent; quæque longiùs igne tentata densiùs videntur concreescere. Hinc aqua eadem, ubi volatiles particulæ omninò discesferint, communi cæterorum fontium gravior aliquatenùs evadit; quòd nempè aliqua ejusdem poros impleant, & compactiorem quodammodò molem reddant. Hinc etiam non exigua terræ portio, post assuetum examinis laborem, elicitur: in qua, præter ramenta nonnulla mineralia, uti dicetur, salis etiam corpuscula quædam inveniuntur.

Vitriolum quod attinet, non unum succi hujus argumentum. Etenim, si quis decipi se sapore posse, quod vix crediderim (satis enim doctissimus Melchior Sebizius, in tractatu de Acidulis, dissertatione quarta, sect. 1. ostendit intensam aciditatem ad Vitriolum esse referendam; quod & Paracelso placuisse, de Therm. tract. 3. cap. 9. reperio) suspi-

*Parti-
culæ fixæ.*

Vitriolum.

pi-

picatur ; infundat is acido huic humori rite paratam solutionem Gallarum . Qua ex permixtione , ubi color quidam ex rubro ferme in atrum paulatim degenerans , qui deinde videtur paulatim intendi , atque atramenti odor aliquis emerferit , non erit facile aliunde , quàm à Vitriolo hos effectus derivare . Idem ex aspersione pulveris Gallarum evenit ; itemque aliquod Vitrioli signum habetur ex foliis Tea , corticibus Granatorum , Foliis Quercus , Myrabolanis , & similibus . Prætereaque vitriolicum acidum evincunt cærulei in Tornasole coloris aliqua mutatio in rubrum , & præcipitationes omnes , quæ immixtum Sp. Urinæ , atque alia hujus generis sequutæ sunt . Etenim eodem ferè ordine turbata est aqua , descensusque coaguli sequutus est , æqualis ferè illi , quod ex Vitriolo albo consuevit præcipitari . Cæterum arduum duxerim , ob succum ad maturitatem haud proVectum , Vitrioli Crystallos inde elicere . Attamen quoniam , ducto ab analysi Vitrioli naturalis , & compositione artificialis argumento , manifestè apparet subesse Vitrioli Martis principia ; ideò crediderim , aliquandò ab expertissimis hunc quoque succum , quolibet in maturitatis gradu idem intelligatur , inde educi posse .

*Martis
examen.*

Quoniam autem veritati magna ex parte consonum videtur , quod habet in Pharmaceutica Clavi Clarissimus Hoffmannus , nem-

„pè

pe Acidularum virtutem medicam depen-
dere à subtilissimis Mineralium Spiritibus ex
actione, & reactione in Martem; haud ab-
simili ratione Ferrum, sive Martem subef-
se, conjectamus. Quam quidem sententiam
id maxime fulcit, quod non procul hac aqua-
rum scaturigine Fodinæ Ferri inveniuntur.

*Ferri
Fodinæ.*

Accedit & ferrugineus odor, & sapor; præ-
tereaque coloris argumenta, cum ex aquæ
sedimento, tum ex Gallarum pulvere, atque
omnium ferè adstringentium desumpta; quæ
omnia non solum Vitrioli, verum etiam Martis,
cui satis conspicua aciditas, licet multò remis-
sior, quam Vitriolo, inest, præsentiam arguunt.

Neque si vel internos hujus fontis effectus,
vel dejectiones aquas easdem bibentium in-
spicias, rem aliter se habere deprehendes.
Quippè sicuti per eas non aliter corporis mea-
tus undique patefiunt, ac per Vinum Chaly-
beatum, ac Crocum Martis aperitivum, cæ-
teraque ex hoc parata medicamenta; ità &
alvinæ fœces, quodammodò denigratæ, re-
medii ipsius naturam ostendunt. Præ ceteris
tamen hoc vel unum sententiæ robur addit,
quod tanta inter Martem, & Vitriolum ne-
cessitudo intercedit, ut unum ex altero facile
eliciatur. Unde, quemadmodum in Pharma-
ceutica Clavi Hoffmanus habet, sicuti Vitrio-
lum Martis, ubi valido igne torqueatur, pri-
stinam metalli formam recuperat, ità ex lima-
tura Ferri, ope Spiritus Sulphuris, Vitrio-
lum

*Necessi-
tudo
ingens
inter
Martem,
& Vi-
triolum.*

lum extrahi facillimè queit.

Ad hæc & Luti color Marti proprius videtur; & quemadmodum metallum in terra illius collis pondere se prodit, ita &, tellure altiùs effossa, si glebas indè extrahas, & Agricolaë experimentum, uti habetur è Libro septimo, ad venam ferri explorandam, adhibeas; eò tandem perveniri poterit, ut Magnes in ramentum lotura collectum impositus apertè Martem ostendat, ferream scobem ad se trahendo. Ità & sedimentum ex aqua eadem, quod habetur sub forma pulveris sub-rufi, collectum si sedulò animadvertatur, patebit nihil aliud esse, quàm corpuscula ferrea terrestribus permixta, ab acido subterraneo soluta, quæ deindè ob defectum acidi fixioris in Cryсталlos concreescere haud potuere. Hæc quoque ritè parata Magneti aliquatenùs obsequi apparebit; &, ubi haud absimilem à naturæ instituto compositionem quis moliatur, indè Vitriolum Martis optimum extrahi posse, non sine ratione crediderim.

Quod reliquum est, libet hac de causa medentibus gratulari, quòd Ferreas Aquas in Italia quoque reperire datum sit. Notum enim celeberrimi Falloppii dictum, de Thermis, Capite octavo; qui postquam negavit, huiusmodi aquam hac in regione usquam inveniri: utinam, ait, tales aquæ reperirentur, quia meliùs ageretur cum iis, qui laborant affectibus Renum, & Vesicæ.

Por-

Porro de Alumine, ne quidquam omittamus, quid statuendum sit, nosse difficillimum. Quippè, licèt nullus sapor vinosus, & stipticus adsit, nec injecto pulvere Gallarum aut tinctura, aut sedimentum album apparuerit, nec post spiritus Vini admixtionem lactescencia ulla exorta sit, nec aut ex Bresilii ligni coctione, aut ex additione Coccinellæ, atque aliorum hujus generis, expectatus color emerferit, &, quod magis est, neque effectus facultati aluminis respondere omnino videantur; adhuc nihilominus intutum pronunciare, nullam his aquis Aluminis portionem contineri. Quippè pronum cuique, Vitriolo præsentem, objicere, ex his omnibus prædominium quidem Aluminis, at omnimodam ejusdem absentiam nequaquam evinci.

*Quid
dicen-
dum vi-
deatur
de Alu-
mine.*

Accedit & plurimorum esse sententiam, nunquam ibi oppugnandum penitus Alumen esse, ubi Vitriolum habetur; quoniam ferè ubicunque Ferri Metallum, ibi & Aluminis cum eodem commixtum reperitur. Hinc Georgius Agricola, Libro secundo de re Metallica, Alumen, Vitriolumque succos cognatos appellat; ex uno, eodemque lapide confici utrumque posse, asserit; demùm omne Vitriolum Alumen continere apertè tueretur: ordine ibidem delineato, quo unum ab altero aquæ, vel urinæ ope secerni queat. Huic præ ceteris favet Recentiorum Medicinæ scriptorum præstantissimus Michael Et-
mul-

*Ubi Vi-
triolum,
ibi & A-
lumen.*

mullerus: qui Pyrotechniæ Rationalis Libro primo, sectione prima, Cap. 11. & 12. Alumen Vitriolo cognatum vocat; atque artis ope hos succos paranti captu facillimum ostendit, quantulum discrimen inter utrumque interfit.

*Quid sit
Alumen.*

Enimverò cum nihil aliud Alumen sit, quam petrosum terreum corpus ab acido spiritu solutum, & in aluminosam, pellucidam substantiam conversum; videtur fieri minus vix posse, quin dum spiritus idem agens in Ferream glebam Vitriolum orditur, eodem quoque tempore terrestres particulas, iisdem glebis ferè ubique intermixtas solvat, atque inde Aluminosum quiddam conficiatur. Addendum his est, ex sedimento ab aquæ hujus evaporatione crystallos quasdam perpaucas, atque uti vocant, irregulares, Aluminis saporem quendam præferentes haberi: ac propterea afferendum videtur, non prævalere quidem in hoc acido latice Alumen; at cum ob cognationem, quæ inter ipsum, & Vitriolum intercedit, tum ob reliquas conjecturas, nullam satis validam rationem suppetere, propter quam omninò rejiciendum sit.

Nitrum.

Nitrum quod spectat, ut sileam de ejus speciebus plurimum certari, variè hujus præsentia in aquis medicatis proponitur, oppugnaturque. Siquidem visum quamplurimis est impossibile, non modò salem hunc in i-

mis

mis terræ visceribus oriri posse, verum etiam alibi reperiri, quàm ubi animalia plurimum degunt. Attamen si nonnullos aquarum Metallicarum exploratores audiamus, & immigrare posse in easdem varias Nitri species, & inventas quoque in non paucis fuisse constat. Idcirco Dom. Du Clos, in examine aquarum Mineralium Gallia, observationum Classe secunda, in aquis de Bourbon, Archambault, de Chaudesaigues, du Mont d'Or, de Neris, aliisque, salem quendam Nitro à veteribus descripto persimilem repertum fuisse testatur.

At Benedictus Gründel in Roitschensibus Acidulis, Capite octavo, deprehensos à se flores Nitri, ait, simili ferè ordine, quo Hadrianus à Mynsicht florum eorundem præparationem docet in Armamentarii Medico-Chymici Sectione prima. Item detectum in aqua Medica Bibergensi Nitrum apertissimè, refert Eberhardus Cockelius, Consilio XXXI. aliique: adeò ut, cum glebæ quoque, uti notat Linster, Cap. XII. hujus salis feraces inveniantur, extra dubitationis aleam positum videtur, posse Nitrum quoque mineralibus fontibus misceri.

*Acidulae
Roitschē-
ses.*

*Aqua
Biber-
gensis.*

Hujus autem generis succus an Lælio fonti infideat, pronunciare haud facile est. Quippe uti, adhibita solutione Mercurii Sublimati, Mercurium eundem in nullam tincturam accedentem ad colorem corticum malorum aurantiorum maturorum ab hoc sale præ-

præcipitatum, uti ex veri Nitri præsentia oriri volunt, non habuimus; ita nullatenus ab exigua portione salis, ab sedimento ejusdem aquæ deprompti, Nitri notæ, sive per ignem, sive per alias infusiones quaslibet elici unquam potuere. Nihilominus tamen, cum aliarum rerum mixtio effectibus omnibus Nitri valeat satis obsistere, nolim ita mihi causæ hujus defensionem suscipere, ut negem apertè, ullum penitus hîc Nitrum statuendum esse. Cum enim, connexio hujus ingens cum Ferro quoque sit, uti testatur in Pharmaceutica Clavi doctissimus Hoffmannus; ita quæstionem hanc finiam, ut, si Nitrum aliquod hoc in fonte reperitur, idem in exigua penitus quantitate subsit.

Sulphur. Enumeratis fossilium generibus accensendum est Sulphur, quod, iis omis-
sis, quæ ab odore, & connexione Sulphuris cum Vitriolo passim desumuntur, scimus enim Chalcanthi venam, dum foditur, fetidum, ac grave olentem sulphuris eructare halitum, ex affusione Olei Tartari per deliquium, Aceti acerrimi destillati, similiumque conspicuum fieri videtur. Idem ex versicolore pellicula, inter evaporandum concrecente, aliisque aliquatenus innotuit. Quoniam tamen apertiores notæ sulphuris haberi post varios labores haud potuerunt; uti inficiari neminem posse crediderim, sulphur hoc in latice inveniri, ita dicendum videtur, magna ex parte

parte tenuissimam ejusdem portionem eidem permixtam; quod & ex iis, quæ dicturi sumus, aliquatenus innotescet.

Salis verò Communis an pars ulla subsit, si exquiras, illud inprimis obvium est, nullum ejusdem in sapore signum haberi. Scias tamen & Argentum, in Aqua Forti de more solutum, aquæ huic infusum fuisse. Cum autem Lunæ calx non præcipitaretur, afferendum propterea visum est, Fontem ipsum Sale Communi imbutum non esse. Neque aliter res evenit, postquam idem Argentum probè solutum, decantatumque aquæ eidem, cujus portio, subdito igne, jam evaporaverat, permixtum est. Rursus verò, si cum salis indè deprompti, atque iterum in aqua soluti portione probam instituas, ac per alia infusionum, & ignis experimenta hujus salis effectus deprehendere coneris, magis patefiet nullam cum Sale Communi cognitionem eundem habere.

Si autem diutiùs circa sedimenti examen incumbas, nullum Sal Ammoniacum, Arsenicum, aut aliud quidpiam hujus generis ibidem latitare intelliges; uti nec Aurum, aut Argentum, quod & infusa aqua falsa exploratum fuit. Pro Æris tamen præsentia scio aliquos dimicare. Qui demùm addunt, excitatum aliquandò ab hujus aquæ potu vomitum, aluique dejectionem, ad Æris actionem, cujus ii creberrimi effectus

N

sunt,

Nulla
salis cō-
munis
nota.

Sal Am-
mon Ar-
senicū.

Aurum,
Argen-
tum.
Æs.

sunt, aptè referri. Quam sententiam, quidquid aliis videatur, nullatenus sectari auserim, quoniam uti horum symptomatum causa Martis Vitriolo cum Ventriculi, tum Intestinorum fibras aliquandò irritanti assignari æquè potest, ita & procùl hac aqua nauseosus sapor abest, quod volunt subiecti Æris indicium esse, & nullæ, quod magis est, ab sedimentorum examine notæ apparent, quibus Æris præsentia statui queat.

Veruntamen prætermittendum non est, videri id maximè indicare, purum in hac Aqua Vitriolum Martis esse, quòd cum ubere proventu Ferri ejusdem vena subsit, etsi partem aliquam Æris acidus hujus aquæ spiritus solveret, in venæ Ferreæ transitu dimittere eandem deberet; vel semel assumpto Ferro, nunquam in ejus locum Æs amplecti. Hoc esse veritati summè consonum, ii fatebuntur, qui norint, quomodo Vitriolum cum Venere, & Marte conjunctum ad Medicum usum præparari queat, purum illud redigendo. Siquidem, si hoc mixtum ex utroque metallo Vitriolum in aqua solvatur, ubi ignem subjeceris, atque bacillos ferreos in aquam eandem immiseris, Veneris metallum ad fundum præcipitabitur. Quod ideò evenit, quia acidum in Vitriolo, relicta Venere, aggreditur Martem; atque indè & quantum

tum Veneris in eo priùs latitaret, deprehendes, & purum indè habebis Vitriolum Ferri. Id an æquè in ditissima, quæ huic fonti subest, Ferri vena evenire possit, aliis judicandum relinquo.

Cæterum, ne nimius sim, quemadmodum quæ ad evaporationem, insolationem putrefactionem, & decoctionem hujus aquæ spectant, eo ferè rediguntur, ut ex supradictis colligi facilè possint; ita, quæ in destillatione ejusdem adnotata sunt, nihil omninò novi portendunt. Quippè cum merum flegma insipidum prodiisset; id ab nullius liquoris miscella alterari posse deprehensum fuit. Item & caput mortuum ferè omninò insipidum relictum; quod ubi sedulò pertractaveris, non inconcinnè fortassè, Vitrioli leviter calcinati imaginem quandam præ se ferre, dixeris.

*Evapo-
ratio,
&c.*

*Destilla-
tio.*

*Caput
mortuū.*

Si verò indolem loci, in quo Fons hic reperitur, animadvertamus, certo certius est, Ferri fodinas circum reperiri, easque satis uberes; ut experimento Magnetis deprehendere est. Quà verò aqua fontis excurrit, bolaris quædam terra rubra, sive ex flavo, ut ajunt, rubella obversatur: & rursus iis locis, ad quæ humor idem pertingit, virentes herbæ sæpè sæpius innascuntur. Porro, hoc affuso, coagulationem lacti induci contingit, pisces verò nec ibi vitam protrahere posse, nec legumina quædam in eodem mol-

*Ferri
Fodinae.*

liri, aliaque permulta; quæ undè prodeant, opus non est explicare.

Fontis
Lælii mi-
nera.

II. Cùm igitur ex antedictis appareat, tria esse potissimùm ea, quæ notatu digna in hoc latice occurrunt, Spiritum nempè quendam subtilem, penetrantem, acidum, atque summè dissolubilem, Ferri Venam corrosam, vel spontè subsidentem, atque effectus ferè omnes, qui ex Vitriolo haberi consueverunt (cætera enim, quæ nuper attigimus, etsi insint, pauca adeò sunt, atque inconspicua, ut animadversionem mereri non videantur) suspicari fas est, in eo mineræ ejusdem momentum verti, ut quidquid virium habet, id omne cùm ab Vitriolo Martis, à fale acido, volatilique resolutò, tum à portione spiritus ejusdem nondum coagulata proficiscatur. Propterea videtur, hujusmodi esse Fontis hujus initium, ut dùm aqua subterraneas vias variè perreptat, Spiritum quendam salinum, acidum, eumque tenuissimum excipiat; cujus auxilio, dùm Ferreas venas immaturas trajicit, martialia corpuscula solvat, eademque poris suis intermixta foras deferat. Hinc vitriolicæ, quæ huic fonti insidet, venæ exordium: Hinc magna adhuc in eodem portio spiritus, nullis vinculis coercita, & facilè evaporans, utpotè quam aqua præfato operi non insumpsit. Rem illustrat cùm naturalis Vitrioli analysis, tum synthesis illius, quod arte parare consue-

vimus. Utrisque enim pro principiis, acidus quidam spiritus, & metalli corpuscula substernuntur.

Quæ tamen ut clariùs innotescant, ac simul effectuum hujus fontis omnium rationem aptiùs investigemus, liceat rem paulò accuratiùs pensitare. Utque inprimis, quæ ad spiritum attinent, attingamus, quemadmodum inveniri nemo potest, qui in Lælio Fonte præsentiam hujus inficietur, ita, cum nullis vinculis coerceri queat, naturam ipsius intimam conjectura perquirere, arduum est omninò, atque anceps. Quippè cum earum rerum indolem, quarum ortus natura occulit, non aliundè perspectam habeamus, quàm ex iis, quæ ordine quodam haud ab simili aut artis ope molimur, aut satis apertè aliis in rebus spontè fieri cernimus; oritur indè, ut quotiescunque ea sese nobis offerunt, quæ & industriam omnem, subtilitatemque artis superant, & cæteros naturalium mixtionum, & solutionum limites excedunt, eadem ferè penitùs ignoremus. Hac de causa, cum nullo unquam labore sive ex vegetabilium, sive ex animalium familia parari acidus spiritus potuerit, qui volatiliior sit aqua, & nihilominùs plerique acidularum fontes eodem spiritu turgeant, ortum consilium, nullum aliud super hoc ferri judicium posse, præter id, quod ab effectibus desumitur. Multus proptereà ipso de spiri-
Spiritus
acidi na-
tura ab-
ditissima
Ejusdem
effectus.

tu sermo; plerisque ejusdem texturam, mixturemque mirantibus, propter quas facile se in ductus quoslibet insinuat, fermento stomachi nequaquam adversatur; nervoso latici, sanguinique quos ultrà modum non laceffit amicus est, itidemque ob dilutum, & volatilitatem summam, quam habet, aptè se ab secundis succorum qualitatibus tuetur, ac demùm sine factitii aeris excitatione degeneres particulas solvit, expeditque; ut deinde per urinam, sudores, insensibilemque transpirationem promptius eliminentur. Hinc inter eorum solventium numerum, principe tamen loco, collocandum censent, quæ ferè sine ulla sensibili evacuatione, haud multum ab digestionum motibus coercita, valent eò utilium succorum, recrementorumque fermè omnium texturam redigere, ut mirum in modum puritatem sanguini concilient.

*Spiritus
idem sulphuris
spiritui
similis.*

Nihilominus sunt, qui arbitrentur, posse nos spiritus istius imaginem quandam intueri, si animadvertamus, inter hunc, & acidum Sulphuris spiritum cognationem aliquam, & similitudinem intercedere. Cum enim ex Sulphure acidum universale omnium mineralium arte parabilem eliciatur, ut in compositione Vitrioli, Aluminis, aliorumque cernitur, quidni liceat suspicari, spiritum hunc quoque salinum, intra terræ viscera elaboratum, atque inservientem generationi

eorum mineralium quæ natura contingunt, huiusmodi esse; præsertim cum, instituta horum analysi, præter insipidum flegma, & metallum, lapidemve corrosum, semper acidus quidam spiritus haberi consueverit? Propterea non sine ratione ingeniosissimi viri, Paracelsus, atque Helmontius, agentes de subtilissimo corpore, quo metallicæ aquæ turgent, videntur idem Spiritum acidum Esurinum, embryonati cuiuspiam Sulphuris nuncupavisse. Inter quod tamen, & artificiale sal Esurinum Sulphuris haud modicum discrimen intercedit. Quippè uti illud, quemadmodum ajunt, propinquius est primis seminibus in radice, atque ideò omnium purissimum, & nobilissimum, nobis verò, quibus id coercere nequaquam datum est, multò minùs ullo artificio parabile; ita hujus nulla portio haberi potest, quæ non aliquo peregrini corporis connubio plurimùm à primæva puritate decesserit.

*Spiritus
esurinus
sulphuris
embryonati*

Quo posito, cum nos opera naturæ, utpotè quæ nostras ridet leges, ex industria nostra semper ineptè dimetiamur, non est valdè laborandum, ut statuatur, quo ordine nitidissimus ille spiritus ab inferna tellure prodeat. Sive enim ex spiritibus sulphureis incensis oriatur, sive, quod veritati propius est, & indoles ejusdem præclarissima magis exposcere videtur, alio quovis subtiliore instituto ab sulphuribus iisdem secernatur; abun-

dè est, innuisse, per hunc generationes mineralium, aquarumque medicatarum omnes satis doctè, quantum quidem in nobis situm est, explicari posse. Sequitur propterea, eos, qui idem non sentiunt, ad meliores alias causas confugere debere; quas ut in tanta rerum caligine comminisci, difficillimum erit, ita ubi easdem invenerint, in eorundem sententiam, priore relicta, nos quoque pedibus ituros esse, pollicemur.

Sal centrale medicatos fontes facit.

Ferreae venae solutio.

Itaque, uti Sal istud volatile Esurinum, sive Centrale, alienae commixtionis penitus expers, fontem aliquem ingressum, miram eidem salubritatem impertitur; ita continget, aquam ipsam ad plures alios usus aptari posse, quotiescunque illius auxilio alia corpora ritè soluta eidem misceantur. Id Lelio Fonti evenit percommode Ferream namque venam immaturam offendens, eandem solvit, solutamque, atque intimè sibi permixtam, secum ducit. Neque abhorrere à veritate hujus fontis exortum dicet is, qui aliarum Acidularum naturam contemplatus fuerit. Præ ceteris verò favere huic conjecturæ videtur diligentissimus Rochas, aliàs memoratus; qui cupidine primæ etiam hujusmodi aquarum scaturiginis cognoscendæ ductus, cum effossa humo, usque ad acidi fontis originem pervenisset, deprehendit salinam ibi, subacidamque aquam esse, ac deinde per Ferri, vel Cupri venam transeundo, de-

demum in exortu medicatum laticem integrum præstare.

Porro, non est silentio prætereundum, *Spiritus coagulatione.* metallici fontis aquam, post solutionem Ferreæ venæ, non ea spiritus quantitate polle-
re, qua antea turgebat. Siquidem istius operis hujusmodi eventus est, ut qui Spiritus solutioni impenditur, cum eadem vena soluta coaguletur.

Ex eo autem conjicias, plus, minusve spiritalis succi consumptum fuisse, quò magis, vel minus Ferri dives est vena, & quò majore, vel minore mora circa venam eandem aqua immorata est. Neque tamen, statim ac Spiritus venam permeavit, cum eadem coagulationi paret. Sed adhuc super eandem erosam, raptamque operatur, donec tandem, absumptis viribus, veluti aculeo emisso, fatiscat.

Latere indè causa non potest, cur aqua *Cur aqua lucida sit.* ex Lælio fonteeducta lucidissima sit; ubi verò aeri aliquandiù exposita fuerit, concinno aciditatis sapore plurimum amisso, pulvis quidam imum petat, ac denique subrufum in eadem sedimentum appareat. Partim enim in apertum effusis spiritibus, undè, subsidentibus aquæ particulis, angustiores humoris pori fiunt, partim, ut Helmontii verbo utar, iisdem ad finem activitatis delumbatis, imbibita vena fidit, aqua verò priorem saporem amittit. Quæ res vel una satis valere pot.

potest ad eorum coarguendam sententiam, qui putant, ex loco natali transmissam aquam, virium jacturam minimè pati.

*Vitriolū
maturū
cur inde
non eliciatur.*

Cæterum, licet apertum videatur, quomodo Vitriolica Martis vena in hunc fontem immigret, nempe quod acidus Spiritus mineram Martis corrodat, atque exinde cum Mars, tum Spiritus in unum concrecendo, Vitrioli substantiam constituent; tamen facile conjicio, non defuturos, quibus hæc philosophandi ratio displiceat. Quam rem quia hic agere propositum non est, animadvertisse sufficiat, omnes scriptorum contentiones super Vitriolo Martis in acidulis contento inde oriri, quod sæpissimè nullum Vitriolum maturum parari ex iisdem fontibus potuerit. Sumpto inde argumento non pauci ad alium solutionis ferreæ venæ ordinem confugerunt. Quod licet variis rationibus confirmare adnitantur, nihilominus crediderim eò rei totius summam redire, ut Vitriolum quidem maturum difficillimè ab medicatis aquis eliciatur; attamen non satis aptè unquam inferri arbitror nullum idcirco Vitriolum subesse, & stamina vitrioli etiam sub aquis duci nullatenus posse. In aere enim, ut aliquod rei hujus argumentum afferamus, ideò è Ferri metallo Vitriolum maturum sensim exoritur, quoniam in pyrite, cujus partes præcipuæ sunt Sulphur, & Martis vena: Sulphur ab aere eodem solutum internix-

tam

tam mineram corrodit, ac dùm paulatim cum eadem satis soluta concrefcit, tandem fenfim erumpens, in Vitriolum maturum, omnibus circà hanc germinationem adjuvantibus, efflorefcit. Sub aquis verò haud aliter acidus Spiritus Martem quidem aggreditur, eumque folvit; fed quoniam, antequam hæc duo in unum ritè concrefcant, fuum veluti extra uterum pertrahuntur; non mirum eft perfectam turbari Vitrioli germinationem, atque sæpèfæpiùs nullum ferè maturum elici Vitriolum. Non ideò tamen crediderim, ablatam penitùs fpem effe hujus fucci inde conficiendi: cùm id contigerit & Helmontio, qui in Sapadanis fe in ferri Vitriolum offendiffe apertè testatur. Cui quonam valido fatis argumento adimi in hac re fides penitùs poffit, viderint alii.

Quod reliquum eft, haud multùm obftant, quæ adverfus allatam à nobis fententiam in medium afferri queunt. Primò enim, utcunque videatur alicui non fine ratione objici poffe, gratis concedi Salem Efurinum, five Centralem ufpiam exiftere; illud tamen extra omnem dubitationis aleam pofitum eft, aut fubtiliffimum hujusmodi fuccum, aut aliud quiddam huic prorsùs non abfimile affignandum effe, ut mineralium productiones explicentur. Alioquin non video, unde tot abditarum rerum caufæ, & præfertim germinationis eorundem corporum principia peti queant.

Dein-

*Inven-
tum ta-
men ab
Helmōr.*

*Obje-
ctionum fo-
lutiones.*

*Salis
centra-
lis ne-
cessitas.*

Quomodo ab eo ferrea

vena solvi queat.

Vis menstruorum à figura.

Cur vena subsidat.

Deinde hoc Esurino Sale solvi Ferream Venam, utpote Ferro compactiorem, haud posse, ineptè ex eo videtur inferri, quòd quædam alia menstrua vel validissima, ut Aqua Fortis, & Nitri Spiritus, non valeant eandem corrodere. Siquidem in menstruum operationibus non ita seres habet, ut secundum roboris gradus, corpora dura, vel mollia ab iis aperiantur; verum momentum omne aptitudinis ad solutionem variarum rerum, pendet ab varia textura particularum ipsius menstrui, propter quam variè aperienti corporis poris aptantur. Hinc sæpè experimur, validissimis menstruis mollia dumtaxat quædam corpora solvi; & rursus menstruis fermè insipidis vel compactissima referari. Neque multum negotii faceffit, quod memorent nonnulli de subsidentia venæ corrosæ, non intelligentes, quò fieri possit, ut si, more aliquot Chymicorum liquorum, vi acidi Spiritus aquæ permixti, Vena solvitur, non illorum quoque more aqua eandem jam solutam sustineat. Dispar enim ratio est particularum solutionem procurantium in naturali hoc menstruo. In quo tandiù aqua summa in perspicuitate corpus opacum venæ ferreæ oculit; dùm spiritus à connubio Venæ ejusdem liber adest, is verò, qui solutionis opus aggressus fuit, nondum cum eadem prorsus coagulatus est. Quorum actione cessante, idest hoc coagulato, priore evanescente, idcò

ideò & vena subsidet, quia aqua prioris menstrui naturam non habet. Eadem quoque de causa evenit, ut post subsidentiam venæ, vel calore admoto, ocræ semel depositam aqua iterum non assumat. Quæ omnia plerumque in liquoribus Chymicis secus contingunt. Quoniam in iis, quæ corpuscula adjectum corpus solverunt, plurimum adsunt; atque idcirco vel sunt in causa, ut corrosi corporis particulæ inum non petant; vel, si id evenerit, dum ignis adminiculo in motum cientur, iterum in easdem agunt, ac propterea, quod subsederat, facile resumunt.

Cæterum & ego in ea sum sententia, ut credam, ægrè iis in locis confici Vitriolum posse, in quibus inopportunos aquarum fluxus est; & rursus hujusmodi succum, ad justam maturitatem provectum, lenta è pyrite germinatione prodire. Attamen hæc omnia non ad cujuscunque, sed ad maturi dumtaxat vitrioli procreationem referri debent. Cum tamen variè comparatæ esse possint fontium venæ, iterumque varia textura prædita ferri metalla; vel id apertè indicat, in hoc, vel illo maturitatis gradu confundi fontibus Vitriolum posse, quod è non paucis vitriolum vel maturum etiam elicitur. Quo autem hæc ritu, quave ratione fiant, nostræ opis explicare non est. Adeoque satis erit, per compendia ibi Vitriolum assignare, ubi principia idem componentia reperiuntur, licet

*Vitriolæ
maturæ,
Crimma-
turum
undè,*

cèt ad maturitatis statum non pervenerint. Si quis verò est, qui tantam industriam polliceatur, ut differentias omnes, gradusque noscere funditus queat, hunc & laudamus, & exonerari laborum nostrorum partem fate-mur. Nos enim, uti consideranti patebit, multa hìc leviter tantùm attingere, multa quoque de industria penitus declinare studui-mus; illud præ cæteris, multorum præeunte exemplo, veriti, ne in abditissimis hisce na-turæ operibus illustrandis, in eorum errorem incideremus, qui faciunt næ intelligendo, ut nihil intelligant.

*Virtutes
fontis ab
acido spi-
ritu, &
vena fer-
ri.*

Colligi igitur ex prænotatis facilè potest, medicati, de quo agimus, Fontis virtutes omnes partim ab Acido Spiritu haud coagu-lato, partim ab Vitriolo Martis oriri. Et li-

*Spiritus
effectus.*

cèt maxima medicaminis vis in portione niti-dissimi spiritus sita sit; tamen haud modicè agris corporibus soluta quoque ferreæ venæ corpuscula conducunt. Prodit actiones suas spiritus, ubi corpus ingressus fuerit, inci-dendo, resolvendo, & penetrando, atque

*Et Mar-
tis.*

indè diuresim præ cæteris promovendo. Mar-tis verò vena, ipso marte nobilior, quoniam iis adhuc partibus prædita est, quas inter fusio-nem fornax suffuratur, Sylvestrium salium oberrantium, & quoquomodo Oeconomix animali officientium vim infringit, eosque

*Excre-
menta al-
vi nigra.*

tandem sibi adhærentes foras per alvum pro-vehit. Hinc excrementa alvina aquam hanc

bi-

bibentium nigra ferè semper esse consueverunt. Quoniam nimirum dum Mars sales acidos vitiosos, in primis viis stabulantes, absorbet, & continuò exitum sibi per alvum munit, à bilioso succo, quem præterlabitur, in colorem ferè nigrum præcipitatur. Hac de causa ex eo medentes inanem hujus metalli conatum fuisse, hoc est non absorptos ab eo nocuos sales conjiciunt, quòd alvinæ faeces nigro colore non obducuntur.

Hæc, veluti protenso digito, commonstrant, quibus ægritudinum generibus aquæ hujus potus obversetur. Facilis plerumque ex eo medella cum biliosæ cachochymiae, ubi acidum volatile oleosum, tum melancholicæ, ubi acidum fixum molestum est. Rursus vitia bilis fermè omnia per hujus aquæ potum auferri experimur. Namque, sive ea iners sit, sive justo crassior, sive dilutione egeat; singulis in casibus æquè benè corrigitur, temperaturque. Si autem affectus eos inspicias, qui ab acido proficiscuntur, in regione Ventriculi, non modò muccosæ quicquiliæ atteruntur, & tonus ejusdem confirmatur; sed & ubi spirituosum fermentum, atque appetitus langueant, utraque ratione eadem restituantur. In Intestinis verò, aliisque partibus, uti ferreæ venæ adminiculo acidum omne naturæ inimicum destruitur, ita per insignes excretionum vias facilè eliminatur.

*Affectus
quibus
hic Fons
medetur.*

Qui-

*Quid de
usu ejus-
dem sen-
tiendum
sit.*

Quibus positis, neminem esse reor, qui hujus Fontis usum non summoperè commendet, ubi perfectum ejusdem indicans adsit, præmissaque fuerint universalialia, quæ præ reliquis primas vias expediant. Immo his temporibus non sine auctore dixerim, eò plerumque, remedii fortassè inopia, perventum esse, ut, ubi ex contumacibus morbis vires Ægrotantium deficiunt, quemadmodum in Chronicis Scorbuti, mali Hypochondriaci, Icteri nigri, aliisque evenit, ad hujusmodi aquæ potum, tanquam ad sacram anchoram Ægri mittantur. Hinc quemadmodum difficillimos hosce morbos sæpè sæpius curari brevi contingit; ita subit medicaminis ipsius indolem suspicere, quod præter morem aliorum evacuantium, quæ odore, ac sapore magnoperè ut plurimum displicent, faucibus, & linguæ pergratum est, ventriculi-que fermento adeò amicum deprehenditur, ut ferè semper ex eo imminutus appetitus augeatur, extinctus verò plurimum excite-
tur. Propterea mirum fortasse alicui videbitur, esse nihilominus aliquos, qui ab acicularum potu abhorreant omninò; uti & adnotavit doctissimus De le Boe Sylvius, in Appendice Praxeos Medicæ, Tract. X. num. CCLXIII. Tamen, quoniam non defunt, quibus & vini cujuslibet, & optimarum quarundam carnium, piscium, aliorumque usus plurimum displiceat, non erit valdè miran-

*Cur ali-
qui ab-
horreant
à potu a-
cidula-
rum.*

randum, reperiri quoque nonnullos, quibus
& Acidulæ sint injucundæ.

Quoniam verò, more cæterarum omnium *Fons hic plurimis præstas.*
aquarum, ea acidorum fontium conditio est,
ut ubertate spiritus, & mineræ genere alii
aliis variè præstent; si verum est, uti ex præ-
stantissimorum virorum judicio colligo, fon-
tem hunc ferè in omnibus similem acidulis
Egendinis S. Mauritii esse, non ambigo, quin
eadem ratione plurimis aliis anteponendus
sit.

Cæterùm si quærat, cur rarus antiquis *Cur ta- rus hu- jusmodi aquarum usus an- tiquis fuerit.*
usus Acidularum, uti & Thermarum fuerit,
cùm apud nos adeò frequens sit; facile res-
ponsum est, quemadmodùm ex Hippocratis
Libro de Aer. Aq. & Locis habetur, difficil-
limè ab illis ea medicamenta valida usurpa-
ta, quæ in universum corrigi, atque aptari
corporum naturæ non possent. Propterea,
cùm hujusmodi aquas validissimas esse cense-
rent, iisdem ægrotantium corpora credere
non audebant. At nobis aliter res evenit.
Quippè cùm sæpè sæpiùs utilissimum harum
aquarum usum esse experimento cognoveri-
mus; facilè hac in re ab instituto antiquo-
rum declinavimus, cùm Thermas, tùm Aci-
dulas Ægrotantibus ferè innumeris præscri-
bendo. Addit rei huic integerrimus Sorbait,
Capite X. Quæstionum Methodi Medendi:
, moderno tempore medicos, ne sua gloria
, fiat aliena, dùm circa morborum causas

„ cæcutiunt , ad aquas minerales suos aman-
 „ dant ; sed quo successu , consulantur ves-
 „ pillones , & funeratores . Quod tamen ideò
 animadverti velim , ne inconsultò hoc medica-
 minis genus præscribatur . Ceteroquin vel idem
 „ scriptor subdit : Non negaverim tamen &
 „ mihi , & aliis aquas minerales ufui fuisse ,
 „ sed cum grano salis ordinatas . Verùm ,
 quod magis est , Hippocrates ipse , in cita-
 to Libro , numero XIV.7. Quæcunque verò
 „ falsæ , ait , & crudæ , ac duræ sunt , ad
 „ hoc quidem , ut eas omnes bibant , non
 „ bonæ sunt . 8. sunt autem aliquæ naturæ ,
 „ & morbi , quibus tales aquæ in potu com-
 „ modæ sunt , &c.

In Febr-
bus hæc
aqua
quid præ-
stet.

III. Ut eos affectus perstringam , quos aut
 jam curatos inde fuisse scimus , aut , ducto à
 minera ejusdem argumento , curari posse co-
 njicimus , à Febris exordium ducitur ; in
 quibus , ubi periodum servant , multus hujus
 Fontis usus est , & promptum , uti multi te-
 stantur , æstuantis ægri levamen . Cui qui-
 dem eventui ratio deesse minimè videtur . Si-
 quidem , si , quæ in omnium penè ore versa-
 tur , intemperiem calidam consideres , nihil ferè
 aqua frigida accommodatius invenitur ; qua
 tot , tantosque Synochos curasse se Galenus
 professus est . Immò multò magis medica-
 menti momentum augetur ex eo , quòd cum
 hoc aquæ genus celerrimè meatus corporis
 trajiciat ; non hypochondriorum inflatio , non
 ob-

obstructio, non Hydrops, non reliqua hujus generis mala suspecta esse queunt.

Ulterius si putredinis, dissolutionisque discrimen animadvertatur, indicari maximè hujusmodi potus videtur. Cur enim elaboratum in telluris visceribus humorem, sive, ut Ettmullerus loquitur, propinatos à medica-
trice Natura ipsa Julepos Acidos, ex terra Acidularum nomine scaturientes, rejicias, Practicis ferè omnibus cùm veteris, tùm neo-
tericæ Scholæ, acidos Sulphuris, Vitrioli, Nitrique spiritus, communibus aquis immix-
tos, iis in morbis extollentibus; in quibus sedanda est, uti ajunt, effervescentia spir-
italis microcosmici, discutiendi, & resolvendi maligni, crudi, nitrosi, tartareique vapores,
viscera reseranda, infringendus calor, mo-
vendus sudor, atque alia hujusmodi compa-
randa? Neque, si aliter actionem ejusdem explicando, loquamur, diversa rei imago ullatenus nobis obversabitur. Cùm enim febriles effervescentiæ, atque insignes sangui-
nis ebullitiones, ob acres potissimum, sub-
tilesque bilis particulas evectas eveniant, ni-
hil propemodùm videtur acido hoc latice aptius ad effrænem hunc, animale Oecono-
miam latè turbantis, Sulphuris motum com-
pescendum, & massam sanguineam ad æqua-
bilem missionem, circuitumque redigendam.
Itaque nulla de causa improbari in Febribus posse hoc aquæ genus crediderim; dummo-

dò tamen alia non obsistant, quominus ob propioris exitii formidinem, sæpè enim in complicatorum morborum curationibus vulgari via incedendum non est, idem Ægrotantibus præscribatur.

Capitis Affectus. Pro morboſis Capitis affectibus curandis non pauci ſunt, qui hujus Fontis uſum mirum in modum extollant. Hinc Epilepticis, Apoplecticis, Paralyticis, Maniacis, & Capitis dolore vexatis prodeſſe creditur. Qua in re ſicuti habenda fides expertis eſt, ita perquirendum putaverim, an memorata mala à Viſcerum depravato munere orta ſint, atque à pravis ſuccis indè jugiter emanantibus, an ab aliis cauſis foveantur. Quippè niſi indè origo mali, ſed vel prona in has Ægritudines corpora ab exortu, vel ſingulare aliquod in affecta parte, vel organicum vitium adfuerit, fieri minus vix poteſt, quin acido hoc humore ad extremum hujusmodi morbi intendantur. Hinc sæpè tristes eventus, poſt assumptas acidulas, Præctici adnotarunt: hinc ſæviùs recrudeſcentes Apoplexiæ, & Capitis dolores, Vertigineſque ad ultimum feritatis redactæ. Hinc Idiopaticæ Epilepſiæ ita exaſperatæ, ut demùm ægrorum vitam finirent. Hacque potiſſimum de cauſa factum crediderim, ut Clariffimus Jo. Fort. quibuſdam Paralyticis quammaximè nocuiſſe Acidulas S. Mauriti, & Vallis Solis, in Conſult. & Reſponſ. Med. adnotaret.

At

At ubi aliundè initium mali ; tunc non modò ratio suadet , profuturum Acidularum potum , sed & inita experimenta eundem plurimùm commendant . Quam rem ut unico ^{Helm. monitiis .} absolvam exemplo , liceat Helmontii locum , apprimè enim ad rem præsentem facit , afferre qui illos redarguens , quibus mos erat Spadanam aquam ad morbos ferè omnes „ commendare : effectus per accidens , Paradox. quinto , num. 5. ait , ab iis , qui per se suis debentur causis , ritè distinguere oportet . Qualiter si deficiente Menstruo Virgo , Suffocatione , Epilepsia , vel Paralytico affectu laboret : prodeuntibus autem bibita Spadana Menstruis , ab annexa diathesi liberetur , non est , quod proindè „ Apoplexiam , Asthma , Epilepsiam , aut „ veram Paralytim Spadanis fontibus curandam commendemus . - Quos equidem „ morbos si quis non distinxerit , cachinnum „ à discretiore sibi parat .

Porro in Pectoris affectibus , ut in Phthy- ^{Affectus Pectoris.} sicis , Asthmaticis , aliisque , non desunt , qui indè utiles eventus vidisse se asserant , & similes in posterum polliceantur . Sed , utcunque sperati effectus aliquandò evenerint , multùm ambigo , quin præsertim Pulmones ^{Pulmonibus suis spectus potius.} hujusmodi medicamento , sive extemplò , sive per moras , spiculis nempe majorem morbi molem sensim inducentibus , lædantur . Comperit enim cuique , noxium summè Pulmo-

nibus esse Vitrioli spiritum, quatenus acrimonia vesiculas eorundem spongiosas labefaciat, acetositate facilè corrodit, vi verò adstrictoria, tonum ipsarummet partium immutando, ineptum muneri suo organum constituit. Prostant idcirco exempla Phthysicorum, quorum alii Acidularum usu in Hydropem lapsi sunt, ad ultimam alii necessitatem adaecti.

Phthysici lapsi in Hydropem.

Immò addere lubet, ut testimonium expertissimi Pauli de Sorbait, Med. Pract. tract. 7. Cap. 10. silentio transeam, Benedictum Gründel, in aquarum Roitschenium descriptione, vehementer mirari, quòd memoratus Jo. Fort. rejectis sulphureis aquis, ubi siccandi Pulmones, ut inquit, necessitas urgeret, saluberrimas in Hæmoptoicis, & Phthysicis Acidulas invenerit. Quippe, ait, etsi, tanto viro libentissimè credam, similes effectus ab acidulis Vitriolatis in Italia secutos esse, nihilominus tamen nostræ Roitschenes aquæ, etiam Vitriolo imbutæ, in hisce saltem Germaniæ locis id non lunt præstare: utrum autem alibi præstent, dùm Venetias, Romam, & ad alia loca transportantur, nondum experiri potui. Propterea, saltem in Phthysicis, quos ille memorat, suspicari subest ulcus Pulmonum verè non adfuisse; id enim non modò Acidulis, sed quavis alia arte sanari posse, haud existimaverim. Fortasse autem, quos Phthysicos ali-

aliquandò pronuntiavit, flaccescens Pulmo, aut alia quavis simili Ægitudine laborans angebat; quibus per Acidularum potum in sanitatem restitutis, curatum per eas Pulmonum ulcus deprædicavit.

Uti ergò ab hujus remedii usu arcendi sunt *Empy.* Phthysici, ita Empyos, qui ob aggestos putres in Pectore succos Marasmo proximi sunt, hujus aquæ potus vehementer juvat. Quippe qua ratione in his tenax Phlegma, & cæteræ sordes inciduntur, atque absterguntur; eadem & putredo tollitur, & Febris sæpissimè intercipitur. Hinc præ cæteris Virginem quamdam, Tabe fermè confectam, Lælii fontis aqua restitutam nuper habuimus. Quibus *Tabidis indè remedium.* tamen in casibus, plurimum conducere experti nos quoque sumus, decoctum Saniculæ, Veronicæ, Pimpinellæ, aut similium Acidulis præmittere; hæc enim tutiùs, citiùsque expectatus eventus consequitur.

Cæterùm ubi & Febres quædam Hæcticæ, *Feb. Hæct.* & Atrophia ab Obstructionibus pendeant; *& Atrophia.* facilè ejusdem aquæ usu his Ægitudinibus vexatos sanari posse experientia demonstrat. Siquidem dùm meatuum, atque succorum omnium textura eò redigitur, ut illi ad numerum pateant, hi verò per destinatos à natura ductus ubique, atque æquabiliter fluant; tunc & segregari excrementa contingit, & alimentum æquè diffundi. Præsertim verò si Atrophix calamitas ab obstructis Venis La-

cteis, Glandulisque Mesenterii exoriatur; fortassè vix alio ordine nutritionem instaurari celerius deprehendes.

*Ventri-
culi af-
fectus.*

Quo verò ad Iliadem affectuum imi ventris, Ventriculus in primis, cum ob fermentum depravatum, tonumque fibrarum, naturæ instituto non respondentem, minus exactè munere suo fungitur, per hujus aquæ potum, opportunè præscriptum, ad primævum robur redire solet. Eadem ferè de causa & Stomachi dolores ab succorum præsertim acrimonia orti pelluntur; & rursus, ubi mucosæ quisquiliæ, aut alia coctionum opus perturbantia ibidem hæreant, attenuantur, & excedunt. Prostratum quoque appetitum ocyùs inde restitui solemne est. Hinc sæpè cavendum, ne, cum ob hanc rationem nimium fame guttur exasperatur, ægri sibi pleniorē, quàm par est, rationem victus instituant. Bradipepticos tamen, qui segniter, atque ineptè alimentum coquunt, sanari præcæteris his aquis posse, ratio suadet, nec experimentum deest.

*Intestini-
norum.*

Porrò si Intestina animadvertamus, quàm promptè rerum omnium heterogenearum suburram hoc ritu expedire liceat, facilè cuique compertum esse potest. Hinc, ubi præsertim Colica adest, atque ob latè sævientem bilem ita intestina torquentur, ut sæpè, quemadmodum egregiè Sennertus notat, convulsionem reformidemus; juvabit tunc acidulam

hanc

hanc experiri, vix enim ullus dubito, quin hac de causa hujus fontis pretium plurimum augeatur.

Vitiis autem cum bilis, tum ipsius Hepatis per eandem occurrere, summè conducit. Si enim vel attenuanda illius visciditas, vel temperanda acrimonia, vel inertia corrigenda sit, utramque paginam implebit. Multò verò magis Hepatis indè vitia auferentur. Propterea depravatę ejusdem secretiones restituuntur, expeditisq; meatibus Ictერიი sępissimè convalescunt. Haud secus reliquorum viscerum Obstructiones, etsi ab iis Scyrrhosi Tumores assurgere cęperint, delet ritè epota acidula. Huc referendę sunt insignes Hydropicorum curationes, quorum non paucos variè hoc morbi genere vexatos integrę saluti per eandem aquam restitutos, scio. Quamobrem uti fieri minùs non potest, quin hoc in casu plurimum idem fons commendetur; ita plurimum expediet noscere, undè orta ægritudo, & quousque provecta. Etenim ubi viscera apostemate, ulceribus, scyrrhisque jam penitus confirmatis corrupta fuerint, Lymphatica verò vascula disrupta, tunc uti conatus per acidulam incassum cedet, ita, auctis morbi viribus, medicamentum ipsum vitam ægro-tantis ocysimè finiet.

Affectiōis Hypochondriacę curationem per hujus aquę potum instituere, non sine summa ratione plurimi consueverunt. Et licet non-

*Bilis, &
Hepatis
Vitia.*

Hydropi.

*Hypo-
chond. af-
fectio.*

nonnulli ab omnibus aquis mineralibus abstinentum esse censeant in Hypochondriacis affectibus, uti Consult. Centuria prima, Consilio LXIII. magni olim nominis Practicus Ben. Sylvaticus præ reliquis profiteatur; nihilominus, & utiles summè acidulas ferè omnes, nostris quoque temporibus, experimur; & magnis laudibus in hoc casu exornatas scimus non à recentioribus modò, sed & ab veteris scholæ sectatoribus eximiis; inter quos Daniel Sennertus, Lib. primo Pract. 2. Cap. 17. & Lazarus Riverius, Libro 12. Cap. 5. eminent. Hinc mirum esse desinit, cur & ad hunc fontem missi Hypochondriaci haud pauci fuerint, & ii plurimum inde utilitatis perceperint. Enimverò cum pars hujus aquæ spirituosa mucilagineas sordes primis viis, hisque proximis visceribus inhærentes, dissolvat, atque abstergat; Martis verò vena acerbos, atque acidos sapes corrigat, ac simul Sylvestres Sales, Tartarumque, uti placet Helmontio, hostem resolutum destruat, continuò & dyscrasiam viscerum tolli, & coctiones omnes, secretionisque humorum corrigi, ac propterea potissima Hypochondriacæ affectionis fundamenta ab imo convelli necessum est.

*Renum
morbi.*

Cæterum vexantem Renum corpora acrimoniam infringi, effectricem Calculorum materiam expelli, nondum confirmata vasorum Renibus adjectorum vitia tolli, crebris

experimentisprehendisse se, multi fatentur. Immo & calculos jam confectos, minores quidem excretos, majores autem imminutos adnotarunt ægri: quibus non modò, quo tempore potum hujus aquæ adhibebant, sed & sequentibus diebus urinæ turbidæ erant, & multo sedimento, arenulisque refertæ. Quod verò parvi pendere haud debemus, viscidam pituitam, & mucorem, quo Calculus involvitur, promptè attenuari, & divelli, hujusmodi excretiones in ruina argumento sunt. Qua de causa sicuti in posterum Calculo facilior exitus, ità si aliquandò contingat, multa pituitæ crassæ congerie Calculi imaginem referri (uti, adnotante Ab Heers, Spad. C. IX. in Urbe Namurco celebri Lithotomo Gratiano evenit, qui Calculo se premi ratus, secandam sibi vesicam curavit, nihilque præter tenacis pituitæ massam invenit) eadem per intervalla eliminatur.

Hæc licèt veritatis fundamentis innixa sint, tamen multum negotii aliquibus facessere possunt, quæ doctissimus Helmontius adversus hanc sententiam proponit. Is enim, quamquam hujusmodi acidulas eluere urinæ regionem, & sale suo esurino obsistere, ne lotii Spiritus quidquam petrificet, apertè fateatur; tamen palliativam hanc calculi, curam appellat. Licèt enim, inquit, Calculi, A., renæque expellantur, & quandiù aquæ fuerint ebibitæ, impediant non Calculi collecti-
 „ gia,

„gia, nihilominus, intermisso per aliquod
 „tempus aquæ potu, eò quidem promptius
 „accrescere festinat Calculus, quò uterus
 „ille alter Calculi parens, nitidior fuerit.
 Hinc notat, lotium facilius Calculum ad ni-
 tidam matulam, quàm ad oleo inunctam ag-
 glutinare, & renes brutorum plurima axun-
 gia ob rem hanc scatere. Rursus verò occa-
 sionem inde arripit ad aliud remedium con-
 fugiendi, quo, ablata inclinatione, ut ait,
 petrifica, majores Calculi (minores enim fa-
 cilè expelluntur) in succum pristinum retro-
 grada concretionis analysi redeant.

*Ejusdē
 solutio.*

De quo utcunque res se habeat, nam cer-
 tè generationem Calculi si spectes, quod tan-
 quam commentum Chymicum quidam ex-
 ploserant, verissimum assertum, atque de-
 mùm experimento confirmatum fuisse, Cla-
 rissimus Boyleus testatur, in Tentaminibus
 Physiologicis, ac propterea in reliquis ad rem
 hanc spectantibus magna tanto viro fides ha-
 benda est; eò reitotius summa redit, ut dum
 quantum quidem in nobis est, hujusmodi æ-
 gritudine vexatis per has aquas mederi stu-
 demus, diligenter animadvertamus (nam da-
 ta occasione potissimam distinctionem affe-
 remus pro Calculosis, quibus præscribuntur
 acidulæ) cujusnam magnitudinis Calculi sint.
 At propterea si ii majores fuerint, quàm ut
 per Ureterum ductus in Vesicam ire possint,
 certo certius est magno cum ægri periculo

tunc

tunc acidularum potum præscribi. Nam excitato plurimum paroxysmo eò res deveniet, ut non antea is remittatur, quam vel lapis in pelvim redeat, vel maximum inde vitæ discrimen æger patiatur. Si verò deprehensum fuerit ejus esse magnitudinis, ut valeat facilem sibi viam ad inferiora munire; tunc, uti notat doctissimus Sydenham, in tract. de Mictu Sanguineo à Calculo Renibus impacto, nullum æquè efficax remedium suppetit cùm ad Calculorum præcavendum incrementum, tùm ad eosdem è Renibus deturbandos, ac Ferrearum aquarum liberior potatio.

Quo quidem in casu, idque ad citatum Helmontii locum spectat, ubi non datur unico ictu morbi radicem funditus excindere, juvat per singulas æstates aquam eandem aliquandiu assumere. Unde sequitur, ut nisi in universum Calculorum materies auferatur, saltem ipso ferè in exortu Calculorum stamina per vices divellantur. Neque prolixæ curationis tædio delassari ægrotantem decet. Etenim cùm ita hominum omnium natura comparata sit, ut in quam ægritudinem maximè proni sunt, eadem, & post remedia quælibet, per intervalla, rursus, atque iterum divexentur; juvat morbi generi medicinam quamlibet sæpiùs aptare, ac cùm, ut volumus non possumus, præstat idem agere, ut quimus. Propterea tamen inficiari non a-

sim,

sim, præclarissima alia adversus hunc morbum reperiri posse remedia. Quia tamen instituti nostri est, hic ea tantum comminisci, quæ per hujus acidulæ potum haberi queunt; ideò non sine ratione crediderim posse inde Calculosis ingentem utilitatem accedere, quatenus nempe, repetitis per aliquot annos hujus aquæ haustibus, cum quidquid in altero Calculi parente utero aggeritur, antequam concre scat penitus, augeaturque nimium, deturbatur; tum, dilatatis quaquaversum ductibus, demùm facili negotio lapilli ipsi per se decidunt: potissimum si æger reliquo anni tempore mitissimum aliquod diureticum in usum ducat. Ex quibus oriri interea facile potest, ut & memorata inclinatio petrifica post plures conatus penitus auferatur.

*Meatus
Urinari
vitia.*

Porro ignorandum non est, haud absimili ratione Recobarii aquam incremento carnis in Urinario Meatu obsistere, Meatus ejusdem Urinari ulcuscula detergere, atque exsicca-

*Gonor-
rhæa Gal-
lica.*

re, Gallicamque Gonorrhæam recentem curare. In qua tamen summoperè cavendum, ne, ubi confirmata jam sit, aquæ ejusdem potus itidem præscribatur. Tunc enim hi effectus eveniunt, quos in universum hoc in casu ab mineralibus aquis haberi, notat memoratus Sydenham; nempe Scroti Tumores,

*Gallico
morbo in-
fectis no-
cent aci-
dulæ.*

Carunculæ, atque hujus generis alia. Pari- ter, quicunque ex Gallico morbo symptoma aliquod patiuntur, hujusmodi potu arcendi

pe-

penitus sunt. Siquidem, ubi methodum hanc neglexeris, aut ferociùs sævire symptomata quæque continget, aut Ægrum eorundem atrocitati imparem postremæ necessitati concedere. Hoc an verum sit omni ex parte, Lelii fontis aqua in nonnullis Luc. Gallica infectis, atque indè enecatis, satis ostendit. Cujus rei causa ex eo ferè petenda est, quòd vel reliquias morbi è corpore eliminandas vi adstringente, & uti citatus auctor inquit, plus satis sanativa arctiùs hujusmodi aquæ constringunt, & figunt; vel virulenti miasmatis calcar quoddam in iisdem latet; quo lentè conficiens labes novis veluti stimulis excitatur, atque indè, corpus maximis cruciatibus concutiens, brevi ad ultimos nifus perducitur.

Accensendi sunt demùm jam enumeratis & *Affectus Hysterici* Hysterici affectus; in quibus, ubi summè effætus sanguis fuerit, eaque spirituum ataxia adsit, ut, quæ ab Pharmaciæ fonte desumuntur, nequaquam proficiant; ad hujusmodi aquarum potum juvat confugere; utpote ex quo pallidos colores virginum, mensium suppressiones, ac reliqua symptomata sæpiissimè auferri solent. Haud secùs, ob morbosæ materiei varietatem, & nimium menstruorum fluxum aqua eadem cohibere dicitur, quòd verò magis est, sterilitati mederi; quòd sive *Sterilitati mederi creditur.* uterinum fermentum torpens ab ea excitetur, sive ductus omnes expediantur, iique præfer-
tim,

*Quid a-
nimad-
verten-
dum sit
in his ca-
sibus.*

tim, qui ad ovaria, eorundemque tubas spe-
ctant, atque exindè ova fiant prolifica. Quod
an experientiæ respondeat, sedulò à Practi-
cis animadvertendum erit. Scimus enim,
quàm adversas hujusmodi eventibus virtutes
Ferro medentes assignent. Hinc doctissimus
Forestus Obs. Libro XVI. obser. XVII. im-
minuendo semini aquarum fabrorum ferrario-
rum juxta Aetium summè commendat. Lin-
ster verò in Exercitatione altera de Font.
Med. Angliæ, Cap. 4. eos videtur repre-
hendere, quibus Stomoma ad Virginum
Chlorosim curandam tam assiduo usui est.
Rubigo enim ferri, ait idem, per Dioscori-
dem potu præstat, ne feminae concipiant;
at illam ferri vim ejus tali nascenti multò
magis inesse, credibile est, scilicet ratio-
ne petrificationis, qua fortè tenella virgi-
num ova indurescant, aut aliter vitien-
tur. Accedit, nec satis apparere, quo-
modò fecundæ per has aquas fieri mulieres
possint, cùm præstantissimorum virorum judi-
cio sancitum fuerit, Vitrioli Spiritum fugien-
dum summè ab novis maritis esse, quoniam
partibus genitalibus summoperè infestus sit.
Hinc rem observatione dignam habet in Col-
leg. super Fabrum, doctissimus Langius de
quodam homine, qui ex nimio Vitrioli Spi-
ritus usu pro excitando appetitu ferè amise-
rit testiculos; iidemque adeò sensim, ac sen-
sim fuerint imminuti, ut pilorum magnitudi-
nem

nem demùm vix æquarent. Id an æque officere mulieribus possit, & genituram earundem ulla ex parte labefactare, aliorum iudicio relinquere visum est.

Cæterùm in Arthriticis affectibus quid hujusmodi aqua præstare valeat, anceps alicui videri poterit. Ut enim permultos Arthritide laborantes, acidularum ope, ut ex hoc fonte quoque habuimus, restitutos adnotarunt Practici; ita cùm in non paucis Arthritidis speciebus crimen omne in acidum summè efficax, summèque subtile sit conferendum, non ratio modò suadet suspectas ibi plerumque acidulas esse debere; sed & summoperè nocuas fuisse non rarò experimento cognitum, & confirmatum est. His de causis animadvertendum crediderim, hujusmodi Arthritidis incommoda, ab acido pertenui, an ab sale aliquo fixiore, præsertim verò ab acrimonia salis alkali bilis, ut ajunt, eveniant. Siquidem, quemadmodum tristes eventus acidularum ad priorem causam non commentitiè referendos ducimus; ita, ubi altera emineat, præ cæteris tamen acres humores in vitio sint, tutò ibi in usum duci acidulæ quin possint, nullatenus ambigo. Hinc passim apud gravissimos Medicinæ scriptores, & præsertim apud Theophilum Bonetum in Mercur. Compital. invenire est, per acidulas Vitriolo imbutas permultos diù ab Ar-

Qui Arthritici affectus per has aquas curentur.

P

thri-

thritidis biliosæ insultibus immunes perstis-
tisse .

*In seni-
bus su-
spectæ .*

Nihilominus tamen , si aut affectionis hu-
jusce causa altas nimium radices egerit , aut
Ægrotantes in senium vergant , aut Phleg-
matico corporis habitu præditi sint , atque
exindè vires ægrè se habeant ; reformidan-
dum est quàm maximè , ne ii medelæ loco
plurimum indè detrimenti capiant . Pro-
ptereà Cl. Sydenham in memorato casu Mi-
ctus sanguinei à Calc. &c. - illud mihi com-
„ pertissimum est , inquit , haud paucos ,
„ quorum corpora hoc modo fracta admo-
„ dum , & quasi confecta fuerant , hisce
„ aquis interemptos diem suum obiisse .

*Regimen
has a-
quas bi-
bentium
summè
curari
debet .*

IV. Enumeratis , quas hic Fons sæpissimè
tollit , Ægrotudinibus , plures aliæ , quas hic
persequi visum non est , accensentur : im-
mò , confirmato medicamenti usu , & gli-
scente de his aquis hominum opinione , nu-
merum earundem in dies auctum iri , certò
scio . Veruntamen , ut secundi hi effectus
eveniant , solertissimè cavendum est , ne cor-
pore haud satis valido , aut medicamentis
præparato , ad has acidulas bibendas Æger
mittatur . Proptereà animadvertendæ vires
totius , tum etiam partium ; dein , pro varie-
tate morbi , nocentium succorum suburram
prius educas , necesse est . Continuò ii mea-
tus probè muniendi , per quos humorem du-
cere expediat . Demùm verò aptis in hanc

rem

rem medicamentis, si id res postulet, vires aquæ eliciendæ, ut promptior indè medela suppetat. Satis multa super hac re, studio alias acidulas describentium, literis prodita sunt. Inter quos tamen in Spadani Fontis descriptione Henricus ab Heers, Jo. Benedictus Gründel in sua Roitschocrene, Eberhardus Cockelius, Consilior. Decad. prima, consilio 7. aliisque, ac demùm Clarissimus D. Langius in dissertatione eadem, accuratissimè hanc provinciam obierunt.

Anni tempora huic potationi apta ferventissima sunt; ac proindè Julio, atque Augusto potissimùm hujusmodi potus in usum <sup>Julio, at-
que Au-
gusto bi-
bendæ
acidulæ</sup> ducitur. Quo tempore animadvertendum iis summoperè est, qui ægrotantibus præsumunt, an cùm assumpturi aquas sunt, harum vires ullatenùs alterari contingat; quod omnibus ferè acidularum fontibus, sive ex aliqua variatione mineræ, sive ex aeris vitio, motuque telluris, sive ex vario, ut quidam autumant, aspectu syderum evenire aliquandò consuevit. Quæ incommoda ubi intercederint, tandiù prohiberi ab acidulæ potu ægrum juvabit, dùm prior aquæ temperies redeat. Cæterùm hìc locum non habere videtur illud Hippocratis, in Libro de Aer. Locis, & Aq. quòd nempè ad solstitia, majorumque exortus syderum, ut Arcturi, Canis, Plejadum magna medicamenta corporibus admoveere non deceat. Nam adeò ve-

rum est , optatos ex acidulis eventus tunc plurimùm haberi , cùm summus est calor , ut si aliquandò contingat annum ferè totum , ut inquiunt , hyemare , juvet arte calidum aerem reddere , fovere ventriculum , atque alia hujusmodi moliri , ne infestum aliquod symptoma ab hausto humore proficiat . Nec aut celi æstus , aut itineris as-

In ipso fonte potanda Acidula est. peritas ægrotantem terreant . Quippè sicuti ineptè aliis anni tempestatibus hoc medicamen præscribitur ; ita , nisi recens è fonte educum humorem æger assumpserit , ferè incassum labor concedet .

In aliquibus præstat Ventriculum munire. Quoniam autem non desunt , quorum Ventriculi ab aquæ frigore lædantur ; præstat iis tabellas appositè paratas præbere , vel saltem semina aliquot Carvi , Coriandrorum , Anisi , similiumque ; quæ & saccharo obduci poterunt . Hinc juvat & alia per occasiones instituere , atque immutare , prout tolerantia corporis , acidæque ipsius effectus indicabunt . Decet proptereà medentem assiduè adesse , cùm ut symptomatibus singulis extemplo occurrere , tùm ut optatum ab aqua eadem effectum in dies magis elicere queat .

Dierum numerus Porro ad quot dierum numerum potum hunc producere conveniat , à morbi genere , atque habitu ægri colligendum est . Ut plurimùm tamen intra quatuordecim , vel sexdecim dies medentes subsistunt . Qua verò die

die inchoanda purgatio, potio, puta ex manna, præcedat; duabus dein transactis horis, aqua potanda. Id postremo quoque die agere expedit, atque interea corpus adversus externa quælibet diligentissimè munire. Cæteris diebus, sordibus excretis, una, vel altera post solem ortum hora, aqua potatur, ut per urinarias vias excedat; quod etiam guttis aliquot Spiritus Vitrioli qui adjuvare consueverint, non defunt. Juvat præterea & corpus leniter exercere, ad aquam faciliùs eliciendam; qua demissa penitus, tutò æger prandeat.

Quoad aquæ mensuram varia à Practicis *Mensura poculorum.* in medium afferuntur. Aliqui enim auctori-
tati Hippocratis innixi, in Libro de Veteri
„ Medicina, numero 16. dicentis: modum
„ autem, neque pondus, neque numerum
„ aliquem, ad quem referas, cognosces; cer-
„ titudinem enim exactam non reperies aliam,
„ quàm corporis sensum; - tantum aquæ su-
mendum esse ab ægris etiam primo die con-
tendunt, quantum sine noxa ferre ventricu-
lus valet. Alii è contra unciam aliquot
numerum excedere ægros non debere, tuen-
tur: inter quos principe loco recensetur sub-
tilissimus Joannes de Lamzverde, qui tùm
Acidularum, tùm Thermarum potum non ad-
„ mittit ultra sex, vel septem uncias. Ait
„ enim ideò Thermarum, atque Acidula-
„ rum pocula numero, & mensura immi-

*Lamz-
verde.
opinio.*

„ nuenda esse , ut diutius in intestinis mo-
 „ rentur ; in quibus convenientiores illarum
 „ particulæ expressæ , & ex iis sensim vias
 „ lacteas ingressæ , postea vivifico cordis ,
 „ pulmonumque motu , ejusdem massæ com-
 „ modiùs intexantur ; ut deindè à corde ,
 „ quod sanitatis temonem dirigit , observa-
 „ to naturæ ordine , ad noxias sanguinis
 „ particulas emendandas , vel è visceribus
 „ tollendas propellantur .

Hæc tamen utcunque se habeant , quo-
 niam nec ab ea aquæ quantitate , quam cæ-
 co impetu valet ventriculus excipere , tuta
 omnia polliceri ægris valemus ; nec à pau-
 cis ejusdem unciis id oriri cernimus , quod à
 pleniore instituto potu : ideò juvabit juxta
 expertissimorum judicium intra modicæ quan-
 titatis limites subsistere , ac propterea à qua-
 tuor ferè libris ducto exordio , ad duodecim
 ascendere , ac deindè per gradus priorem ad
 quantitatem reverti . Quam nihilominus
 mensuram juxta Ægri habitum an immutare
 expediat , cuncta sedulò animadvertens me-
 dicus facilè noscet . Hinc quidam ulteriùs
 provecti ad sexdecim usque pervenere ; nec
 defuit , qui ut palato morem gereret , vigin-
 ti quatuor aquæ libras intrepidè assumpse-
 rit , demiseritque tutò . Sed hæc rara expe-
 rimenta sunt , nec exposita ad imitandum .

*A qua-
 tuor li-
 bris ad
 duode-
 cim ascē-
 di solet .*

Quando intermit-
 tendus Cæterum curandum præ reliquis , ut eā-
 dem , qua haustus est , humor mensura de-
 ce-

cedat . Quod ubi prosperè non evenerit , non modò intermittendus est potus , sed ingruentibus ex retenta aqua symptomatibus obviam eundum . Quoniam verò aliquandò contingit , ut , aqua licèt excreta , incommoda quædam ægris superveniant ; tunc expendendum sedulò , utrum potum interciperè expediat , an iisdem occurrendo , ægrum nihilominus aquis committere . Item , quoniam menstruæ purgationes sæpè mulieribus acidulas potantibus supervenire queunt , illud animadverti solet , an secundum naturæ institutum eadem succedant . Quippe , si id evenerit , plerique intermittendam curationem non esse , tuentur . E contra verò si fluxum hunc turbari aliquatenus intelligas , nempè vel augeri nimium , vel minui , vel alia quavis ratione eundem corpore officere ; tunc intutò acidulæ potum non avertes ; quippe non modo indicatur , hunc naturæ inopportunum esse , sed omnia alia posthabita cogitatione , menstruam purgationem esse corrigendam . Crediderim tamen per compendia , satius esse de industria catameniorum tempora evitare , ubi id præstari possit ; nam sæpè plura incommoda per id tempus mulieribus superveniunt .

In Menstruis purgationibus quid agendum.

Quæ verò ad diætam spectant , facile servare est , si legitimus usus adfuerit sex rerum non naturalium ; inter quas , quæ ad cibum , & potum spectant , curandæ ceteris diligen-

Diætæ.

tiùs sunt. Has autem, utpote ab quamplurimis scriptoribus per genera descriptas, ne frustrà persequar, satis fuerit memorasse, uti in omnibus mediocritatem quandam servandam esse, ita quò ad cibum illud Plinii
 „ cordi esse debere, nempe hominis cibos
 „ utilissimos simplices (atque inter hos ii accuratè diligendi sunt, qui cùm coqui facile, tùm determinatæ ægitudini adversari
 „ plurimùm possunt) esse: cæterùm acervationem ciborum pestiferam, condimenta
 „ perniciofa.

*Vino acidulæ
 hæud mi-
 scendæ.*

Si autem quærat, an conducat acidulam hanc vino immiscere; scitu dignum est variis vini speciebus, quibus hujusmodi aqua infunditur, varias colorum, & aliquandò saporum etiam mutationes supervenire. Et quoniam in plerisque etiam fermentationem quandam ex hac miscella oriri cernimus; ideò satius esse videri vino acidulas non admiscere, ne vini ipsius textura, effectusque turbentur. Scio nonnullos in ea esse sententia, ut credant, ubi calidi temperamenti aperta indicia adsint, non modò licere, sed & expedire aliquatenùs vinum acidulis alteratum præscribere. Veruntamen crebris exemplis edocemur, hanc methodum periculo non vacare; & quoniam, uti inter nostrates, præcipuè Cl. Jo. Fort. monet, eadem & experimento, & auctoritati veterum medicinæ patrum plerumque adversatur; ideò juvabit
 non

non naturalis, non medicamentosi potus indolem promiscuè subvertere, atque, uti simplicem acidulam medicamento loco ægris præscribimus, ita laudabilis notæ vinum simplex inter epulas imperare.

Quod reliquum, pro externis ægritudinibus, quæ Lælii Fontis aqua utantur, non desunt. Propterea eadem pro Lichenibus, Impetiginibus, Scabie, aliisque vel Lepræ ipsi affinis affectibus, ubi tamen internæ expiationes præcesserint, pellendis adhibetur. Hinc celeberrimus Bonetus in Merc. Comp. per acidulas ferratas, non semel Impetiginem gravem, & ferè leprosam, aliis frustra adhibitis, se curavisse testatur. Immò memini, ab ingenuo viro, qui Praxim medicam Valdanei exercet, audivisse me, cancerosum quoddam ulcus, post consueta præsidia, hujus fontis lavacro, uti & quamplurima alia cutis vitia, curata penitus fuisse. Brutis quoque cum lavacrum, tum potum profuisse, incolæ referunt: atque inter reliqua rei hujus exempla, duos equos, spirandi difficultate (insigne equorum malum, & ferè semper desperatæ salutis est) laborantes, incolumitati restitutos, prædicant.

Hæc Recobarii Fontis lineamenta: super
cujus indole quid verè sentiendum sit, per-
loqui haud expeditum. Quippè, uti fieri in
rebus hujusmodi solet, hinc auctoritate in-
si-

*Externus hu-
jus aque
usus.*

*De hujus
Acidulæ
usu judi-
cium.*

signum Medicorum, acidulam hanc summis laudibus extollentium, crebrisque, uti memoravimus, rationibus, & mirabilium curationum eventibus, inde adversis aliorum sententiis, & præsertim non unius exitus tristissima imagine conflictamur. Quæ nihilominus utcunque se habeant, quoniam apertum est, non modo eum ab noxiorum mineralium labe immunem prorsus esse, sed & saluberrimis quibusque persimilem; crediderim optatos inde effectus aliquandò non exoriri, quòd levibus sæpè de causis, atque omnibus antea, uti decet, non exploratis, ad acidulam hanc assumendam ægri mittuntur. Dicere enim ausim, vix ad ullum aliud medicaminis genus exhibendum tanta circumspectione, atque tam accurata consideratione opus esse, quantam in præscribendis acidulis adhibeant Practici necessum est. Et tamen scimus, inveniri non paucos, qui inde intricatarum ægritudinum, quarum causas nondum fortassè noverunt, medelam quærunt; quique, eventu secundum vota non succedente, culpam omnem in acidulam rejiciunt, quasi hæc inepta comparandæ incolumitati sit, non ii eandem inconsultò, temerèque præscripserint.

Nihilominus & illud afferre in medium visum est, ut scilicet quotiescunque purgatio viscerum, & lotio interior, quod præcipuum aquarum medicatarum munus censetur, in-

sti-

Aqua B. Virgin. Montis Orthoni. stituenda est; ad mitissimas alias aquas mitantur ægri; uti sunt apud nos Thermales elegantissimæ montis Orthoni, Beatæ Virginis dictæ, quæ nescio quo fato, etsi mira præstent, priorem existimationem apud multos retinere non videntur. Stultum quippè, quod facili, tutoque itinere assequaris, per aspera, atque intuta tentare. Ubi verò quid amplius, & cui satis mitis humor non sit, exposcitur; habeant alia mala remedia sibi accommodatiora; nec enim pervicacem morbum, nisi per dura, & aspera coerceas. Cæterum de temporum nostrorum calamitate conqueri quemquam, fas non est. Ea quippè medentium calamitas semper fuit, ut de maximorum remedium usu adversis omninò sententiis disceptaretur.

Laus Deo, Bq; Virg. Mariæ.

FINIS.

IN-

INDEX.

A

A Cidularum potus perju-
cundus. 206. cur nihil-
ominus aliquibus displic-
eat. 206. 207. cur ab
aquis raro adhibitæ. 109.
110. in Pthysicis quid præstet.
214. 215.

Aer condensatus assignatus pro
causa perennium aquarum. 12.
13.

Aer quomodo dicatur verti in a-
quam. 14. 15.

Aeris nomine vapores intelligendi
non sunt. 13. 14. 15.

Agni Torrens. 175.

Alpheus in Arethusam fontem e-
rumpens. 21.

Alvei fluminum, atque eorundem
ductus subterranei locum sæpè
mutant. 16.

Alumen quid sit. 190.

Alumen Vitriolo cognatum est.
189.

Alumen quomodo dignoscatur.
64.

Alumen in Thermis Patavinis nul-
lum reperitur. 101. 102. 103.

Alumen an Lælio fonti insideat.
189. 190.

Andreae Baccii opinio circa mine-
ram Thermarum Aponensium.
74.

Anonymi opinio super aquis Se-
quanæ. 23. refutata à Rob.
Plot. ibid. 24.

Antimonii variae species sunt. 67.
68.

Aponi nomen undè. 1. ejusdem
descriptio, & situs. 2. ex Clau-

diano. 3. virentes herbæ fonti
eidem innascuntur. ibid. mi-
randa in eo continentiae discipli-
na. 10. interno usui dicatus.
130. quæ ejus sint vires. 150.
151. quid præstet in morbis Tho-
racis ibid. quid in Ventriculi af-
fectibus ibid. & 152. in morbis
Uteri, & Viscerum. 152. caute,
& parcè adhibendus interiùs est.
165. 166.

Aquæ figura, & proprietates. 117:
118. saporem nullum habet ibid.
humida dicitur, cur frigida dicen-
da non sit. 119. 120. præcipuus
eius effectus humectatio est. 121.

Aqua communis quomodo corro-
dendi vim acquirat. 97.

Aqua salubris aeris simillima esse de-
bet. 35.

Aqua simplex undè scaturiat. 36.
37.

Aquæ medicatæ à quibus rebus
fiant. 61. 62.

Aquæ medicatæ omnes spiritum
aliquem habent. 85.

Aquæ medicatæ omnes cur ferreæ
dictæ. 104. 105.

Aquæ medicatæ à pluviis corrup-
puntur. 24. 25.

Aquæ medicatæ recensentur in nu-
mero fontium nunquam deficien-
tium. 32.

Aquæ medicatæ dividuntur in Ther-
males, & Acidulas. 45.

Aquæ medicatæ omnes inter bal-
neares à Galeno connumeratæ.
46.

Aqua mineralis, sive metallica un-
dè oriatur. 33. Variè ejusdem
initium explicatum. 36. undè

mu-

mutationes subeat. 44. 69.

Aquæ medicatæ cur diu suspectæ fuerint. 115. quomodo in usum hominum transferint. 116.

Aquæ medicatæ magis utiles sunt, si propè scaturiginem ab ægris assumantur. 121.

Aquæ medicatæ interius assumptæ quomodo juvent. 138. 139. 140. 141. & reliq.

Astacenus Fons lac nigrum ovium, & equarum facit. 35.

B

BAlnea quibus minimè conveniant. 155. 156.

Balnea inter voluptuariæ vitæ delicias. 168. 169.

Balnea quot modis adhibeantur. 169.

Balneares aquas omnes arte parabiles esse volunt. 60.

Balneationem purgatio præcedat, oportet. 170.

Balneantium regimen quodnam esse debeat. 170. 171. 172. & à balneatione ibid.

Balneorum Patavinorum descriptio 1. 2. 3. 4. 5. 6. 7. 8. 9. 10.

Barathrum undè. 28.

Bartholomæi à Clivolo opinio circa mineram Aponensium Thermarum. 74. 75.

Bartholomæi Montagnanæ sententia circa contenta Aquarum Aponi. 72.

Borbonicæ aquæ dicatæ Mamônæ. 116.

C

CAlculi, & Sabulum per aquam B. Virg. expelluntur. 142.

Calculosi quid agere debeant in potu acidularum. 218. 219. 220. 221. 222.

Calderianæ aquæ dicatæ Junoni. 116.

Calidæ aquæ sine sulphure. 50.

Calor subterraneus undè. 29. cur non ubique perferriatur. ibid. & 30.

Calor Thermarum ab halitibus. 51. refutatur. 52. 53.

Calor Thermarum ab effervescencia salium, aliarumque rerum ducitur. 53. 54. 55. 56. 57.

Cereris fanum in monte S. Danielis 8.

Carnescur sale condiantur. 124. 125.

Clusinæ aquæ dicatæ Æsculapio. 116.

Coctio Leguminum in aquis mineralibus signum incertum est. 110 111.

Cocytus undè. 28.

Colatura quid sit. 133.

Colaturarum varix species 133. 134. quid præstent, eum turbantur. 135. 136. 137.

Color Thermarum Patavinarum quid significet. 80.

Conceptacula aquarum quid præstent. 20. non semper originem fontium explicare queunt. 21. 22.

Contenta aquarum simul mixta habent eas vires, quibus seorsim accepta non pollent. 128. 129.

Cubæ fluvius calidissimus, qui naves possit admittere. 25.

D

DEffectus mensium per aquam B. Virginis corrigitur. 145.

Dyscrasix fere omnes humorum per aquam B. Virginis tolluntur. 148.

Dysenterix medetur aqua B. Virginis. 143.

Effec-

E

- E**ffectus Therm. Patav. quid significant . 83.
 Effervescencia Salium, atque aliarum rerum assignata pro causa caloris aquarum. 53. 54. 55. 56. 57.
 Eructationes minerarum aquas inalterant. 42.
 Ethnicorum opinio de Aquis medicatis. 116.
 Evaporatio in Thermis Patavinis. quid detegat. 108.
 Europa, & Lybia quondam conjunctæ. 17.
 Examen aquarum mineralium cur à multis institutum. 58. 59.
 Examinis aquarum ordo. 60. 61. 62. 63. 64.
 Examen aquæ integræ quomodo fiat. 62. 63. in partes discretæ quomodo procedat. 62.
 Examen aquarum quomodo à neotericis institui soleat. 63. 64.
 Examen aquarum à Veteribus institutum quodnam sit. 117.
 Excultus Fontium à Deo factus, assignatus pro causa perennium aquarum. 15. 16. refutatur ibid. & 17.

F

- F**ermentatio subterranea unde oriatur. 39. 40.
 Flatus, seu conclusus spiritus assignatus pro causa Fontium. 15.
 Flores Sulphuris cur in Thermis Patavinis non appareant. 92. 93. 94. 95.
 Fons Beatæ Virginis interno usui dicatus. 130. summa actionum ejusdem. 131. qua ratione ægris corporibus medeatur. 138. 139. 140. 141. Intemperies, atque

- Obstructiones viscerum tollit. 141. 142. Renum vitia corrigit. ibid. Calculos, & Sabulum extrudit ibid. prodest Hyppochondriacis Melancholicis. ibid. & Dyssenteria. 143. Abscessus internos expurgat. 143. in Ventriculi affectibus prodest. 133. 144. Asthmaticos sublevat. ibid. Menstrua detenta revocat. ibid. & 145. hæmorrhagias haud paucas sistit. 145. quomodo contrarios effectus edat. 146. 147. nimium menstruorum fluxum cohibet. 147. Gallicis non nocet. ibid. & 148. dyscrasias omnes humorum tollit. 148. ejusdem defensio adversus aliquos contemptores ipsius. 149. 150.
 Fontis Lælii Recobarii descriptio, & situs. 174. 175. 176. unde Lælius dictus. ibid. quomodo primum in usum transferit. 176. 177. ejusdem examen. 177. 178. 179. & reliq. volatilia corpuscula continet. 183. 184. itidem & crassa, ac fixa. 185. Vitriolo præditus est. 185. 186. & Ferro. 186. 187. 188. quid de Alumine dicendum videatur. 189. 190. Nitrum an contineat. 190. 191. ab Sulphure immunis non est. 192. 193. Salem communem non continet. 193. neque Æs. 193. 194. quæ sit vera ejusdem minera. 196. 197. &c. vires. 206. 207. 208. ejus præstantia. 209. prodest in Febribus. 210. 211. 212. in affectibus Capitis. 212. Pectoris. 213. suspecta in Pulmonis aliquibus morbis. 213. 214. Emphyos juvat. 215. in quibusdam Hæcticis, & Atrophicis adhibetur. 215. in Ventriculi morbis. 216. in Colica, ibid. in Hepatis morbis. 217.
 in

in Hydrope . ibid. in Affect. Hypochondriaca . 217. 218. Calculosis prodest . 218. 219. 220. 221. 222. Gallico morbo vexatis nocet . 222. an mulieres fecundare queat . 223. 224. 225. in Arthriticis affectibus an conveniat . 125. ordo bibendi eundem . 226. 227. & reliq.

Fontes quomodò repentè emergant , & occludantur . 16. 17.

Fontis B. Helenæ descriptio , & situs . 7. B. Helenæ templum . ibid.

Fons versus Beziers . 87.

Fontis B. Virginis situs . 9. vix falsus est . 81. ejusdem pondus . 82. haud paucò spiritu turgēt . 86. 87. ejus elegantia . 114.

Fons Domus Novæ . 5. ejusdem descriptio , & situs ibid. 6.

Fons in Apenninò summè sulphure abundans . 50.

Fontis Montis Grotti descriptio , & situs . 6. undè ejus nomen . ibid.

Fontis S. Bartholomæi descriptio , & situs . 7. 8. Xenodochium pauperum ibid. Lutum ejusdem fontis percelebre . ibid. multo sulphure turgēt . 114.

Fontis S. Petri descriptio , & situs . 4. 5. multo sale imbuitur . 114. hujus fontis aqua cur non adhibeatur . 152. 153.

Fontis Montis Orthoni descriptio , & situs . 8. 9.

Fontium origo ab innumeris explicata . 11.

Fontes temporarii pendent à pluviis . 18. 32.

Fons è regione Timayi æstum maris imitatur . 27.

Fontes perennes pendent ab vaporibus subterraneis . 29. 30. 31. 32.

Francisci Frizimelicæ conjectura su-

per contentis Aquarum Aponensium . 73.

G

G Abrielis Falleppii sententia de contentis Aquarum Aponensium . 73. 74.

Gallarum tinctura quando cum Vitriolo nigrum colorem non præbeat . 100.

Gallica Lue infectis aqua B. Virginis non nocet . 147. 148.

Georgii Agricolæ opinio super minera Aquarum Aponensium . 72.

Gerionis Adytum . 1.

Granii Fontes dicati Apollini , & Jovi . 116.

Guadianæ iter abditum inter arenam . 31.

Gustus Thermarum Patavinarum quid indicet . 80.

H

H Alitus calidi assignati pro causa aquarum caloris . 51. 52. cur hæc opinio non placeat . ibid. & 53.

Halitus metallici medicatas aquas constituere possunt . 37. 39. 40. 41. In intimis telluris locis creberrimi sunt . ibid.

Hæmorrhagiæ quedam per Aquam B. Virginis sistuntur . 145.

Henrici Rochas labor , & inventum circa Thermarum causam . 54. 55. & Acidularum . 200. 201.

Humectatio præcipuus aquæ effectus . 119. 121.

Hyemæ non decet Thermæles aquas bibere . 162. 163.

Hypochondriaci Melancholici à potu aquæ B. Virginis curantur . 142.

Ignis

I

Ignis assignatus pro causa Ther-
marum. 48. quam difficultatem
id patiat. 49.

Ignis cur ab aqua extinguatur.
119. 120.

Inspectio contentorum in Lælio
Fonte quid ostendat. 180.

Joannes de Dondis balneum do-
mus novæ exornavit. 5. ex eo-
dem plurimum salis conficere
exorsus est. 6.

Joannis de Dondis descriptio Mi-
neræ Aquarum Aponi. 74.

Jovis Fons in Dodone extinctas
faces accendit, & accensas ex-
tinguit. 35.

L

Lacus permulti æstus maris
sequuntur. 27. quo magis di-
stant à mari, eò minus salis.
26. pisces marinos habent. ib.

Comes Lælius Plovenius Patricius
Venetus Fontis Recobarii in-
ventor. 176.

Leguminum varietas undè oria-
tur. 110. 111.

Lotio interior præcipuum munus
aquarum medicatarum est. 131.
132. & reliquis.

Ludovici Pasini conjectura super
Minera Aquarum Aponi. 72.

Luti Thermalis quot usus sint.
172. 173.

Lutum D. Bartholomæi ceteris præ-
stantius. 156. præcipuè emol-
liendi vi pollet. 157.

Lutum D. Helenæ resolvendi vi-
res præsertim habet. 157.

Lutum M. Orthoni emollit, &
digerit. 157.

Lutum Thymarum quas habeat

vires. 156. quibus morbis con-
veniat. ibid. qua de causa varios
ferè effectus edat. 157. 158.

Lutum quo ordine adhibendum.
158. 159.

Lybia, & Europa olim conjun-
ctæ. 17.

M

Mare causa fontium peren-
nim. 18. cum aquis subter-
raneis communicat. 25. 26. 27.
28. Mediterraneum cum mari
Rubro communicat. 27. Cas-
pium cum Euxino ibid.

Mare internum quid sit. 28. quo-
modo falsedinem deponat. ib.

Mare cur non crescat. 32.

Maria aliquando mutant locum.
17.

Menghi Faventini opinio de con-
tentis aquarum Aponi. 72. 73.

Metallorum mixtio cum aquis la-
tentior, & cæteris. 67. 68. 69.

Menstruorum vis à figura. 204.

Mineralia corpora raro secundum
omnem substantiam aquis mi-
scentur. 42. 43.

Metallica corpora quomodo fiant.
40.

Meteora undè potissimum orian-
tur. 40. 41.

Michaelis Savonarolæ opinio su-
per Aquarum Aponi conten-
tis. 73.

Mixtura Aquarum confusa quæ-
nam sit. 38.

Mineralia corpora cur aut raro,
aut nunquam simplicia inveni-
antur. 68.

Mons Rubeus. 8.

Mons S. Danielis. 2. 8.

Montes Cavernosi ad parandos ri-
vos summè accommodati sunt.
30. 31. 32.

Mo-

Motus Violentus ineptè ab aliquibus assignatus pro causa Caloris aquarum. 48.

N

Nervorum affectibus Thermæ Patavinæ egregiè medentur.

154.

Nervis summè prodest lutum D. Bartholomæi. 156.

Niger fluvius subtus montes iter magnum conficit. 21.

Nili abditum iter. 22. 31.

Nitrum in Lælio Fonte an insit. 190. 191. 192.

Nitrum in multis aquis repertum. 121.

Nitrum in Patavinis Fontibus nullum. 103. 104.

O

Obstuersiones Viscerum per aquam B. Virginis apprimè curantur. 141. 142.

Oceanum Tartareum undè. 28.

Odor Aquæ Fontis Lælii quid ostendat. 178. 179.

Odor Thermarum Patavinarum quid portendat. 80.

Odores omnes Sulphuri ab aliquibus assignantur. 91.

Oleum Gabianum undè eruatur. 81. 88.

P

Petrus Aponensis insignis Phil. & Med. 2.

Phlegetonta undè. 28.

Phthysicis suspectæ Acidulæ. 213. 214. 215.

Pluviæ causa fontium. 18. ex iis fontes auferunt, sed perennium aquarum causa inde non

desumenda. 18. 19. 20. 21. 22. 23. 24.

Pluvia subterranea undè oriatur. 19.

Pluvia ultra decem pedes terram non penetrat. 24.

Pluviæ aquas medicatas sæpè corrumpunt. 44. 45.

Pluviæ quid præstent in fontibus. 32.

Pondus Aquæ Lælii Fontis quid significet. 180.

Pondus Therm. Patavinarum quod sit. 82.

Puellis balnea non prosunt. 155.

Q

Qualitates caloris, & frigoris plerumque inertes, si cum aliis conferantur. 117.

Qualitates tactiles Fontis Lælii quid significant. 179. 180.

Qualitates tactiles Thermarum Patavinarum quidnam ostendant. 81.

Quantitas potus aquarum Thermalium. 164. 165.

Quantitas potus aquæ Fontis Lælii. 229. 230.

R

Radices plantarum aquas inalterare possunt. 61.

Recobarii situs, & descriptio. 175. 176.

Refrigeratio quomodo ex aqua habeatur. 149. 150. 151.

Regimen Theriopotantium quis esse debeat. 160. 162. & reliq.

Regionum trium Telluri quænam temperies sit. 29.

Rosarum species variæ sunt. 67.

Q

Sal

S Al Centrale quomodo fontes medicatos faciat. 200. 201. ejusdem necessitas. 203.
 Sales quomodo figuram mutant. 66. 67.
 Sales in terram inspidam tandem abeunt. ibid.
 Sales more quodam plantarum germinantium fiunt. 65. 66.
 Salium concretio tumultuaria quid efficiat. 96.
 Salium commixtio aquas medicatas facit. 37. 38. 39.
 Sales per fusiones, & solutiones repetitas, demum in terram inspidam abeunt. 66.
 Sales Thermarum Patavinarum cujus generis sint. 95. 96. 97. 98.
 Sales iidem cum acidis aliquatenus effervescent. ibid.
 Salis figura, & effectus præcipui. 124. 125. cur carnes à putredine servant. ibid.
 Sedimenta sæpè mineras explorantes decipiunt. 68. 69.
 Sedimentum Thermarum Patavinarum quale sit. 108. 109. 110.
 Sequanæ aqua à pluviis ab Anonymo derivata. 23.
 Sanguinis crasis optima quid præstet. 132. quibus periculis obnoxia sit. ibid. & 133. quid ab colaturis emolumenti capiat. ibid. 134. 135. quæ mala ex turbatis colaturis patiat. 135. 136. 137.
 Sol ineptè assignatus pro causa caloris aquarum. 47.
 Solutio corporum quomodo calorem faciat. 55. 56.
 Spadanarum aquarum Minera va-

riè explicatur. 69. 70.
 Spiritus acidus Esurinus quid sit. 199.
 Spiritus aquarum acidi quæ natura sit. 85. 197. 198. 199. &c. an in Thermis Patavinis hic spiritus insit. 86. Fonti Lelio insidet. 184. 196. 197. &c.
 Sti Galmerii oppidum. 34.
 Substantia Mineralium, non virtus eorum sine corpore aquas Medicatas facit. 42.
 Sulphur assignatus pro causa caloris aquarum. 49. cur conjectura hæc non placeat. 50.
 Sulphur quid præstet. 83.
 Sulphur variè aquas ingreditur. 87. 88.
 Sulphur adæquata materies Thermarum. 87.
 Sulphuris nomine quid intelligatur. 88. 89. duæ ejusdem sunt partes. ibid.
 Sulphurum varietas undè. ibidem.
 Sulphura oleosè, & balsamicè a quo permixta. 93.

T

T Erra aquas medicatas facit. 33. 35. 36.
 Terræ figura cavernosa. 26.
 Terra sæpè aquas transmittit. 25. 26.
 Terra Thermarum Patav. quænam sit, & quid præstet. 109. 126. 127. cur propter eandem suspectæ aliquibus Thermæ sint. ibid. diluitur difficultas. 127. 128.
 Theodoricus Rex Aponum exornavit. 2. fontem ipsum laudibus extulit. ibid.

Ther-

Thermæ Cornelianæ sulphure subtilissimo pollent. 88.

Thermarum Patavinarum descriptio, & situs. 1. 2. 3. 4. 5. 6. 7. 8. 9. 10.

Thermæ undè dicantur. 46.

Thermæ intra fontes perennes connumerantur. 11. undè dictæ. 46.

Thermæ Patavinæ ad unum genus redigi facillè queunt. 76. 77. 78. 79.

Thermæ Patavinæ spirituosæ materie pollent. 85. 86. 87. sulphur continent. 90. 91. 92. 93. 94.

95. fale aliquo accedente ad Salem Communem prædictæ sunt. 95. 96. 97. inter coquendum falsedo earundem augetur. ibid.

Vitriolum minimè continent. 99. 100. 101. Alumine omni carent. 101. 102. 103. cur Aluminosæ à Veteribus dicantur. ibid. neque Nitrum ullum continent. 103. 104. cur nitrosæ à Veteribus dictæ fuerint. ibid.

Ferrum, sive Martem nullum continent. 104. 105. 106. secundum contentorum genera inter se minimè discrepant. 107. quid per evaporationem præbeant. 108. quid ex earundem sedimentis colligatur. 109. Terræ albæ portionem quandam habent. ibid. Cupro, Ferro, Plumbo, Stanno, & Arsenico carent. ibid.

Auro, & Argento carent. 110. quid contineant. ibid. Sulphuro - Salinæ dicuntur. ibid. similes inter se sunt, quò ad contentorum genera. 111. 112. 113.

vires variæ. 128. 129. cur non omnes usui interno inserviant. 130. 131. quid præstent interiùs assumptæ. 138. 139. & reliq. quid agant exteriùs adnotæ. 153. 154. cutaneos morbos, & nervo-

rum præcipuè curant. ibid. in Fistulis Ani egregiè adhibentur. 155. quando non convenient. ibid. & 146. rectè administrandæ sunt, ne noceant. 160. 161. qua anni tempestate bibendæ. 162. qua mensura. 164. quot dierum spatio. 165. cibis, & potibus misceri non debent. 167. 168. exteriùs dupliciter adhibentur. 168. 169. & reliq.

Tigris fluvius subtus Caucasum procedit. 21.

Tophi, & crustæ quedam Thermarum Patavinarum quid sint. 95.

V

V Aldanei situs. 175. 176.

Vapores aeris nomine non sunt intelligendi. 13. 14.

Vapores ab aquis, ab halitibus animalium, atque à spiritu plantarum proficiscuntur. 14.

Vapores subterranei causa fontium. 25. quomodo oriantur. 29. cur non ubique conspicui sint. 30. quomodo terræ substantiam penetrent. ibid. & 31. quo ordine ex iis nascantur rivi. ibid. & 32.

Vapores subterranei aquas sæpissimè inalterant. 37. 39. 40.

Varietas actionum in aquis metallicis. 34. 35.

Varietas aquarum undè oriatur. 44. Veterum scriptorum variæ sententiæ super minera Fontium Patavinarum. 71. 72. 73. 74. 75. 76.

Viæ subterraneæ, pluvias deferentes, quas difficultates patiantur. 22. 23.

Vires Thermarum undè habeantur. 128. 129. undè earundem effectus varii promanent. ibid.

Vitriolorum varietas. 66. 67.
Vitriolum maturum à paucis aquis
medicatis educitur. 66.
Vitriolum in Thermis Patavinis
nullum. 99. 100. 101.
Vitriolum in Fonte Lælio adest.

185. 186,
Vitriolum Martis purum quomodo
habeatur. 194. 195.
Vitriolum maturum. cur à paucis-
simis aquis eliciatur. 202. 203.
204. 205.

FINIS.

NOI

NOI REFFORMATORI dello Studio di PADOVA.

HAvendo veduto per la fede di revisio-
ne, & approbatione del P. F. Ambro-
sio Lisotti Inquisitore nel Libro intitolato
*Thermarum Patavinarum Examen, Scriptore Jo:
Gratiano*, non esservi cos' alcuna contro la
Santa Fede Cattolica, e parimente per atte-
stato del Segretario nostro niente contro Prin-
cipi, e buoni costumi, concedemo Licenza
à Zuanne Manfrè, che possi essere stampato,
osservando gl' ordini in materia di Stampe,
e presentando le solite copie nelle pubbliche
librerie di Venetia, e di Padova.

Data 19. Novembre 1700.

(*Alvise da Mosto Proc. Riform.*

(*Girolamo Venier K. Proc. Riform.*

Agostino Gadaldini Segret.

ER-

ERRATA SIC CORRIGE.

Pagina.

Linea.

uber.	5	ubere.	15
reperivut.	29	reperiunt.	17
consonum.	32	consonum.	16
conjectari.	75	conjectare.	19
confringantur.	97	confringantur.	27
quondam.	108	quandam.	24
ubi.	111	ubique.	29
Junoni.	116	Mamonæ.	28
Pulmorum.	123	Pulmonum.	10
sæpius.	125	segniùs.	16
Syvuius.	125	Sylvius.	24
volabilitatum.	125	volatilizatum.	29
abstructiones.	128	obstructiones.	3
senso.	158	sensu.	8
Aspargum.	164	Asparagum.	4
exquirem.	184	exquirerem.	5
con- confugerunt.	202	confugerunt.	14
ruina.	219	urina.	11





